

SIN-BĒNG-KÌ (5)

1 Mô·se tī Iok-tàn goā, tī khòng-iá Sók·hut tùi-bīn ê A-láh-pa, chiū-sī tī Pa-lân, Tô-hut, Láh-pan, Hap-sé-liók, Tí-sat-hap ê tiong-kan, tùi Í-sek-liát ê chêng-lâng só· kóng ê oē, kì tī ē-toē. ²Tùi Hô-liát keng-kè Se-jíⁿ soaⁿ ê lō· kàu Ka-te-su Pa-nî-a, ū chấp-it jít ê lō·chām. ³Tī tē sì-cháp nî, chấp-it gēh chhoe-it jít, Mô·se chiàu Iâ-hô-hoa it-chhè só· bēng-lēng i ê, lóng kā Í-sek-liát lāng kóng. ⁴Hit-sī i í-keng phah-iâⁿ khiā-khí tī Hi-sít-pún ê A-mô·lī ông Se-hông, kap khiā-khí tī Í-tek-lâi, A-su-tha-liók ê Pa-san ông Gók; ⁵Mô·se tī Iok-tàn goā ê Mô·ap toē, khí-thâu thoân chit ê lút-hoat kóng, ⁶Iâ-hô-hoa lán ê Siōng-tè tī Hô-liát hoan-hù lán kóng, Lín khiā-khí chit ê soaⁿ í-keng kú lah; ⁷tiòh khí-sin oát-túg kàu A-mô·lī lāng ê soaⁿ-toē, kap kün-oá hia ê ták só·chāi, tī A-láh-pa, tī soaⁿ-toē, tī pīⁿ-iūⁿ, tī lâm-hng, iân-hái it-tài, Ka-lâm lāng ê toē, kap Lī-pa-lùn, koh kàu toā-hô, chiū-sī Pek-láh-hô. ⁸Taⁿ Goá ēng chit ê toē pài-liát tī lín ê bīn-chēng, lín tiòh jíp-khì tit-tiòh i lâi choē giáp, chiū-sī Iâ-hô-hoa tùi lín ê chó·, A-pek-láh-hán, Í-sat, Ngá-kok, chiù-choā beh siúⁿ-sù in kap in ê hō·-è ê toē.

⁹Hit-sī goá kā lín kóng, Lín ê chek-sēng, goá ka-kī chit-ê tam-tng boē khí. ¹⁰Iâ-hô-hoa lín ê Siōng-tè hō· lín ke-thiⁿ choē-choē, khoàⁿ ah, lín kin-á-jít chhin-chhiūⁿ thiⁿ-tég ê chhiⁿ hiah-choē. ¹¹Goān Iâ-hô-hoa lín liát-

chó· ê Siōng-tè, hō· lín pí hiān-kim ke chheng-pē choē, iā chiàu I só· èng-ún lín--ê sù-hok lín. ¹²Lín ê tâng-tàⁿ, lín ê chek-sēng, kap lín ê oan-ke, goá ka-kī chit-ê thái-thó tam-tng oē khí ah? ¹³Lín tiòh chiàu ták chi-phài keng ū tì-hūi, ū kiàn-sek, ū bēng-bōng ê lāng, goá siat-líp in choē lín ê siú-léng. ¹⁴Lín in goá kóng, Lí só·-kóng-ê sī hó, thang kiâⁿ--i. ¹⁵Goá chiū chiong lín ták chi-phài ê siú-léng, chiū-sī ū tì-hūi, ū bēng-bōng ê lāng, siat-líp in choē siú-léng, chiū-sī chhian-chóng, peh-chóng, ngó·-síp-hu-tióng, síp-hu-tióng, kap iú-si, chiàu lín ê chi-phài, lâi koán-lí lín. ¹⁶Tng-sī goá bēng-lēng lín ê sím-phoàⁿ-koaⁿ kóng, Lín tī lín hiaⁿ-tī tiong sím-phoàⁿ, hék-sī lāng kap i ê hiaⁿ-tī, á-sī kap in tiong-kan ê chhut-goā lāng, ū saⁿ-kò, tiòh chiàu kong-tō phoàⁿ-toàn; ¹⁷sím-phoàⁿ ê sī, m̄-thang khoàⁿ lāng ê goā-māu, jiók kap không pīⁿ-pīⁿ tiòh thiaⁿ i; m̄-thang kiaⁿ-ùi lāng; in-ùi sím-phoàⁿ siók tī Siōng-tè; lín oh kái-koat ê sū, hō· i kàu goá chia, goá chiū phoàⁿ-toàn i. ¹⁸Hit-sī goá chiong lín só· eng-kai kiâⁿ ê sū lóng bēng-lēng lín.

¹⁹Lán chiàu Iâ-hô-hoa lán ê Siōng-tè só· bēng-lēng lán ê, tùi Hô-liát khí-sin, keng-kè lín só· khoàⁿ-kìⁿ hit ê toā koh thang kiaⁿ ê không-iá, lō· tùi A-mô·lī lāng ê soaⁿ-toē; lán chiū kàu Ka-te-su Pa-nî-a. ²⁰Goá tùi lín kóng, Lín í-keng kàu Iâ-hô-hoa lán ê Siōng-tè

siúⁿ-sù lán A-mô·lī lāng ê soaⁿ-toē. ²¹Khoàⁿ ah, Iâ-hô-hoa lín ê Siōng-tè, í-keng chiong hit ê toē pài-liát tī lí ê bīn-chêng; lí tiòh chiàu Iâ-hô-hoa lí ê liát-chó· ê Siōng-tè só· tùi lí kóng ê, chiūⁿ-khì lāi tit-tiòh i choè-giáp; bôh-tit kiaⁿ, bôh-tit lún. ²²Hit-sī lín lóng chiū-kūn goá lāi kóng, Lán tiòh chhe lāng tãi-seng khì, ká lán thau-khoàⁿ hit ê toē, hê-hok lán, khoàⁿ lán tiòh tùi sím-mih lō· chiūⁿ-khì, sím-mih siáⁿ jíp-khì. ²³Che oē goá khoàⁿ choè-hó; goá chiū tùi lín tiong-kan keng chấp-jī lāng, múi chi-phài chit lāng; ²⁴in chiū oát-túg-sin chiūⁿ soaⁿ-toē khì, kàu Í-sít-kok ê soaⁿ-kok, thau-khoàⁿ i. ²⁵In chhiú--nih thêh hit só·-chāi ê ké-chí, toà lāi kàu lán hia, hê-hok lán kóng, Iâ-hô-hoa lán ê Siōng-tè só· siúⁿ-sù lán-ê, sī hó ê thó·-toē.

²⁶Chóng-sī lín m̄-khéng chiūⁿ-khì, poē Iâ-hô-hoa lín ê Siōng-tè ê bēng-lēng; ²⁷koh tī lín ê pò·-pīⁿ-lāi ai-oàn kóng, In-ūi Iâ-hô-hoa oàn-hūn lán, só·-í chhoā lán chhut Ai-kíp toē, beh chiong lán kau tī A-mô·lī lāng ê chhiú, châu-biát lán. ²⁸Lán beh chiūⁿ-khì toh-lòh ah? Lán ê hiaⁿ-tī hō· lán sit-chì, kóng, Hia ê peh-siⁿ pí lán khah toā khah lò, siáⁿ khoah-toā koh kian-kò·, koàiⁿ kàu tú-thiⁿ; koh goán tī-hia khoàⁿ-kìⁿ A-láp chók ê lāng. ²⁹Goá chiū tùi lín kóng, Bôh-tit lún, bôh-tit kiaⁿ in. ³⁰Kiáⁿ tī lín ê bīn-chêng ê Iâ-hô-hoa lín ê Siōng-tè, beh thoè lín kau-chiàn, chhin-chhiūⁿ I tī Ai-kíp ūi-tiòh lín lāi kiáⁿ tī lín bák-chiu-chêng it-chhè ê sū; ³¹koh chhin-chhiūⁿ I kiáⁿ tī khòng-iá, tī-hia lí khoàⁿ-kìⁿ Iâ-hô-hoa lí ê Siōng-tè tī lí it-chhè só· kiáⁿ ê lō· ū cháiⁿ-iūⁿ iāng lí, chhin-chhiūⁿ lāng iāng i ê kiáⁿ chit-iūⁿ, kàu lín kàu tī chit ê só·-chāi. ³²Chóng-sī lín tī chit ê sū m̄-sin Iâ-hô-hoa lín ê Siōng-tè; ³³I tī lō·--nih, tī lín ê thau-chêng teh kiáⁿ,

kā lín chhē an-iáⁿ ê só·-chāi; mī-sī ēng hé, jít-sī ēng hūn, chí-sī lín só· tiòh kiáⁿ ê lō·.

³⁴Iâ-hô-hoa thiaⁿ-kìⁿ chiaⁿ ê oē ê siaⁿ, chiū siū-khì, chiū-choā kóng, ³⁵Chit ê pháiⁿ sè-tāi ê lāng koat-toàn bô chit-ê oē khoàⁿ-kìⁿ Goá chiū-choā siúⁿ-sù lín liát-chó· ê hó-toē; ³⁶chí-ū Iâ-hu-nī ê kiáⁿ Ka-lèk beh tit-tiòh khoàⁿ-kìⁿ; koh Goá beh ēng i só· táh--tiòh ê toē siúⁿ-sù i, kap i ê kiáⁿ-sun; in-ūi i choan-sim tē Iâ-hô-hoa. ³⁷Iâ-hô-hoa ūi-tiòh lín ê iân-kò· iā siū-khì goá, kóng, Lí iā boē tit-tiòh jíp hit ê só·-chāi; ³⁸kun-sūi lí ê, Lùn ê kiáⁿ Iok-su-a, i beh jíp-khì hia; lí tiòh ióng-chòng i ê sim-chì, in-ūi i beh hō· Í-sek-liát lāng sēng-chiap hit ê só·-chāi; ³⁹koh lín ê gín-ná, chiū-sī lín só· kóng beh siū-liáh-ê, kap kin-á-jít lín hiah-ê boē hiáu hó-pháiⁿ ê kiáⁿ-jī, beh jíp-khì hia; Goá beh chiong hit só·-chāi hō· in, in beh tit-tiòh choè-giáp; ⁴⁰lūn-kàu lín, lín tiòh oát-tò-túg khí-sin, tùi Áng-hái ê lō· khì khòng-iá.

⁴¹Hit-sī lín in goá kóng, Goán tek-choē Iâ-hô-hoa; taⁿ goán beh chiàu Iâ-hô-hoa goán ê Siōng-tè it-chhè só· bēng-lēng ê, chiūⁿ-khì kau-chiàn. Tùi hit-tiáp lín ták-lāng toà kun-khì, sūi-piān chiūⁿ-khì soaⁿ-toē. ⁴²Iâ-hô-hoa ká goá kóng, Lí tiòh ká in kóng, M̄-thang chiūⁿ-khì, iā m̄-thang kau-chiàn; in-ūi Goá bô tī lín tiong-kan, kiaⁿ-liáu lín thài-su tùi-ték. ⁴³Goá chiū ká lín kóng; chóng-sī lín m̄ thiaⁿ-thàn, poē-gék Iâ-hô-hoa ê bēng-lēng, chū-choan chiūⁿ-khì soaⁿ-toē. ⁴⁴Tiām tī soaⁿ-nih ê A-mô·lī lāng chiū chhut-lāi kong-kek lín, chhin-chhiūⁿ phang tui-koáⁿ lín chit-poaⁿ, tī Se-jíⁿ thài-iáⁿ lín, tit--kàu Hô-jíⁿ-má. ⁴⁵Lín chiū tò-túg lāi, tī Iâ-hô-hoa ê bīn-chêng thī-khau; chóng-sī Iâ-hô-hoa m̄-thiaⁿ lín ê siaⁿ, iā m̄ àⁿ hī-khang òng lín. ⁴⁶Lín chiū tiām tī Ka-te-su choē-choē jít, chiàu lín tiām tī-hia ê

jít.

2 Chit-tiáp liáu-āu, lán oát-tò-túg khí-sin, tùi Âng-hái ê lō· khi không-ia; sī chiàu Iâ-hô-hoa só· tùi goá kóng--ê; lán seh Se-jíⁿ soaⁿ choē-choē jít. ²Iâ-hô-hoa hoan-hù goá kóng, ³Lín seh chit ê soaⁿ kú lah; tiòh oát-túg òng pak--sì khi. ⁴Lí tiòh hoan-hù peh-sìⁿ kóng, Í-sò ê kiáⁿ-sun lín ê hiaⁿ-tī tiàm tī Se-jíⁿ; lín beh keng-kè in ê keng-kài, in beh kiaⁿ lín; só·-í lín tiòh put-chí kín-sīn; ⁵m̄-thang kap in cheng-chiàn in ê toē, chiū nā chit kha-jiah-ūi, Goá lóng bô hō· lín, in-ūi Goá í-keng chiong Se-jíⁿ soaⁿ hō· Í-sò choè-giáp. ⁶Lín tiòh ēng gún tùi in boé bí-niū lăi chiáh, iā tiòh ēng gún tùi in boé chúi lăi lim; ⁷in-ūi Iâ-hô-hoa lí ê Siōng-tè, tī lí ê chhiú só· choè it-chhè ê kang, sù-hok lí; lí kiāⁿ chit ê toā ê không-ia, I lóng chai; chí sì-cháp nî, Iâ-hô-hoa lí ê Siōng-tè kap lí tī-teh, lí lóng bô khiàm-kheh chit-hāng. ⁸Tùi án-ni, lán lī-khui lán ê hiaⁿ-tī Í-sò ê kiáⁿ-sun, khiā-khi tī Se-jíⁿ ê; tùi A-lăh-pa ê lō· keng-kè Í-lăh-tha, Í-sùn-ka-piát.

⁹Lán chiū oát-túg keng-kè Mô·ap không-ia ê lō· khi. Iâ-hô-hoa tùi goá kóng, M̄-thang kiáu-jíáu Mô·ap lăng, iā m̄-thang kap in kau-chiàn; in ê toē Goá lóng bô beh hō· lí choè-giáp; in-ūi Goá í-keng chiong A-jíⁿ hō· Lô-tek ê kiáⁿ-sun choè-giáp. ¹⁰Chá-chêng ū Í-bí lăng khiā-khi tī-hia, peh-sìⁿ choē, toā koh lò, chhin-chhiūⁿ A-láp lăng chit-iūⁿ. ¹¹In iā hō· lăng sng in choè Lī-hoát-im lăng, chhin-chhiūⁿ A-láp lăng chit-iūⁿ; chóng-sī Mô·ap lăng chheng i choè Í-bí lăng. ¹²Chá-chêng Hô-lī lăng iā khiā-khi tī Se-jíⁿ; chóng-sī Í-sò ê kiáⁿ-sun soà-chiap i; in tī in ê bīn-chêng châu-biát in, lăi toà tī in ê só·-chăi, chhin-chhiūⁿ Í-sek-liát tī Iâ-hô-hoa siúⁿ-sù in choè-giáp ê toē só· kiāⁿ ê.) ¹³Taⁿ lín tiòh khí-lăi kè Sat-

liát khoe; tùi án-ni lán kè Sat-liát khoe. ¹⁴Tùi lán lī-khui Ka-te-su Pa-ni-a, kàu kè Sat-liát khoe ê jít, kiōng saⁿ-cháp-poeh nî; kàu hit-tāi ê bú-sū lóng sí-bô tī kun-iāⁿ-tiòng, chiàu Iâ-hô-hoa tùi in só· chiū-choā-ê. ¹⁵Koh Iâ-hô-hoa ê chhiú kong-kek in, tùi kun-iāⁿ-tiòng châu-biát in, kàu in lóng sí-bô.

¹⁶Bú-sū tùi peh-sìⁿ-tiòng lóng châu-biát sí-bô í-āu, ¹⁷Iâ-hô-hoa hoan-hù goá kóng, ¹⁸Lí kin-á-jít tiòh tùi Mô·ap ê keng-kài A-jíⁿ keng-kè; ¹⁹kiāⁿ kún A-bún lăng ê tui-bīn, m̄-thang kiáu-jíáu in, iā m̄-thang kap in cheng-chiàn; in-ūi A-bún lăng ê toē Goá bô hō· lín choè-giáp, in-ūi Goá í-keng siúⁿ-sù Lô-tek ê kiáⁿ-sun choè-giáp. ²⁰Hit ê toē iā sng-choè Lī-hoát-im lăng ê toē; chá-chêng Lī-hoát-im lăng tiàm tī-hia, A-bún lăng chheng in choè Săn-sòng-bêng; ²¹hiah ê peh-sìⁿ choē, toā koh lò, chhin-chhiūⁿ A-láp lăng chit-iūⁿ; chóng-sī Iâ-hô-hoa tī A-bún lăng ê bīn-chêng châu-biát in, in chiū tit-tiòh in ê toē, soà-chiap khiā-khi; ²²chhin-chhiūⁿ I ūi Í-sò ê kiáⁿ-sun, khiā-khi tī Se-jíⁿ ê, biát Hô-lī lăng tī in ê bīn-chêng, in chiū soà-chiap khiā-khi in ê toē kàu kin-á-jít; ²³koh ū A-oē lăng khiā-khi tī huiⁿ-siā, soà kàu Ka-sat ê; tùi Ka-húi-thok chhut-lăi ê Ka-húi-thok lăng biát in, lăi khiā-khi tī in ê ūi.) ²⁴Taⁿ lín tiòh khí-lăi, khí-sin kè A-lùn ê soaⁿ-kok; khoàⁿ ah, Goá í-keng chiong A-mô·lī lăng Hi-sít-pún ông Se-hông, kap i ê toē, kau tī lí ê chhiú-thâu; lí tiòh khí-chhiú tit-tiòh i ê toē, khi kap i kau-chiàn. ²⁵Tùi kin-á-jít khí, Goá beh hō· thiⁿ-ē bān peh-sìⁿ, thiaⁿ-kìⁿ lí ê miā-siaⁿ ê, kiaⁿ lín, lún lín; koh in-ūi lí ngiáuh-ngiáuh-chhoah, thòng-khó.

²⁶Goá chiū tùi Ki-tí-bók ê không-ia, chhe sù-chiá khi kìⁿ Hi-sít-pún ông Se-hông, ēng hô-pêng ê oē kóng, ²⁷Kiū lí iòng-ún goá tùi lí

ê toē keng-kè; goá beh kiáⁿ toā-lō·, bô phian-chó, bô phian-iū; ²⁸lí thèh goá ê gún, boē bí-niū hō· goá chiáh, thèh goá ê gún, ēng chúí boē goá lim; tók-tók chún goá pō·-kiáⁿ kè-khì; ²⁹chhin-chhiūⁿ tiàm tī Se-jí^m ê Í-sò ê kiáⁿ-sun, kap tiàm tī A-jí^m ê Mô·-ap lāng khoán-thāi goá chít-iūⁿ; theng-hāu goá kè Iok-tàn hô, jíp Iā-hô-hoa goán ê Siōng-tè só· siúⁿ-sù goán ê toē. ³⁰Chóng-sī Hi-sít-pún ông Se-hông m̄-khéng hō· lán tui i hia keng-kè, in-ūi Iā-hô-hoa lí ê Siōng-tè hō· i ê sèng-chèng kò·-chip, sim ngī, ūi-tiòh beh chiong i kau-hù tī lí ê chhiú; chhin-chhiūⁿ kin-á-jit chít-iūⁿ. ³¹Iā-hô-hoa kā goá kóng, Khoàⁿ ah, tui chit-tiáp khí, Goá beh chiong Se-hông kap i ê toē, kau-hù tī lí ê bīn-chèng, lí taⁿ tiòh tit-tiòh i ê toē choē-giáp. ³²Hit-sī Se-hông kap i ê cheng peh-siⁿ chhut-lâi tí-ték lán, kau-chiàn tī Ngá-cháp. ³³Iā-hô-hoa lán ê Siōng-tè chiong i kau-hù lán, lán chiū phah-sí i, kap i ê kiáⁿ, í-kíp i ê cheng peh-siⁿ. ³⁴Tng hit-sī lán chhiú i lóng-chóng ê siáⁿ, châu-biát ū lāng khiā-khí ê siáⁿ, liân hū-jîn-lāng kap gín-ná, bô lâu chít-ê; ³⁵tók-tók cheng-siⁿ kap só· chhiúⁿ ták ê siáⁿ ê chong-bút, lóng chhiú lăi choē ka-kī ê lō·-ēng. ³⁶Tui A-lùn soaⁿ-kok-piⁿ ê A-lô-jí^m, í-kíp soaⁿ-kok tiong ê siáⁿ, kàu tī Ki-liát, bô chít ê siáⁿ kian-kò·, hō· lán chhiú i bô tiòh; in-ūi Iā-hô-hoa lán ê Siōng-tè lóng kau-hù lán; ³⁷chí-ū A-bún lāng ê toē, Ngá-phok hô-piⁿ ê toē, kap soaⁿ-toē chiah ê siáⁿ, kap Iā-hô-hoa lán ê Siōng-tè só· kìm lán khì ê toē, lí lóng bô óa-kūn i.

3 Lán chiū oát-túg-sin chiūⁿ Pa-san ê lō·khì; Pa-san ông kap i ê cheng peh-siⁿ lóng-chhut-lâi tí-ték lán, chiū tī Í-tek-lâi kau-chiàn. ²Iā-hô-hoa kā goá kóng, Bóh-tit kiaⁿ i, in-ūi Goá í-keng chiong i kap i ê cheng peh-siⁿ, kap i ê toē, lóng kau tī lí ê chhiú; lí tiòh khoán-thāi

i chhin-chhiūⁿ khoán-thāi tiàm tī Hi-sít-pún ê A-mô·-lī ông Se-hông chít-iūⁿ. ³Tui hit-tiáp Iā-hô-hoa lán ê Siōng-tè iā chiong Pa-san ông Gók, kap i ê cheng peh-siⁿ, lóng kau tī lán ê chhiú; lán chiū phah-sí in, bô lâu chít-ê. ⁴Hit-sī lán chhiú i só· ū ê siáⁿ, bô chít ê siáⁿ bô hō· lán chhiú i, kiōng lăk-cháp ê siáⁿ; che sī A-jí^m-ko-pek ê choân-kéng, chiū-sī Gók ê kok tī Pa-san ê. ⁵Chiah-ê lóng sī kian-kò· ê siáⁿ, ū koaiⁿ ê chhiūⁿ, ū m̄ng, ū kông; chiah-ê í-goā iáu-ū choē-choē bô siáⁿ-chhiūⁿ ê pō·-thâu. ⁶Lán it-chīn biát in, chhin-chhiūⁿ cheng khoán-thāi Hi-sít-pún ông Se-hông chít-iūⁿ, biát ū lāng khiā-khí ê siáⁿ, liân hū-jîn-lāng, kap gín-ná; ⁷tók-tók it-chhè ê cheng-siⁿ, kap siáⁿ-tiong ê chong-bút, lán lóng chhiú lăi choē ka-kī ê lō·-ēng. ⁸Hit-sī lán tui Iok-tàn hit-pēng, n̄ng ê A-mô·-lī ông ê chhiú, chhiúⁿ i ê toē, tui A-lùn ê soaⁿ-kok kàu Hek-bún soaⁿ. ⁹Chit ê Hek-bún, Se-tùn lāng chheng i choē Se-liân; A-mô·-lī lāng chheng i choē Sī-ni-jí^m.) ¹⁰Lán chhiúⁿ pīⁿ-iūⁿ ták ê siáⁿ, Ki-liát choân-toē, Pa-san choân-toē, tit-kàu Sat-ka kap Í-tek-lâi, lóng sī Pa-san ông Gók kok-lăi ê siáⁿ. ¹¹Lī-hoát-im lāng só· lâu ê, chí-ū chhun Pa-san ông Gók; khoàⁿ ah, i ê bīn-chhng sī thih ê bīn-chhng, tng káu-tiú, khoah sī-tiú, lóng sī ēng lāng ê tiú choē-pān; hiān-kim kiám-m̄-sī tī A-bún lāng ê lăh-pa mah?) ¹²Hit-sī lán tit-tiòh chit ê toē; tui A-lùn soaⁿ-kok piⁿ ê A-lô-jí^m khí, í-kíp Ki-liát soaⁿ-toē ê chít-poàⁿ, kap kī-tiong ê siáⁿ, goá lóng hō· Liū-piān lāng kap Ka-tek lāng; ¹³Ki-liát kī-ū ê toē, kap Pa-san choân-toē, Gók ê kok, goá hō· Má-ná-se ê poàⁿ-chí-phài; A-jí^m-ko-pek choân-toē, Pa-san choân-toē, che kiò-choē Lī-hoát-im lāng ê toē. ¹⁴Má-ná-se ê kiáⁿ Gâi-jí^m chiām A-jí^m-ko-pek choân-kéng, tit-kàu Ki-sút lāng kap Má-ka lāng ê

kau-kài; chiū chiàu ka-kī ê miâ chheng Pa-san toē choē Hap-úi-ték-gâi-jīⁿ, kàu kin-á-jit.
¹⁵Goá koh chiong Ki-liát hō· Má-kiat. ¹⁶Tùi Ki-liát kàu A-lùn ê soaⁿ-kok, ēng soaⁿ-kok choē kài, tit-kàu A-bûn lāng kau-kài ê Ngá-phok hô, goá chiong che hō· Liū-piān lāng, kap Ka-tek lāng; ¹⁷koh chiong A-lāh-pa, kap oá-kūn Iok-tàn hô ê toē, tùi Ki-ni-liát tit-kàu A-lāh-pa ê hái, chiū-sī Iām-hái, í-kip Pí-su-ka soaⁿ-kha tang-piⁿ ê toē, lóng hō· in.

¹⁸Hit-sī goá hoan-hù lín kóng, Iâ-hô-hoa lín ê Siōng-tè í-keng chiong chit ê toē hō· lín choē-giáp, lín tiong-kan oē kau-chiàn-ê, lóng tiōh toā kun-khì, tī lín ê hiaⁿ-tī Í-sek-liát lāng ê bīn-chêng kè--khì. ¹⁹Chóng-sī lín ê bó·, lín ê gín-ná, lín ê cheng-siⁿ, (goá chai lín ê cheng-siⁿ chin choē,) thang tiàm tī goá só· hō· lín ták ê siāⁿ, ²⁰kàu Iâ-hô-hoa siúⁿ-sù pêng-an hō· lín ê hiaⁿ-tī, chhin-chhiūⁿ í-keng siúⁿ-sù lín chit-iūⁿ, koh in iā tit-tiōh Iâ-hô-hoa lín ê Siōng-tè, ēng Iok-tàn hit pêng ê toē siúⁿ-sù in, jiân-āu lín ták-lāng thang tò--lái goá siúⁿ-sù lín choē-giáp ê toē. ²¹Hit-sī goá hoan-hù Iok-su-a kóng, Lí chhin-bák khoàⁿ-kìⁿ Iâ-hô-hoa lí ê Siōng-tè tùi chí nng ê ông só· kiāⁿ it-chhè ê sū, Iâ-hô-hoa iā beh tùi lín só· beh kè-khì ê ták-kok án-ni kiāⁿ. ²²Lín bôh-tit kiaⁿ in; in-ūi thoē lín kau-chiàn ê, sī Iâ-hô-hoa lín ê Siōng-tè.

²³Hit-sī goá khún-kiū Iâ-hô-hoa kóng, ²⁴Chú Iâ-hô-hoa ah, Lí í-keng khí-thâu hián-chhut Lí ê toā ui-giām, kap Lí ê toā khui-lát tī Lí ê lô·-pók, in-ūi tī thiⁿ--nih, tī toē--nih, iáu-ū sím-mih siōng-tè oē kiāⁿ chhin-chhiūⁿ Lí só· kiāⁿ--ê, koh chhin-chhiūⁿ Lí ê toā koân-lêng ah? ²⁵Kiū Lí iông-ún goá kè-khì, khoàⁿ Iok-tàn hô hit-pêng súi ê toē, hit-ê súi ê soaⁿ-toē, kap Lī-pa-lùn. ²⁶Chóng-sī Iâ-hô-hoa, in-ūi lín

ê iân-kò·, siū-khì goá, m̄ thiaⁿ goá; Iâ-hô-hoa tùi goá kóng, Án-ni lí kàu-giáh lah, lí bôh-tit koh tùi Goá thê-khí chit ê sū. ²⁷Lí tiōh chiūⁿ Pí-su-ka ê soaⁿ-téng, kiáh-bák òng-sai, òng-pak, òng-lâm, òng-tang, chhin-bák khoàⁿ; in-ūi lí koat-toàn boē-oē kè chit ê Iok-tàn hô. ²⁸Chóng-sī lí tiōh hoan-hù Iok-su-a, hō· i chòng-táⁿ kian-kò·; in-ūi i beh tī chit ê peh-siⁿ ê bīn-chêng kè-khì, hō· in sêng-chiap lí só· beh khoàⁿ-kìⁿ ê toē. ²⁹Tùi án-ni lán tiàm tī Pek-pí-jīⁿ tùi-bīn ê soaⁿ-kok-tiong.

4 Í-sek-liát ah, taⁿ goá só· kà-sī lín ê lùt-lē hoat-tō·, lín tiōh thiaⁿ lâi chun-thàn, thang hō· lín oáh-teh, jip-khì lâi tit-tiōh Iâ-hô-hoa lín ê liát-chó· ê Siōng-tè só· siúⁿ-sù lín ê toē. ²Goá só· bēng-lēng lín ê oē, lín m̄-thang ke-thiⁿ, iā m̄-thang kiám-chió i; thang hō· lín chip-siú Iâ-hô-hoa lín Siōng-tè ê bēng-lēng, chiū-sī goá só· bēng-lēng lín ê. ³Iâ-hô-hoa in-ūi Pa-lék-pí-jīⁿ ê sū só· kiāⁿ ê, lín chhin-bák khoàⁿ-kìⁿ; in-ūi kìⁿ-nā thàn Pa-lék-pí-jīⁿ ê lāng, Iâ-hô-hoa lí ê Siōng-tè lóng tùi lín tiong-kan tū-biát in. ⁴Tók-tók lín kap Iâ-hô-hoa lín ê Siōng-tè kiát-liân ê, kin-á-jit lóng oáh--teh. ⁵Khoàⁿ ah, goá iā bat ēng lùt-lē kap hoat-tō· kà-sī lín, chiàu Iâ-hô-hoa goá ê Siōng-tè só· bēng-lēng goá ê, hō· lín chun-thàn tī lín só· beh jip-khì sêng-chiap ê toē. ⁶Só·-í lín tiōh chip-siú lâi kiāⁿ--i; che chiū-sī lín ê tì-hui chhang-miâ tī liát-kok ê bīn-chêng; in chit-ê thiaⁿ-kìⁿ che it-chhè ê lùt-lē, beh kóng, Chit ê toā-kok chin-chiàⁿ sī ū tì-hui chhang-miâ ê peh-siⁿ. ⁷Toh-lòh chit ê toā-kok ū siōng-tè kap i chhin-kūn, chhin-chhiūⁿ Iâ-hô-hoa lán ê Siōng-tè, tī lán kìⁿ-nā kiū-kiò I ê sī, kap lán chhin-kūn ah? ⁸Koh ū sím-mih toā-kok ū lùt-lē kap hoat-tō· chhin-chhiūⁿ goá kin-á-jit tī lín ê bīn-chêng só· thoân it-chhè ê lùt-hoat

hiah-nih kong-gī ah?

⁹Só-í tiòh ka-kī kín-sīn, iā tiòh kín-sīn siú lí ê sim, bián-tit lí boē-kì-tit chhin-bák só· khoàⁿ-kìⁿ ê sū; koh bián-tit chiaⁿ ê sū tī lí oáh--teh ê sī lī-khui lí ê sim; iā tiòh ēng chit-ê kà-sī lín hiah ê kiáⁿ, hiah ê sun. ¹⁰Lí tī Hô-liát soaⁿ khiā tī Iâ-hô-hoa lí ê Siōng-tè ê bīn-chēng, hit-jít Iâ-hô-hoa tui goá kóng, Lí ká Goá chio-chip peh-siⁿ, Goá beh hō· in thiaⁿ-kìⁿ Goá ê oē, hō· in oáh tī sè-kan ê jít, thang hák-síp kèng-ùi Goá; koh thang kà-sī in ê kiáⁿ-jī. ¹¹Hit-sī lín kūn-oá, khiā tī soaⁿ-kha, soaⁿ--nih ū hé-iām chhèng-kàu thiⁿ-téng, iā ū bắt-hùn o·o· àm-àm. ¹²Iâ-hô-hoa tui hé-iām-tiong ká lín kóng-oē; lín thiaⁿ-kìⁿ kóng-oē ê siaⁿ, bô khoàⁿ-kìⁿ sím-mih siōng; chí-ū siaⁿ nā-tiāⁿ. ¹³I chiong só· bēng-lēng lín tiòh siú ê iok chí-sī lín, chiū-sī chấp-tiâu-kài; iā siá i tī nng tē chiòh-pi. ¹⁴Hit-sī Iâ-hô-hoa koh bēng-lēng goá, chiong lút-lē hoat-tō· kà-sī lín, hō· lín tī só· beh kè-khi lāi tit-tiòh choē-giáp ê toē chun-thàn kiāⁿ i. ¹⁵Só-í lín tiòh tēk-piát ka-kī kín-sīn, in-ūi Iâ-hô-hoa tī Hô-liát soaⁿ tui hé-tiong ká lín kóng-oē hit-jít, lín bô khoàⁿ-kìⁿ sím-mih hēng-siōng; ¹⁶kiaⁿ-liáu lín pāi-hoāi ka-kī, ūi ka-kī tiau-khek ngó·siōng, hóng sím-mih hēng-chōng, bô-lūn sī lām á-sī lú ê hēng-siōng; ¹⁷á-sī toē-chiūⁿ cháu-siù ê siōng; á-sī khong-tiong pe-chiáu ê siōng; á-sī toē-chiūⁿ teh sô ê mih ê siōng; á-sī toē-ē chú-tiong hī-lūi ê siōng. ¹⁹Koh kiaⁿ-liáu lí kiáh-bák òng-thiⁿ khoàⁿ Iâ-hô-hoa lí ê Siōng-tè só· hun-phài hō· thiⁿ-ē bān-kok ê jít, gēh, chhiⁿ, chiū-sī thiⁿ-téng ê bān-siōng, lí chiū siū ín-iú, kèng-pài hók-sāi in. ²⁰Chóng-sī Iâ-hô-hoa toà lín chhut Ai-klp, thoat-lī chū-thih ê lô·, beh choē I ka-kī sán-giáp ê peh-siⁿ, chhin-chhiūⁿ kin-á-jít ê khoán. ²¹Iâ-hô-hoa koh in-ūi lín ê iân-kò·

siū-khi goá, chiū-choā m̄ hō· goá kè Iok-tàn hô, iā m̄ hō· goá jlp Iâ-hô-hoa lí Siōng-tè só· siúⁿ-sù lí choē-giáp ê súi toē; ²²goá tiòh sí tī chit ê toē; goá boē-oē kè Iok-tàn hô; chóng-sī lín beh kè-khi lāi tit-tiòh hit ê hó ê toē. ²³Lín tiòh ka-kī kín-sīn, kiaⁿ-liáu lín boē-kì-tit Iâ-hô-hoa lín ê Siōng-tè kap lín só· ljp ê iok, ūi ka-kī tiau-khek ngó·siōng hóng-hut sím-mih mih, chiū-sī Iâ-hô-hoa lí ê Siōng-tè só· kìm lí ê. ²⁴In-ūi Iâ-hô-hoa lí ê Siōng-tè chiū-sī liát-liát ê hé, koat-toàn m̄ iōng-ún ū pát ê siōng-tè.

²⁵Āu-lāi lín kú-kú khiā-khi tī hit ê toē siⁿ-kiáⁿ thoân-sun, chiū tiau-khek ngó·siōng, hóng sím-mih mih ê siōng, phah-pháiⁿ lí ê sim-sút, kiāⁿ Iâ-hô-hoa lí ê Siōng-tè bák-chiu-tiong khoàⁿ-choē pháiⁿ ê sū, jiá I siū-khi; ²⁶goá chiū kin-a-jít kiò thiⁿ kiò toē lāi kan-chèng, lín beh tī kè Iok-tàn hô tit-tiòh choē-giáp ê toē kín-kín biát kàu chīn; lín ê jít-chí boē-oē tī hit só·-chāi tit-tiòh kú-tng, beh it-chīn tū-biát. ²⁷Iâ-hô-hoa beh hō· lín si-soàⁿ tī liát-pang; tī Iâ-hô-hoa só· chhoā lín kàu hiah ê kok, lín chhun ê lāng-giáh chió-chió. ²⁸Tī-hia lín beh hók-sāi lāng ê chhiú só· chō ê siōng-tè, chiū-sī chhā--ê, chiòh--ê, boē-oē khoàⁿ-kìⁿ, boē-oē thiaⁿ, boē-oē chiáh, boē-oē phīⁿ ê. ²⁹Chóng-sī lín tī-hia nā beh chhē Iâ-hô-hoa lí ê Siōng-tè, nā ēng chīn-sim chīn-sèng chhē I, chiū beh tú-tiòh. ³⁰Jít-āu lín tú-tiòh khó·lān, só· kóng chiaⁿ ê sū līm-kàu lí, lí beh kui-òng Iâ-hô-hoa, lí ê Siōng-tè, lāi thiaⁿ I ê siaⁿ; ³¹in-ūi Iâ-hô-hoa lí ê Siōng-tè sī lín-bín ê Siōng-tè, I bô beh pàng-sak lí, bô beh châu-biát lí, iā bô boē-kì-tit I kap lí ê liát-chó· só· chiū-choā ê iok.

³²Chhì-mng kè-sin ê sī, chiū-sī lí í-chēng ê sī, tui Siōng-tè chhòng-chō lāng tī sè-kan

hit-jít í-lâi, tùi thiⁿ ê chit-piⁿ kàu thiⁿ ê hit-piⁿ, ũ chhin-chhiūⁿ hit-hō ê toā-sū mah? Bat thiaⁿ-kìⁿ ũ án-ni mah? ³³Bat ũ sím-mih peh-siⁿ thiaⁿ-kìⁿ Siōng-tè tùi hé-tiong kóng-oē ê siaⁿ, chhin-chhiūⁿ lí thiaⁿ-kìⁿ, iā iáu oē oáh-teh mah? ³⁴Á-sī bat ũ sím-mih siōng-tè chhi án-ni choè, ēng chhi-liān, sîn-jiah, kí-sū, kau-chiàn, toā koân-lêng ê chhiú, chhun-chhut ê chhiú-kut, kap toā thang kiaⁿ ê sū, ũi ka-kī tùi pát-kok tiong chhú chit-kok, chhin-chhiūⁿ Iâ-hô-hoa lín ê Siōng-tè tī Ai-kíp tī lín ê bák-chiu chêng, ũi lín só· kiáⁿ it-chhè ê sū ah? ³⁵Ēng che hián-hiān tī lí, hō· lí chai Iâ-hô-hoa I sī Siōng-tè, I í-goā bô ũ pát-ê. ³⁶I tùi thiⁿ hō· lí thiaⁿ-kìⁿ I ê siaⁿ, ũi-tiòh beh kà-sī lí, koh tī toē-bîn-chhiūⁿ hō· lí khoàⁿ-kìⁿ I ê toā-hé, koh lí thiaⁿ-kìⁿ I ê oē tùi hé-tiong chhut. ³⁷In-ũi I thiàⁿ lí ê liát-chó·, só·-í keng-soán in ê hō·-è, ēng toā koân-lêng chhin-sin toà lí chhut Ai-kíp; ³⁸beh tùi lí ê bîn-chêng koáⁿ-chhut pí lí khah-toā khah-béng ê kok-bîn, beh chhoá lí jíp-khì, ēng in ê toē siúⁿ-sù lín choè-giáp, chhin-chhiūⁿ kin-á-jít chit-iūⁿ. ³⁹Só·-í kin-á-jít lí tiòh chai, sim iā tiòh siūⁿ, thiⁿ-téng toē-ē chí-ū Iâ-hô-hoa, I sī Siōng-tè, í-goā bô pát-ê. ⁴⁰Só·-í lí tiòh siú I ê lút-lē kài-bēng, chiū-sī goá kin-á-jít só· bēng-lēng lí, hō· lí kap lí ê hō·-è thang tit-tiòh hok-khì, koh ke-thiⁿ lí ê jít-chí kú-tng tī Iâ-hô-hoa lí ê Siōng-tè só· siúⁿ-sù lí ê toē kàu éng-oán.

⁴¹Hit-sī Mô·-se tī Iok-tàn goā, òng jít-chhut ê só·-chāi hun-piat saⁿ ê siāⁿ; ⁴²hō· thài-sí lāng ê lāng, chiū-sī pēng-sò· bô kiát-oàn, chhò-gō· thài-sí i ê chhù-piⁿ ê, thang tô-cháu tī-hia; í-keng cháu-jíp chiaⁿ ê siāⁿ ê chit-ê, chiū tit-tiòh oáh; ⁴³chiū-sī khòng-iá pīⁿ-iūⁿ ê Pí-sek, ũi-tiòh Liū-piān lāng siat-ê; Kì-liát ê Lah-boát, ũi-tiòh Ka-tek lāng siat-ê; Pa-san ê Ko-

lān, ũi-tiòh Má-ná-se lāng siat-ê.

⁴⁴Chit-ê sī Mô·-se tī Í-sek-liát lāng ê bîn-chêng só· pài-liát ê lút-hoat; ⁴⁵chiaⁿ-ê sī Mô·-se tī Í-sek-liát lāng chhut Ai-kíp liáu-āu, só· thoân hō· in ê chêng-kù, lút-lē, hoat-tō·. ⁴⁶Tī Iok-tàn hô-goā, Pek-pí-jíⁿ tùi-bîn ê soaⁿ-kok-tiong, tī Hì-sít-pún khiā-khí A-mô·-lī ông Se-hông ê toē, chiū-sī Mô·-se kap Í-sek-liát lāng chhut Ai-kíp liáu-āu só· phah--ê. ⁴⁷In tit-tiòh i ê toē, kap Pa-san ông Gók ê toē, chiū-sī nng ê A-mô·-lī ông, tī Iok-tàn goā, òng jít-chhut ê só·-chāi; ⁴⁸tùi A-lùn soaⁿ-kok piⁿ ê A-lô-jíⁿ, tit-kàu Se-hùn soaⁿ, chiū-sī Hek-bûn soaⁿ; ⁴⁹í-kíp Iok-tàn goā, tang--sì A-láh-pa ê choân-toē, tit-kàu A-láh-pa ê hái, oá-kûn Pí-su-ka ê soaⁿ-kha.

5 Mô·-se kiò Í-sek-liát chêng-lāng, tùi in kóng, Í-sek-liát ah, lín tiòh thiaⁿ goá kin-á-jít só· thoân hō· lín thiaⁿ ê lút-lē hoat-tō·, hō· lín thang hák-síp i, chip-siú lāi kiāⁿ in. ²Iâ-hô-hoa lán ê Siōng-tè tī Hô-liát kap lán líp-iok. ³Iâ-hô-hoa bô kap lán ê liát-chó· líp chit ê iok, sī kap lán chiaⁿ-ê, chiū-sī kap lán kin-á-jít it-chhè oáh tī chia ê lāng líp-ê. ⁴Iâ-hô-hoa tī soaⁿ-téng, tùi hé-tiong bîn-tùi-bîn, kap lín kóng-oē. ⁵Hit-sī goá khiā tī Iâ-hô-hoa kap lín ê tiong-kan, beh chiong Iâ-hô-hoa ê oē thoân hō· lín, in-ũi lín ũi-tiòh hit ê hé lāi kiaⁿ, bô chiūⁿ soaⁿ.) ⁶Chú kóng, Goá sī Iâ-hô-hoa lí ê Siōng-tè, bat chhoá lí tùi Ai-kíp toē, tùi choè lô·-chāi ê ke chhut-lāi ê.

⁷Goá í-goā lí m̄-thang ũ pát ê siōng-tè.

⁸M̄-thang ũi ka-kī tiau-khek ngó·-siōng, put-lūn thiⁿ-téng, toē-ē, kap toē-ē chú-lāi só·-ū ê mih, lóng m̄-thang chng in ê siōng; ⁹m̄-thang kúi-pài in, iā m̄-thang hók-sāi in; in-ũi Goá Iâ-hô-hoa lí ê Siōng-tè, toàn-toàn m̄ iông-ún ēng pát ê siōng-tè phit-phoè Goá;

oàn-hūn Goá ê, Goá kui-kiū i ê choē, tùi pē kàu kiáⁿ, kàu saⁿ-sì tãi; ¹⁰thiàⁿ Goá, siú Goá kài-bēng ê, Goá si-un hō i, tit-kàu chheng-tãi.

¹¹M̄-thang lām-sám chheng Iâ-hô-hoa lí Siōng-tè ê miâ; in-ūi lām-sám chheng I ê miâ ê, Iâ-hô-hoa tek-khak bô liáh i choē bô-choē.

¹²Tiōh siú an-hioh-jit, liáh i choē-sèng, chiàu Iâ-hô-hoa lí ê Siōng-tè só· bēng-lēng lí ê; ¹³lák-jit-lái tiōh tiōh-boā choē lí it-chhè ê kang; ¹⁴tók-tók tē-chhit jit, chiū-sī ñg Iâ-hô-hoa lí ê Siōng-tè lái siú ê an-hioh, chit-jit, lí kap lí ê kiáⁿ, cha-bó·-kiáⁿ, lô·-pók, lú-pī, gū, lú, cheng-siⁿ, í-kip tiàm tī lí tiòng-kan ê chhut-goā lāng, it-chhè ê kang lóng m̄-thang choē; hō· lí ê lô·-pók, lú-pī, thang chhin-chhiūⁿ lí an-hioh. ¹⁵Lí iā tiōh kì-tit lí cheng tī Ai-kip toē choē lô·-pók, Iâ-hô-hoa lí ê Siōng-tè ēng toā koân-lēng ê chhiú, chhun--chhut-lái ê chhiú-kut, chhoā lí tùi hia chhut-lái; in-ūi án-ni, Iâ-hô-hoa lí ê Siōng-tè bēng-lēng lí siú an-hioh-jit.

¹⁶Tiōh hàu-kèng lí ê lāu-pē, lí ê lāu-bú, chiàu Iâ-hô-hoa lí ê Siōng-tè só· bēng-lēng lí ê, hō· lí tī Iâ-hô-hoa lí ê Siōng-tè só· siúⁿ-sù lí ê toē-hng, jit-chí kú-tng, lái hióng-siū hok-khì.

¹⁷M̄-thang thài-sí lāng.

¹⁸Iā m̄-thang kiāⁿ kan-îm.

¹⁹Iā m̄-thang thau-thêh.

²⁰Iā m̄-thang choē ké ê kan-chèng, hām-hāi lí ê chhù-piⁿ.

²¹Iā m̄-thang tham lí ê chhù-piⁿ ê bó·, iā m̄-thang tham lí ê chhù-piⁿ ê chhù, kap i ê chhân-hng, i ê lô·-pók, í ê lú-pī, i ê gū, i ê lú, kap lí ê chhù-piⁿ it-chhè só· ū ê.

²²Chiah ê oē sī Iâ-hô-hoa tī soaⁿ-téng, tùi hé-tiong hūn-tiong o·-àm-tiong, toā-siaⁿ hoan-hù lín choân-hoē ê; iā bô koh ke-thiⁿ.

I iā siá in tī nng tè chiōh-pi, kau-tài goá.

²³Hit-tiáp hé-iām sio tī soaⁿ--nih, lín thiaⁿ-kìⁿ hit ê tùi o·-àm-tiong chhut-lái ê siaⁿ, lín ê chi-phài lóng-chóng ê siú-léng, kap lín ê tiúⁿ-lô lāi chiū-kūn goá. ²⁴Lín kóng, Khoàⁿ ah, Iâ-hô-hoa lán ê Siōng-tè hián-bēng I ê ēng-kng, kap I ê chì-toā, hō· goán khoàⁿ; goán koh thiaⁿ-kìⁿ I ê siaⁿ-im tùi hé-tiong chhut; kin-á-jit goán iā chai Siōng-tè kap lāng kóng-oē, lāng iáu oē oáh. ²⁵Taⁿ goán mih-sái tiōh sí ah? In-ūi chit ê toā-hé beh sio-biát goán; goán nā koh thiaⁿ-kìⁿ Iâ-hô-hoa lán Siōng-tè ê siaⁿ, chiū oē sí. ²⁶In-ūi kìⁿ-ū jiók-thé ê, chī-chui chhin-chhiūⁿ goán thiaⁿ-kìⁿ éng-oáh Siōng-tè tùi hé-tiong kóng-oē ê siaⁿ, iáu oē oáh--teh ah? ²⁷Lí tiōh chìn-chèng khi, thiaⁿ Iâ-hô-hoa lán ê Siōng-tè só· beh kóng it-chhè ê oē; chiong Iâ-hô-hoa só· tùi lí kóng it-chhè ê oē, lí tiōh tùi goán kóng; goán beh thiaⁿ iā beh kiāⁿ i. ²⁸Lín tùi goá kóng-oē, Iâ-hô-hoa thiaⁿ-kìⁿ lín kóng-oē ê siaⁿ, Iâ-hô-hoa tùi goá kóng, Goá ū thiaⁿ-kìⁿ chit ê peh-siⁿ kóng-oē ê siaⁿ, chiū-sī in só· tùi lí kóng ê; in só· kóng ê oē lóng hó. ²⁹Goān in chūn chit-hō sim, lái kèng-ùi Goá, siōng-siōng siú Goá it-chhè ê kài-bēng, hō· in kap in ê kiáⁿ-sun éng-oán tit-tiōh hok-khì. ³⁰Lí khi ká in kóng, Lín choē lín tò-khì lín ê pò·-píⁿ. ³¹Lūn-kàu lí, lí tiōh khiā tī Goá chia, Goá beh chiong lí só· tiōh kà-sī in it-chhè kài-bēng, lút-lē, hoat-tō·, ká lí kóng, hō· in tī Goá só· siúⁿ-sù in choē-giáp ê toē kiāⁿ i. ³²Só·-í lín tiōh chiàu Iâ-hô-hoa lín ê Siōng-tè só· bēng-lēng lín ê, tiōh chip-siú lái kiāⁿ i; m̄-thang phian tī chó, phian tī iū. ³³Iâ-hô-hoa lín ê Siōng-tè só· bēng-lēng lín ê ê lô·, lín lóng tiōh kiāⁿ i, hō· lín oáh-teh, tit-tiōh hok-khì; iā hō· lín ê jit-chí, tī lín só· beh sēng-chiap ê toē, tit-tiōh kú-tng.

6 Che sī Iâ-hô-hoa lín ê Siōng-tè só· bēng-lēng kà-sī lín ê kài-bēng, lùt-lē, hoat-tō·, hō· lín tī lín só· beh kè-khì tit-tiòh choè-giáp ê toē lâi kiâⁿ i; ²thang hō· lí kap lí ê kiáⁿ-kiáⁿ sun-sun, it-seng kèng-ùì Iâ-hô-hoa lí ê Siōng-tè, chip-siú I it-chhè ê lùt-lē, kài-bēng, chiū-sī goá só· bēng-lēng lí ê, hō· lí ê jít-chí tit-tiòh kú-tng. ³Í-sek-liát ah, lí tiòh thiaⁿ, tiòh chip-siú lâi kiâⁿ i; hō· lí thang tī hit-ê lâu lin kap bit ê toē, tit-tiòh híong-hok, lāng-giáh ke-thiⁿ kék-kî choē; chhin-chhiūⁿ Iâ-hô-hoa lí liát-chó· ê Siōng-tè só· èng-ún lí ê.

⁴Í-sek-liát ah, lí tiòh thiaⁿ; Iâ-hô-hoa lán ê Siōng-tè, sī tòk-it ê Iâ-hô-hoa; ⁵lí tiòh chīm-sim, chīm-seng, chīm-lát, thiàⁿ Iâ-hô-hoa lí ê Siōng-tè. ⁶Goá kin-á-jít só· bēng-lēng lí chiah ê oē, tiòh kì tī lí ê sim; ⁷iā tiòh ēng che khùn-khùn kà-sī lí ê kiáⁿ-jī, bô-lūn lí chē tī chhù-lāi kiâⁿ tī lō--nih, khùn á-sī khí-lài, lóng tiòh káng-lūn; ⁸iā tiòh pák tī lí ê chhiú choè kì-hō, tī tī lí nng lúi bák-chiu ê tiong-ng choè kì-liām; ⁹koh tiòh siá tī lí ê chhù ê mng-khiā, í-kíp lí ê mng.

¹⁰Iâ-hô-hoa lí ê Siōng-tè chhoā lí jíp I tùi lí ê liát-chó·, A-pek-láh-hán, Í-sat, Ngá-kok, chiū-choā beh hō· lí ê toē; tī-hia ū siáⁿ toā koh súi, m̄-sī lí só· khí-chō ê; ¹¹iā ū chhù chek-chū moá-moá ê hó-mih, m̄-sī lí só· chek-chū ê; iā ū khui-piān ê chúí-chí^m, m̄-sī lí só· khui ê; iā ū phû-tô-hng, kaⁿ-ná-chhiū, m̄-sī lí só· chai-chèng ê; lí chiah kàu pá, hit-sī lí tiòh kín-sin, bián-tit lí boē-kì-tit Iâ-hô-hoa, chiū-sī chhoā lí tùi Ai-kíp toē, choè lô-chai ê ke, chhut-lâi ê. ¹³Lí tiòh kèng-ùì Iâ-hô-hoa lí ê Siōng-tè, hòk-sāi I, chí I ê miā chiū-choā; ¹⁴m̄-thang thàn pát ê siōng-tè, chiū-sī lín sì-ùì peh-siⁿ hiah ê siōng-tè. ¹⁵In-ūi tī lín tiong-kan ê Iâ-hô-hoa lí ê Siōng-tè, toàn-toàn bô iōng-ún ēng pát ê

siōng-tè phit-phoē I; sī kiaⁿ-liáu Iâ-hô-hoa lí ê Siōng-tè toā siū-khì lí, tùi toē-chiūⁿ tū-biát lí.

¹⁶Lín m̄-thang chhi Iâ-hô-hoa lín ê Siōng-tè, chhin-chhiūⁿ lín tī Má-sat chhi I chit-iūⁿ. ¹⁷Tiòh tì-ì siú Iâ-hô-hoa lín Siōng-tè ê kài-bēng, kap I só· bēng-lēng lín ê cheng-kù, lùt-lē. ¹⁸Iâ-hô-hoa só· khoàⁿ-choē cheng-tit, choē hó ê, lí tiòh kiáⁿ i, hō· lí thang híong-hok, koh thang jíp-khì tit-tiòh Iâ-hô-hoa tùi lí ê liát-chó· só· chiū-choā ê hó-toē; ¹⁹beh tùi lí ê bīn-cheng koáⁿ-chhut lí lóng-chóng ê tùi-ték chiàu Iâ-hô-hoa só· kóng ê.

²⁰Chiong-lâi lí ê kiáⁿ mng lí kóng, Iâ-hô-hoa lán ê Siōng-tè só· bēng-lēng lín chiah ê cheng-kù, lùt-lē, hoat-tō·, sī sīm-mih ì-sù ah? ²¹Lí tiòh ká lí ê kiáⁿ kóng, Chèng goán tī Ai-kíp choè Hoat-ló ê lô-chai, Iâ-hô-hoa ēng toā koan-leng ê chhiú, chhoā goán chhut Ai-kíp. ²²Iâ-hô-hoa tī goán ê bák-chiu-cheng, ēng toā koh lī-hai ê sīn-jiah kī-sū, kiáⁿ tī Ai-kíp kap Hoat-ló, í-kíp i ê choán-ke; ²³tùi hia chhoā goán chhut-lâi, beh chhoā goán jíp-khì, chiong I tùi lán liát-chó· só· chiū-choā ê toē siūⁿ-sù lán. ²⁴Iâ-hô-hoa bēng-lēng lán kiáⁿ chiah-ê it-chhè ê lùt-lē, lâi kèng-ùì Iâ-hô-hoa lán ê Siōng-tè, hō· lán siōng-siōng tit-tiòh hok-khì, tit-tiòh I pó-choán lán ê sìⁿ-miā, chhin-chhiūⁿ kin-á-jít ê khoán. ²⁵Lán nā chiàu Iâ-hô-hoa lán ê Siōng-tè só· bēng-lēng-ê, tī I ê bīn-cheng chiàu I it-chhè ê kài-bēng lâi kiáⁿ, che chiū-sī lán ê gī.

7 Iâ-hô-hoa lí ê Siōng-tè chhoā lí jíp lí só· beh khì tit-tiòh ê toē, tùi lí ê bīn-cheng koáⁿ-chhut choē-choē pang-kok, chiū-sī Hek lāng Kek-ka-sat lāng, A-mô·lī lāng, Ka-lām lāng, Pí-lī-sé lāng, Hī-bī lāng, Iâ-pò·su lāng, kiōng chhit-kok, lóng pí lí khah-toā khah-béng; ²Iâ-

hō-hoa lí ê Siōng-tè chiong in kau-hù lí, hō· lí phah-iāⁿ i, hit-sī lí tiòh it-chīn biát in, m̄-thang kap in līp-iok, iā m̄-thang lín-bín in; ³m̄-thang kap in kiát-chhin, lí ê cha-bó·kiáⁿ m̄-thang kè hō· i ê kiáⁿ, iā m̄-thang kā lí ê kiáⁿ chhoā i ê cha-bó·kiáⁿ. ⁴In-ūi i beh hō· lí ê kiáⁿ oát-túg bô tè Goá, khì hók-sāi pát ê siōng-tè; tì-kàu Iā-hô-hoa toā siū-khì lín, kín-kín biát lín. ⁵Chóng-sī lín tiòh án-ni khoán-thāi in; thiah-húi in ê chè-toāⁿ, phah-chhùi in tiau-khek ê thiāu, chhò in ê A-sài-lím, ēng hé sio in só· chng ê ngó·siōng. ⁶In-ūi lín choè sèng-kiat ê peh-siⁿ, kui tī Iā-hô-hoa lí ê Siōng-tè. Iā-hô-hoa lí ê Siōng-tè tui toē-chiūⁿ bān peh-siⁿ-tiong keng lí, ték-piát choè I ka-kī ê peh-siⁿ. ⁷Iā-hô-hoa thiāⁿ lín, keng lín, m̄-sī in-ūi lín ê lāng-giāh pí pát-kok khah-choē; in-ūi lín ê lāng-giāh sī bān-kok-tiong tē-it chió· ê; ⁸sī in-ūi Iā-hô-hoa thiāⁿ lín, koh in-ūi beh kiāⁿ I tui lín liát-chó· só· chiū-choā ê, Iā-hô-hoa chiah ēng toā koān-lēng ê chhiú chhoā lín chhut-lái, tui choè lô·chāi ê ke kiū-siók lín, thoat-lī Ai-kíp ông Hoat-ló ê chhiú. ⁹Só·í lí tiòh chai Iā-hô-hoa lí ê Siōng-tè, I sī Siōng-tè, sī sîn-sit ê Siōng-tè, ūi-tiòh thiāⁿ I siú I kài-bēng ê lāng, kiāⁿ I ê iok kap chū-ài, tít-kàu chheng-tāi. ¹⁰Kìⁿ-nā oàn-hūn I ê lāng, I beh tng-bīn pò-èng lái biát in; oàn-hūn I ê lāng, I beh tng-bīn pò-èng i, bô beh iān-chhiān. ¹¹Só·í lí tiòh chip-siú goá kìn-á-jit só· bēng-lēng lí ê kài-bēng, lút-lē, hoat-tō·, lái kiāⁿ i.

¹²Āu-lái lín nā thiaⁿ chiah ê hoat-tō·, chip-siú lái kiāⁿ i, Iā-hô-hoa lí ê Siōng-tè in-ūi án-ni beh kā lí kiāⁿ I tui lí ê liát-chó· só· chiū-choā ê iok kap chū-ài. ¹³I beh thiāⁿ lí, sù-hok lí, hō· lí heng-ōng; iā beh tī I tui lí ê liát-chó· chiū-choā siúⁿ-sù lí ê toē, sù-hok lí ê thai

só·siⁿ-ê, lí ê toē só·chhut-ê, kap lí ê ngó·kok, lí ê chiú, lí ê iū, í-kíp lí ê gū-á, kap lí ê iūⁿ-á-kiáⁿ. ¹⁴Lí beh tit-tiòh sù-hok iāⁿ-kè bān peh-siⁿ; lín tiong-kan ê lām-lú bô chit-ê boē seng-ióng; lín tiong-kan ê cheng-siⁿ bô chit-chiah boē siⁿ-thoāⁿ. ¹⁵Iā-hô-hoa beh hō· it-chhè ê piⁿ-chēng lī-khui lí; lí só· chai Ai-kíp ták-iūⁿ ê pháiⁿ chēng-thâu, I bô hō· lí tú-tiòh chit-hāng; sī beh hō· it-chhè oàn-hūn lí ê lāng tú-tiòh. ¹⁶Iā-hô-hoa lí ê Siōng-tè só· beh kau-hù lí ê peh-siⁿ, lí tiòh lóng biát in; lí ê bák-chiu m̄-thang khó·lín in, lí iā m̄-thang hók-sāi in ê siōng-tè; in-ūi che beh choè hāi lí ê lô-bāng.

¹⁷Lí nā sim-lāi siūⁿ kóng, Chiah ê kok pí goá khah-toā, goá thāi-thó oē koáⁿ-tiók in ah? ¹⁸Lí m̄-bián kiaⁿ in; tek-khak tiòh kì-tit Iā-hô-hoa lí ê Siōng-tè òng Hoat-ló kap Ai-kíp choān-toē só· kiāⁿ ê sū; ¹⁹chiū-sī lí chhin-bák khoàⁿ-kìⁿ ê toā chhi-līn, sîn-jiah, kī-sū, kap toā koān-lēng ê chhiú, kap chhun-chhut-lái ê chhiú-kut, lóng sī Iā-hô-hoa lí ê Siōng-tè só· ēng lái chhoā lí chhut--ê; Iā-hô-hoa lí ê Siōng-tè iā beh án-ni kiāⁿ tī lí só· kiaⁿ it-chhè ê peh-siⁿ. ²⁰Koh Iā-hô-hoa lí ê Siōng-tè beh chhe toā chiah phang, pe--kàu in tiong-kan, tít-kàu in só· chhun lái siám-bih-ê, biát tī lí ê bīn-chēng. ²¹Lí m̄-bián kiaⁿ in; in-ūi Iā-hô-hoa lí ê Siōng-tè sī toā koh thang kiaⁿ ê Siōng-tè, tī lín tiong-kan. ²²Iā-hô-hoa lí ê Siōng-tè beh tī lí ê bīn-chēng chiām-chiām tui-biát chiah ê kok; lí m̄-thang kín-kín biát i kàu-chīn, kiaⁿ-liáu iá-siú ke-thiⁿ choē-choē lái hāi lí. ²³Iā-hô-hoa lí ê Siōng-tè beh chiong in kau-hù lí, hō· in toā-kiaⁿ jiáu-loān, tít-kàu in biát-bô; ²⁴koh beh ēng in hiah ê ông kau tī lí ê chhiú, lí beh tui-biát in ê miā tī thiⁿ-ē; tek-khak bô chit-lāng oē khiā tī lí ê bīn-chēng, tít-kàu lí

biát-bô in. ²⁵In só· tiau-khek in ê siōng-tè ê siōng, lín tiòh ēng hé sio i; i ê sin-chiūⁿ ê kim-gûn lí m̄-thang tham, iā m̄-thang thêh i choè ka-kī-ê; kiaⁿ-liáu lí ũi chit-ê hām-lòh lô-bāng; in-ũi che sī Iâ-hô-hoa lí ê Siōng-tè só· iām-òⁿ-ê. ²⁶Kiⁿ-nā thang iām-òⁿ ê mih, lí m̄-thang toà-jíp lí ê chhù, kiaⁿ-liáu lí iā chiāⁿ-choè thang chiū-chó^{--ê}, kap hiah ê mih chit-iūⁿ; lí tiòh kék-kí thông-hūn, kék-kí iām-òⁿ; in-ũi sī thang chiū-chó^{--ê}.

8 Goá kin-á-jit só· bēng-lēng lí it-chhè ê kài-bēng, lín tiòh chip-siú lāi kiāⁿ i, hō· lín thang oáh, lāng-giáh ke-thiⁿ choē-choē, thang jíp-khì tit-tiòh Iâ-hô-hoa tui lín ê liát-chó^{--số} chiū-choā èng-ún ê toē. ²Lí iā tiòh kì-tit Iâ-hô-hoa lí ê Siōng-tè chí sī-cháp nī chhoā lí tī không-iá ê lô·, sī beh hō· lí khiam-pi lāi chhì-giām lí, beh chai lí ê sim-lāi cháiⁿ-iūⁿ, khéng siú I ê kài-bēng á-bô. ³I hō· lí khiam-pi, hō· lí iau-gō, ēng lí só· m̄-bat, lí ê liát-chó^{--iā} m̄-bat, ê má-ná iúⁿ-chhiⁿ lí; hō· lí chai lāng m̄-sī kan-ta óa-khò piáⁿ lāi oáh, lāng sī óa-khò Iâ-hô-hoa chhùi só· kóng it-chhè ê oē lāi oáh. ⁴Chí sī-cháp nī lí ê saⁿ-khò^{--bô} phòa, lí ê kha iā bô phòng-phā. ⁵Lí ê sim tiòh chai, Iâ-hô-hoa lí ê Siōng-tè kàu-tok lí, chhin-chhiūⁿ lāng kàu-tok i ê kiáⁿ chit-iūⁿ; ⁶koh lí tiòh chip-siú Iâ-hô-hoa lí ê Siōng-tè ê kài-bēng, lāi kiāⁿ I ê tō-lō·, lāi kèng-tui I. ⁷In-ũi Iâ-hô-hoa lí ê Siōng-tè chhoā lí jíp hit ê súi ê toē; hit ê toē ũ khoe, ũ chúⁿ-choāⁿ, ũ chhim-ian, tui soaⁿ-kok kap soaⁿ lâu--chhut-lāi; ⁸sī chhut sió-béh, toā-béh, phû-tô-chhiū, bû-hoa-kó-chhiū, siáh-liū-chhiū ê toē, iā chhut kaⁿ-ná-chhiū kap bit ê toē. ⁹Lí tī hit só·-chāi chiáh mih chhiong-chiok, tī-hia lí iā bô khiām chit-hāng; hit só·-chāi ê chiòh-thâu sī thih, tī i ê soaⁿ thang kút tâng; ¹⁰lí beh chiáh kàu pá, chiū ũi-tiòh

I só· siúⁿ-sù lí ê súi toē, lāi o-ló Iâ-hô-hoa lí ê Siōng-tè. ¹¹Lí tiòh kìn-sin, bián-tit lí boē-kì-tit Iâ-hô-hoa lí ê Siōng-tè, bô siú I ê kài-bēng, hoat-tō·, lút-lē, chiū-sī goá kin-á-jit só· bēng-lēng lí ê; ¹²kiaⁿ-liáu lí í-keng chiáh-pá, í-keng khí súi ê chhù lāi khiā-khí; ¹³lí ê gū iūⁿ ke-thiⁿ, lí ê kim-gûn ke-thiⁿ, lí só·-ū-ê lóng ke-thiⁿ, ¹⁴hit-sī lí ê sim chū-ko, boē-kì-tit Iâ-hô-hoa lí ê Siōng-tè, chiū-sī chhoā lí tui Ai-kíp toē, choè lô·-chāi ê ke, chhut-lāi ê. ¹⁵I chhoā lí keng-kè hit ê toā koh thang kiaⁿ ê không-iá, hia ũ hé-choā, giat-á-thang, ta-sò bô chúⁿ ê toē; I bat ũi-tiòh lí hō· chúⁿ tui tēng ê chiòh-poāⁿ lâu--chhut-lāi. ¹⁶Koh tī không-iá, chiong lí ê liát-chó^{--số} m̄-bat ê má-ná iúⁿ-chhiⁿ lí, sī beh hō· lí khiam-pi, chhì-giām lí, hō· lí kàu-bé tit-tiòh hok-khì; ¹⁷kiaⁿ-liáu lí sim-lāi siūⁿ kóng, Tit-tiòh chit ê toā ê ki-giáp sī tui goá ê khui-lát, goá ê chhiú ê lēng-lék. ¹⁸Chóng-sī lí tiòh kì-tit Iâ-hô-hoa lí ê Siōng-tè; in-ũi lí tit-tiòh toā ki-giáp ê khui-lát, sī I hō· lí, beh chiāⁿ I só· tui lí ê liát-chó^{--chiū-choā} ê iok, chhin-chhiūⁿ kin-á-jit ê khoán. ¹⁹Chiong-lāi lí nā boē-kì-tit Iâ-hô-hoa lí ê Siōng-tè thàn pát ê siōng-tè hók-sāi i, kèng-pài i, goá kin-á-jit giām-giām keng-kài lín, lín tek-khak biát-bô. ²⁰Iâ-hô-hoa tī lín ê bīn-chēng só· biát-bô hiah ê kok, lín iā beh án-ni biát-bô; in-ũi lín m̄ thiaⁿ-thàn Iâ-hô-hoa lín Siōng-tè ê oē.

9 Í-sek-liát ah, tiòh thiaⁿ; lí kin-á-jit beh kè Iok-tàn, jíp-khì sēng-chiap hiah ê pí lí khah-toā, khah-béng ê kok, tit-tiòh khoah-toā koh kian-kò^{--kàu} tú-thiⁿ ê siāⁿ; ²hit ê peh-siⁿ, toā koh lò, sī A-láp ê chók, lín só· chai ê, iā bat thiaⁿ-kìⁿ ũ lāng chí in kóng, Chī-chui tī A-láp chók ê bīn-chēng khiā-oē tiâu ah? ³Kin-á-jit lí tiòh chai, Iâ-hô-hoa lí

ê Siōng-tè choê lí ê thâu-chêng kè-khì, chhin-chhiūⁿ liát-liát ê hé; I beh biát-bô in, hōⁿ in toā-toā thâu-su tī lín ê bīn-chêng; lín tiòh koáⁿ in chhut, hōⁿ in kín-kín biát-bô, chiàu Iâ-hô-hoa sóⁿ tui lín kóng ê. ⁴Iâ-hô-hoa lí ê Siōng-tè tui lí ê bīn-chêng koáⁿ-chhut in liáu-āu, lí sim-lāi m̄-thang siūⁿ kóng, Iâ-hô-hoa chhoā goá jlp-lâi sêng-chiap chit ê toē sī in-ūi goá ê gī; kī-sit Iâ-hô-hoa sī ūi-tiòh hiah ê kok ê pháiⁿ, chiah tui lí ê bīn-chêng koáⁿ in chhut. ⁵Lí jlp-khì sêng-chiap in ê toē, pēng m̄-sī in-ūi lí ê gī, iā m̄-sī in-ūi lí ê sim chêng-tit; chiū-sī in-ūi chiah ê kok ê pháiⁿ, Iâ-hô-hoa lí ê Siōng-tè chiah tui lí ê bīn-chêng koáⁿ in chhut-khì; koh in-ūi Iâ-hô-hoa beh kian-kòⁿ I tui lí ê liát-chóⁿ A-pek-lâh-hán, Í-sat, Ngá-kok, sóⁿ chiū-choā ê oē. ⁶Lí tiòh chai, Iâ-hô-hoa lí ê Siōng-tè ēng súi ê toē siūⁿ-sù lín choè-giáp, m̄-sī in-ūi lí ê gī, in-ūi lí sī ām-kún ngī ê peh-siⁿ. ⁷Lí tiòh kī-tit, m̄-thang boē-kī-tit, lí tī không-iá jiá-tiòh Iâ-hô-hoa lí ê Siōng-tè ê siū-khì; tui lín chhut Ai-kíp toē hit-jit, kàu lín lâi kàu chit ê sóⁿ-chāi, lín siōng-siōng poē-gék Iâ-hô-hoa. ⁸Lín tī Hô-liát soaⁿ koh jiá Iâ-hô-hoa siū-khì, tì-kàu Iâ-hô-hoa siū-khì lín, beh biát-bô lín. ⁹Tng-sī goá chiūⁿ-soaⁿ, beh niá-siū chiòh-pi, chiū-sī Iâ-hô-hoa kap lín lip-iok ê pi; hit-sī goá tiàm tī soaⁿ--nih sì-cháp jlt sì-cháp mī, bô chiáh-piáⁿ, bô lim-chúi. ¹⁰Iâ-hô-hoa ēng n̄ng tè chiòh-pi kau-tài goá, sī Siōng-tè ēng chng-thâu-á siá ê; hí téng-bīn sóⁿ siá ê, sī chiàu Iâ-hô-hoa tī toā-hoē ê jlt, tī soaⁿ-téng, tī hé-tiong, tui lín sóⁿ kóng it-chhè ê oē. ¹¹Sì-cháp jlt sì-cháp mī liáu-āu, Iâ-hô-hoa ēng hit n̄ng tè chiòh-pi, chiū-sī iok-pi, kau-tài goá. ¹²Iâ-hô-hoa tui goá kóng, Lí khí-lâi, kín-kín tui chia lóh-khì; in-ūi lí ê peh-siⁿ, lí tui Ai-kíp chhoā-chhut--lâi ê, í-keng pāi-hoāi ka-kī; in khoài-

khòai phian-oai Goá sóⁿ bēng-lēng ê lōⁿ; in-ūi in ūi ka-kī chù chit sian ngóⁿ-siōng. ¹³Iâ-hô-hoa koh hoan-hù goá kóng, Goá khoàⁿ chit ê peh-siⁿ, khoàⁿ ah, sī ām-kún ngī ê peh-siⁿ. ¹⁴Lí chhut-chāi Goá, Goá beh biát in, tui thiⁿ-ē chhat-biát in ê miā; Goá beh hōⁿ lí chiāⁿ-choè chit-kok pí in khah-kiōng khah-toā. ¹⁵Goá chiū oát-tng-sin lóh-soaⁿ, soaⁿ hōⁿ hé sio-tòh, n̄ng tè iok-pi tī goá n̄ng kī chhiú--nih; ¹⁶goá chit-ē khoàⁿ, lín í-keng tek-choē Iâ-hô-hoa lín ê Siōng-tè, ūi ka-kī chù chit chiah gū-á, kín-kín oai-chhoāh Iâ-hô-hoa sóⁿ bēng-lēng lín ê lōⁿ. ¹⁷Goá ēng hit n̄ng tè pi tui goá ê siang-chhiú hiat--lòh-khì, phah-chhìh tī lín ê bák-chiu-chêng. ¹⁸Goá phak tī Iâ-hô-hoa ê bīn-chêng, chhin-chhiūⁿ chêng ê khoán, sì-cháp jlt sì-cháp mī, bô chiáh-piáⁿ, bô lim-chúi; in-ūi lín sóⁿ hoān it-chhè ê choē, kiāⁿ Iâ-hô-hoa khoàⁿ-choē pháiⁿ ê sū, jiá I ê siū-khì. ¹⁹Hit-sī Iâ-hô-hoa toā m̄ kam-goān, siū-khì lín, goá chiū chin kiaⁿ, in-ūi I siū-khì beh biát lín; chóng-sī hit-pái Iâ-hô-hoa koh thiaⁿ goá. ²⁰Iâ-hô-hoa iā siū-khì A-lún, beh biát i, siang hit-sī goá iā thoē A-lún kī-tó. ²¹Hit-sī goá ēng lín hoān-choē ê mih, chiū-sī lín sóⁿ chù ê gū-á, ēng hé sio i, koh tui i, géng kàu iù-iù, iù kàu chhin-chhiūⁿ thôⁿ-hún; goá ēng chit ê thôⁿ-hún iā tī tui soaⁿ-téng lâu--lòh-lâi ê khoe.

²²Lín iā tī Tha-pī-lâh, tī Má-sat, tī Kī-phok-lô-hap-tha-oá, koh kek-khí Iâ-hô-hoa ê siū-khì. ²³Iâ-hô-hoa chhe lín lī-khui Ka-te-su Pa-ni-a kóng, Lín chiūⁿ-khì sêng-chiap Goá sóⁿ siūⁿ-sù lín ê toē; hit-sī lín ūi-poē Iâ-hô-hoa lín Siōng-tè ê bēng-lēng, m̄-sin I, iā m̄ thiaⁿ I ê oē. ²⁴Tui goá bat lín ê jlt, lín siōng-siōng poē-gék Iâ-hô-hoa.

²⁵Goá in-ūi Iâ-hô-hoa kóng beh biát lín,

chiū phak tī Iâ-hô-hoa ê bîn-chêng, phak-teh sì-cháp jît sì-cháp mî. ²⁶Goá kî-tó Iâ-hô-hoa kóng, Chú Iâ-hô-hoa ah, kiû Lí bôh-tit biát-bô Lí ê peh-siⁿ, Lí ê sán-giáp, chiū-sī Lí ēng toā khui-lát siók-hoē ê, ēng toā koân-lêng ê chhiú chhoā-chhut Ai-kiap ê; ²⁷kiû Lí tiòh kî-tit Lí ê lô·pók A-peh-lâh-hán, Í-sat, Ngá-kok; bôh-tit kî-liām chit ê peh-siⁿ ê ngī-sim kap in ê pháiⁿ, in ê choē; ²⁸kiaⁿ-liáu Lí chhoā goán chhut-lâi hit só·chāi ê lāng kóng, Iâ-hô-hoa in-ūi boē-oē chhoā in jîp I só·ēng-ún in ê toē, koh oân-hūn in, só·í chhoā in chhut-khì, beh biát in tī không-iá. ²⁹M-kú in sī Lí ê peh-siⁿ, Lí ê sán-giáp, sī Lí ēng Lí ê toā koân-lêng, ēng Lí chhun--chhut-lâi ê chhiú, só· chhoā-chhut-lâi ê.

10 Hit-sī Iâ-hô-hoa kā goá kóng, Lí tiòh phah nng tè chiòh-pi, chhin-chhiūⁿ chêng ê khoán, chiūⁿ-soaⁿ lâi Goá chia; koh tiòh choē chit ê chhā ê kûi. ²Lí chêng só· phah-chhiū hiah ê pi, hit téng-bîn ê oē, Goá beh siá tī chiah ê pi ê téng-bîn; lí tiòh hē in tī kûi-lâi. ³Goá chiū ēng chō-kiap-chhā choē chit ê kûi, koh phah nng-tè chiòh-pi chhin-chhiūⁿ chêng ê khoán; goá chhin-chhiú thêh chí nng-tè pi chiūⁿ-soaⁿ. ⁴Iâ-hô-hoa chiong I tī toā-hoē ê jît, tī soaⁿ-téng, tui hé-tiong kā lí kóng ê cháp-kài, chiàu chêng só· siá ê khoán, siá tī hiah ê pi--nih; Iâ-hô-hoa chiū chiong hiah-ê kau-tài goá. ⁵Goá oát-tng-sin lōh-soaⁿ, chiong hiah ê pi hē tī goá só· choē ê kûi, chiàu Iâ-hô-hoa ê bēng-lēng; kàu-taⁿ iáu tī-hia. ⁶Í-sek-liát lāng tui Pí-lô-pí-ni-a-kan khí-sin, kàu Mô·se-lâh; A-lun sí tī-hia, chiū bài-chòng tī-hia; i ê kiáⁿ Í-li-a-sat soà-chiap i tam-tng chè-si ê chit. ⁷In tui hia khí-sin, kàu Kok-ko-tāi, koh tui Kok-ko-tāi kàu Iok-pa-tha, chiū-sī ū khoe-chúi ê toē; ⁸hit-sī Iâ-hô-hoa hun-piat Lī-bī chi-phài, kng

Iâ-hô-hoa ê iok-kûi, khiā tī Iâ-hô-hoa ê bîn-chêng lâi hók-sāi I, hōng I ê miâ lâi chiok-hok, kàu kin-á-jît; ⁹só·í Lī-bī tī i ê hiaⁿ-tī-tiong bô-hūn bô-giáp, Iâ-hô-hoa sī i ê sán-giáp, chiàu Iâ-hô-hoa lí ê Siōng-tè só· tui i kóng ê.) ¹⁰Goá koh chhin-chhiūⁿ thâu-pái tiām tī soaⁿ-téng sì-cháp jît sì-cháp mî; hit-pái Iâ-hô-hoa iā thiaⁿ goá, Iâ-hô-hoa m̄-kam biát lí. ¹¹Iâ-hô-hoa kā goá kóng, Lí khí-lâi choē-thâu kiāⁿ tī peh-siⁿ ê bîn-chêng, hō· in jîp-khì sēng-chiap Goá só· tui in ê liát-chó· chiū-choā beh hō· in ê toē.

¹²Í-sek-liát ah, taⁿ Iâ-hô-hoa lí ê Siōng-tè ài lí sim-mih ah? Kiám-m̄-sī tók-tók ài lí keng-ùi Iâ-hô-hoa lí ê Siōng-tè, kiāⁿ I it-chhè ê tō-lō·, thiàⁿ I, chhin-sim chhin-seng hók-sāi Iâ-hô-hoa lí ê Siōng-tè; ¹³siū Iâ-hô-hoa chiah ê kài-bēng, kap I ê lút-lē, chiū-sī goá kin-á-jît só· bēng-lēng lí ê, ūi-tiòh beh hō· lí tit-tiòh hok-khì mah? ¹⁴Khoàⁿ ah, thiⁿ kap chiah ê thiⁿ ê thiⁿ, toē kap toē-chiūⁿ só·ū-ê, lóng siók Iâ-hô-hoa lí ê Siōng-tè. ¹⁵Iâ-hô-hoa tók-tók hoaⁿ-hí lí ê liát-chó·, thiàⁿ in, keng in ê hō·-è tī bân peh-siⁿ tiong, chiū-sī lín chiah-ê, chhin-chhiūⁿ kin-á-jît chiū-sī. ¹⁶Só·í lín tiòh kā lín ê sim kiāⁿ kat-lé, m̄-thang ngī lín ê âm-kún. ¹⁷In-ūi Iâ-hô-hoa lín ê Siōng-tè, I sī chiah ê siōng-tè ê Siōng-tè, chiah ê chú ê Chú. I sī chì-toā ê Siōng-tè, ū lēng-lèk koh thang kiaⁿ-ùi-ê; bô ēng goā-māu chhú--lāng, iā bô siū pò-lō·. ¹⁸I ūi-tiòh ko·-jī kap koáⁿ-hū phòàⁿ-toàn; koh thiàⁿ chhut-goā lāng, hō· i chiáh-chhēng; ¹⁹só·í lín tiòh thiàⁿ chhut-goā lāng, in-ūi lín iā bat chhut-goā tī Ai-kiap toē. ²⁰Lí tiòh keng-ùi Iâ-hô-hoa lí ê Siōng-tè, hók-sāi I, kiát-liân I, kí I ê miâ lâi chiū-choā. ²¹I sī lí só· o-ló ê, sī lí ê Siōng-tè, ūi-tiòh lí choē hit ê toā koh thang kiaⁿ ê sū, sī lí chhin-bák só·

khoàⁿ-kìⁿ-ê. ²²Lí ê liát-chó· chhit-cháp lāng lōh Ai-kíp, taⁿ Iâ-hô-hoa lí ê Siōng-tè hō· lí chhin-chhiūⁿ thiⁿ-tég ê chhiⁿ hiah--nih choē.

11 Sớ·í lí tiòh thiàⁿ Iâ-hô-hoa lí ê Siōng-tè, siōng-siōng siú I sớ· hoan-hù lí siú ê, kap I ê lút-lē, hoat-tō·, kài-bēng. ²Lín kin-á-jít tiòh chai, in-ūi goá m̄-sī kap lín ê kiáⁿ-jī kóng, in m̄-chai, iā bô khoàⁿ-kìⁿ Iâ-hô-hoa lín Siōng-tè ê kàu-tok, ui-giām, toā koân-lēng ê chhiú, kap chhun-chhut ê chhiú-kut; ³í-kíp I ê sîn-jiah, I ê sớ· choē, kìⁿ-nā tī Ai-kíp tiòng tui Ai-kíp ông Hoat-ló, kap i ê choân-toē, sớ· kiāⁿ ê; ⁴iā I cháiⁿ-iūⁿ khoán-thāi Ai-kíp ê kun-peng, kap in ê bé, in ê chia; in tui-jip lín ê sī, Iâ-hô-hoa cháiⁿ-iūⁿ hō· Âng-hái ê chúi im--in, biát-bô in kàu kin-á-jít; ⁵koh I tī không-iá cháiⁿ-iūⁿ khoán-thāi lín, kàu lín lâi chit ê sớ·-chāi; ⁶koh I cháiⁿ-iūⁿ khoán-thāi Liū-piān ê kiáⁿ-sun Í-lī-ap ê kiáⁿ, Tāi-tan, A-pí-lân; toē cháiⁿ-iūⁿ tī Í-sek-liát lāng ê tiòng-kan khui-chhùi thun in, kap in ê ke-koân, í-kíp in ê pò·-pīn, kap it-chhè kun-tè in ê oáh-mih; ⁷chí-ū lín chhin-bák khoàⁿ-kìⁿ Iâ-hô-hoa sớ· choē it-chhè ê toā-sū. ⁸Sớ·í lín tiòh siú goá kin-á-jít sớ· bēng-lēng it-chhè ê kài-bēng, hō· lín chòng-táⁿ, oē jip-khì sēng-chiap lín sớ· beh kè-khì sēng-chiap ê toē; ⁹iā hō· lín ê jít-chí kú-tng tī Iâ-hô-hoa sớ· kap lín ê liát-chó· chiū-choā siúⁿ-sù in kap in ê hō·-è ê toē, chiū-sī hit-hō lâu lin kap bit ê toē. ¹⁰In-ūi lí beh jip-khì sēng-chiap ê toē, m̄-sī chhin-chhiūⁿ lín chhut-lâi ê Ai-kíp toē, lí tī hia iā-chéng, ēng kha táh lâi koân-ak, chhin-chhiūⁿ chhài-hng; ¹¹tók-tók lín sớ· beh jip-khì sēng-chiap ê toē, chiū-sī ū soaⁿ, ū soaⁿ-kok, lâi sēng-siū thiⁿ ê hō·-chú i ê toē; ¹²sī Iâ-hô-hoa lí Siōng-tè sớ· koân-kò· ê toē, tui nī-thâu kàu nī-bé; Iâ-hô-hoa lí Siōng-tè ê bák-chiu siōng-siōng khoàⁿ i.

¹³Lín nā liū-sim thiaⁿ-thàn goá ê kài-bēng, chiū-sī goá kin-á-jít sớ· bēng-lēng lín ê, thiàⁿ Iâ-hô-hoa lín ê Siōng-tè, chhin-sim chhin-sēng hók-sāi I, ¹⁴chiū Goá beh chiàu-sī lōh lí ê toē sớ· khiām-ēng ê hō·, chiū-sī chēng ê hō·, āu ê hō·, hō· lí thang siu-sēng lí ê gō·-kak, lí ê chiú, lí ê iū; ¹⁵iā hō· lí ê chhân-iá hoat-chháu, chhi lí ê cheng-siⁿ, lí iā beh tit-tiòh pá-chiok. ¹⁶Lín tiòh ka-kī kín-sīm, bián-tit lín ê sim siū bē, tì-kàu lín oai-chhoáh, khi hók-sāi pát ê siōng-tè, lâi kēng-pài i; ¹⁷tì-kàu Iâ-hô-hoa toā siū-khì lín, hō· thiⁿ koaiⁿ-bát bô lōh hō·, toē iā bô chhut-sán; lín chiū tī Iâ-hô-hoa sớ· siúⁿ-sù lín ê súi toē kín-kín biát-bô. ¹⁸Sớ·í lín tiòh ēng goá chia ê oē kì tī lín ê sim, lín ê náu; iā tiòh pāk tī lín ê chhiú choē kì-hō, tì tī lín nng lúi bák-chiu ê tiòng-ng choē kì-liām; ¹⁹iā tiòh ēng che kà-sī lín ê kiáⁿ-jī, bô-lūn lí chē tī chhù-lāi, kiāⁿ tī lō·--nih, khùn á-sī khí-lâi, lóng tiòh káng-lūn; ²⁰koh tiòh siá tī lí ê chhù ê mng-khiā, í-kíp lí ê mng; ²¹hō· lín ê jít-chí, kap lín ê kiáⁿ-sun ê jít-chí, tī Iâ-hô-hoa tui lín ê liát-chó· chiū-choā siúⁿ-sù in ê toē, tit-tiòh ke-thiⁿ choē-choē, chhin-chhiūⁿ thiⁿ khām-toē ê jít hiah kú. ²²Lín nā chù-i chip-siú goá sớ· bēng-lēng lín it-chhè ê kài-bēng, lâi kiāⁿ i, thiàⁿ Iâ-hô-hoa lín ê Siōng-tè, kiāⁿ I it-chhè ê lō·, kiát-liân tī I, ²³Iâ-hô-hoa chiū beh tui lín bīn-chēng koáⁿ-chhut che it-chhè ê kok, lín iā beh tit-tiòh pí lín khah-toā khah-kiōng ê kok. ²⁴Kìⁿ-nā lín ê kha-chiúⁿ sớ· táh ê toē, lóng beh kui hō· lín, tui không-iá kap Lī-pa-lùn, tui hit ê hō, chiū-sī Pek-láh hō, kàu sai-pēng ê hái, lóng beh choē lín ê kēng-kài; ²⁵beh bô chit-lāng oē khiā-tiâu tī lín ê bīn-chēng; Iâ-hô-hoa lín ê Siōng-tè beh hō· lín sớ· táh ê choân-toē lóng kiaⁿ lín, lún lín, chiàu I sớ· tui lín kóng ê.

²⁶Khoàⁿ ah, goá kin-á-jít chiong chiok-hok kap chiù-chó· pài tī lín ê bīn-chêng; ²⁷lín nā thàn Iâ-hô-hoa lín Siōng-tè ê kài-bēng, goá kin-á-jít só· bēng-lēng lín ê, chiū-sī chiok-hok; ²⁸lín nā m̄-thàn Iâ-hô-hoa lín Siōng-tè ê kài-bēng, oai-chhoah goá kin-á-jít só· bēng-lēng lín ê lō·, khi thàn pát ê siōng-tè, lín pēng-sò· só· m̄-bat ê, chiū-sī chiù-chó·.

²⁹Chiong-lâi Iâ-hô-hoa lí ê Siōng-tè chhoā lí kàu lí só· beh jlp-khì sēng-chiap ê toē, lí tiòh hē hit ê chiok-hok tī Ki-lī-sim soaⁿ, hē hit ê chiù-chó· tī Í-pa-lō· soaⁿ. ³⁰Chit nng̃ ê soaⁿ kiám-m̄-sī tī Iok-tàn hô hit-pēng, jlt-lòh ê lō· ê āu-bīn, tī khiā-khí A-lâh-pa ê Ka-lâm lāng ê toē, kap Kiat-kah saⁿ-tùi, óa-kūn Mô·-lī siōng-chhiū mah? ³¹In-ūi lín beh kè Iok-tàn hô jlp-khì sēng-chiap Iâ-hô-hoa lín Siōng-tè só· siúⁿ-sù lín choē-giáp ê toē, lín beh tī-hia khiā-khí. ³²Lín tiòh chip-siú lāi kiāⁿ goá kin-á-jít tī lín ê bīn-chêng só· pài-liát it-chhè ê lùt-lē hoat-tō·.

12 Lín tī sè-kan it-seng ê jlt, tī Iâ-hô-hoa lín liát-chó· ê Siōng-tè só· siúⁿ-sù lín choē-giáp ê toē, tiòh chip-siú lāi kiāⁿ ê lùt-lē hoat-tō·, chiū-sī chiah-ê. ²Lín só· beh koáⁿ lāi sēng-chiap ê liát-kok, kìⁿ-nā in hók-sāi in hiah ê siōng-tè ê só·-chāi, bô-lūn tī koāiⁿ-soaⁿ, tī sió-soaⁿ, tī lóng-chóng chhiⁿ-chhiūi ê chhiū-kha, lóng tiòh húi-hoai in; ³lín iā tiòh thiah-húi in ê chē-toāⁿ, phah-chhiūi in tiau-khek ê thiāu, ēng hé sio in ê A-sià-līm, chhò in só· tiau-khek ê siōng-tè ê siōng, iā tiòh tui hit só·-chāi tū-biát in ê miā; ⁴lín m̄-thang chhin-chhiūⁿ án-ni lāi hók-sāi Iâ-hô-hoa lín ê Siōng-tè. ⁵Tók-tók Iâ-hô-hoa lín ê Siōng-tè chiong-lâi tui lín cheng chi-phài tiong só· beh keng̃ ê só·-chāi, thang tī-hia an-tì I ê miā, chiū-sī I khiā-khí ê só·-chāi, lín tiòh khi hia chhē I; ⁶chiong lín ê

sio-chè kap pát-hō ê chē, chap-hūn chhú chit-hūn ê mih, kap chhiú--nih ê kú-chē, í-kíp siā-goān ê chē, kam-sim hiàn ê chē, í-kíp gū-kūn iūⁿ-kūn tiong thau-chui-siⁿ--ê, lóng tiòh toà kàu hia; ⁷tī-hia lín tī Iâ-hô-hoa lín Siōng-tè ê bīn-chêng ūi-tiòh lín ê chhiú só· choē it-chhè ê sū, tit-tiòh Iâ-hô-hoa lín Siōng-tè sù-hok ê, lín kap lín ê ke-koàn lóng tiòh lim-chiáh hoaⁿ-hí. ⁸Lán kin-á-jít tī-chia só· kiāⁿ ê sū, sī ták-lāng kiāⁿ i ka-kī khoàⁿ-choē tiòh-ê, lín chiong-lâi m̄-thang án-ni kiāⁿ. ⁹In-ūi lín hiān-kim iáu-bē ū kàu Iâ-hô-hoa lí ê Siōng-tè só· siúⁿ-sù lí ê an-hioh kap sán-giáp. ¹⁰Chóng-sī lín kè Iok-tàn, tit-tiòh khiā-khí tī Iâ-hô-hoa lín Siōng-tè siúⁿ-sù lín sēng-chiap ê toē, koh hō· lín thoat-lī si-ūi lóng-chóng ê tui-ték, tit-tiòh an-hioh, lâi an-ún khiā-khí; ¹¹chiū beh ū chit só·-chāi, sī Iâ-hô-hoa lín ê Siōng-tè só· keng̃ lâi an-tì I ê miā ê, kìⁿ-nā goá só· bēng-lēng lín ê, chiū-sī lín ê sio-chè, kap pát-hō ê chē, chap-hūn chhú chit-hūn ê mih, kap chhiú--nih ê kú-chē, í-kíp lí tui Iâ-hô-hoa só· hē-goān kek-hó ê mih, lóng tiòh toà kàu hia. ¹²Lín kap lín ê kiāⁿ, cha-bó·-kiāⁿ, lô·-pók, lú-pī, lóng tiòh hoaⁿ-hí tī Iâ-hô-hoa lín Siōng-tè ê bīn-chêng; Lī-bī lāng tiām tī lín ê mng̃-lāi-ê iā sī án-ni, in-ūi in tī lín tiong-kan bô-hūn bô-giáp. ¹³Lī tiòh ka-kī kín-sīm, m̄-thang tī lí khoàⁿ kah-ì ê só·-chāi hiàn lín ê sio-chè; ¹⁴tók-tók tī lí chiah ê chi-phài tiong ê chit-ê, Iâ-hô-hoa só· beh keng̃ ê só·-chāi, lín tī-hia tiòh hiàn lí ê sio-chè; koh tī-hia kiāⁿ goá it-chhè só· bēng-lēng lí ê. ¹⁵Chóng-sī lí tī lí ták ê mng̃-lāi, thang chiàu Iâ-hô-hoa lí Siōng-tè só· siúⁿ-sù lí ê hok-hūn, chiàu lí ê sim só· ài, thài cheng-siⁿ chiáh-bah; bô-lūn chheng-khì ê lāng, bô chheng-khì ê lāng, lóng thang chiáh i, chhin-chhiūⁿ chiáh lēng-iōng kap lók chit-poaⁿ. ¹⁶Chóng-sī huìh m̄-thang

chiáh, tiòh piàⁿ tī toē--nih, chhin-chhiūⁿ piàⁿ-chúi chit-iūⁿ. ¹⁷Lí ê ngó·kok, chiú, iū, chấp-hūn ê chit-hūn, hék-sī gū-kūn, iūⁿ-kūn tiong thâu-chúi siⁿ-ê, hék-sī lí hē-goān hiàn-ê, kam-sim hiàn-ê, hék-sī chhiú--nih ê kú-chè, lóng m̄-thang tī lí ê m̄ng-lāi chiáh i; ¹⁸tók-tók tī Iâ-hô-hoa lí ê Siōng-tè ê bīn-chêng chiáh i, chiū-sī tī Iâ-hô-hoa lí ê Siōng-tè só· beh keng ê só·chāi, lí kap lí ê kiáⁿ, lí ê cha-bó·kiáⁿ, lô·pók, lú-pī, í-kíp tiàm tī lí m̄ng-lāi ê Lī-bī lāng, lóng tiòh chiáh i; kīⁿ-nā lí ê chhiú só· choè ê, tī Iâ-hô-hoa lí Siōng-tè ê bīn-chêng, thang hoaⁿ-hí. ¹⁹Lí tiòh ka-kī kín-sīn, tī lí ê toē-hng, chit-si-lāng m̄-thang pàng-sak Lī-bī lāng.

²⁰Iâ-hô-hoa lí ê Siōng-tè chiàu I só· èng-ún lí ê, khui-khoah lí ê keng-kài ê sī, lí ê simn ài chiáh-bah, só·í kóng, Goá beh chiáh-bah, chiū thang chiàu lí ê sim só·-ài ê lâi chiáh-bah. ²¹Iâ-hô-hoa lí ê Siōng-tè só· keng beh an-ti I ê miâ ê só·chāi, nā lī-khui lí chin-hng, chiū thang chiàu goá só· bēng-lēng lí ê, chiong Iâ-hô-hoa siūⁿ-sù lí ê gū, iūⁿ, chhú lâi thâi i, thang chiàu sim só·-ài ê, tī lí ê m̄ng-lāi chiáh i. ²²Lí chiáh i, chhin-chhiūⁿ chiáh lēng-iōng kap lók chit-poaⁿ; bô chheng-khì kap chheng-khì ê lāng píⁿ-pīⁿ thang chiáh; ²³tók-tók lí tiòh koat-ì, m̄-thang chiáh huìh, in-ūi huìh sī oáh-miā; lí m̄-thang chiáh bah, soà chiáh i ê oáh-miā; ²⁴m̄-thang chiáh i, tiòh piàⁿ tī toē--nih, chhin-chhiūⁿ piàⁿ chúi chit-iūⁿ; ²⁵m̄-thang chiáh i; án-ni lí kiáⁿ Iâ-hô-hoa só· khoàⁿ-choè tiòh ê sū, lí kap lí ê kiáⁿ-sun chiū oē tit-tiòh hok-khì. ²⁶Tók-tók lí só· ū ê sēng-mih, kap lí só· hē-goān ê, tiòh toà kàu Iâ-hô-hoa só· beh keng ê só·chāi. ²⁷Lí ê sio-chè, bah kap huìh, tiòh hiàn tī Iâ-hô-hoa lí Siōng-tè ê toāⁿ-téng; lí chè-mih ê huìh, tiòh

piàⁿ tī Iâ-hô-hoa lí Siōng-tè ê toāⁿ; hit ê bah, lí thang chiáh. ²⁸Lí tiòh chip-siú, thiaⁿ-thàn goá bēng-lēng lí it-chhè ê oē, kiáⁿ Iâ-hô-hoa lí Siōng-tè só· khoàⁿ-choè hó choè-tiòh ê sū; án-ni lí kap lí ê hō·-è chiū thang éng-oán tit-tiòh hok-khì.

²⁹Iâ-hô-hoa lí ê Siōng-tè tui lí ê bīn-chêng tui-biát lí só· beh khi sēng-chiap ê kok, lí sēng-chiap i, lâi khiā-khí i ê toē; ³⁰hit-sī lí tiòh ka-kī kín-sīn, m̄-thang tī in tui lín ê bīn-chêng tui-biát liáu-āu, hām-lòh in ê lô-bāng, lâi tē in; iā m̄-thang thām-thiaⁿ in ê siōng-tè ê sū, kóng, Chiaⁿ ê kok cháiⁿ-iūⁿ hók-sāi in ê siōng-tè, goá iā beh án-ni kiáⁿ. ³¹Lí m̄-thang tui Iâ-hô-hoa lí ê Siōng-tè án-ni kiáⁿ; in-ūi in tui in ê siōng-tè kiáⁿ Iâ-hô-hoa it-chhè só· thòng-hūn iām-òⁿ ê sū; sīm-chì ēng in ê kiáⁿ cha-bó·kiáⁿ ēng hé sio, hiàn hō· in ê siōng-tè.

³²Kīⁿ-nā goá só· bēng-lēng lín ê, lín lóng tiòh chip-siú lâi kiáⁿ; lí m̄-thang ke-thiⁿ, iā m̄-thang kiám-chió.

13 Lín thiong-kan nā ū sian-ti, á-sī bāng-kìⁿ bāng-ê khí-lâi, tui lín hián-chhut sīn-jiah, kī-sū, chiū tui lín kóng, ²Lán lâi-khì thàn lí pēng-sò· só· m̄-bat ê pát ê siōng-tè, lâi hók-sāi in, i só· hián-bēng ê sīn-jiah kī-sū, chiū nā èng-giām, ³lí iā m̄-thang thiaⁿ hit ê sian-ti, á-sī hit ê bāng-kìⁿ--ê ê oē; in-ūi Iâ-hô-hoa lín Siōng-tè teh chhi lín, ài chai lín sī chīm-sim chīm-sēng thiàⁿ Iâ-hô-hoa lín ê Siōng-tè á-bô. ⁴Lín tiòh sūn-thàn Iâ-hô-hoa lín ê Siōng-tè, keng-ùi I, siú I ê kài-bēng, thiaⁿ I ê oē, hók-sāi I, kiát-liân I. ⁵Hit ê sian-ti, á-sī hit ê bāng-kìⁿ bāng-ê, í-keng ēng oē poē-gék Iâ-hô-hoa lín ê Siōng-tè, chiū-sī chhoā lín chhut Ai-kíp toē, siók-hoē lín thoat-lī choè lô·chāi ê ke ê, in án-ni beh puih lín lī-khui Iâ-hô-hoa lí ê Siōng-tè só· bēng-lēng lí kiáⁿ ê lô·, lí chiū tiòh hō· i sí;

án-ni tùi lín tiong-kan tū-khì hit ê pháiⁿ.

⁶Nā sī lí tâng-bú ê hiaⁿ-tī, á-sī lí ê kiáⁿ, lí ê cha-bó·kiáⁿ, á-sī lí sim-hoài-tiong ê bó·, á-sī chhin-chhiūⁿ lí sīⁿ-miā ê pêng-iú, àm-chīⁿ ín-iú lí, kóng, Lán lâi-khì hók-sāi pát ê siōng-tè, chiū-sī lí kap lí ê liát-chó· pêng-sò· m̄-bat-ê; ⁷sī lí sī-ùi chiah ê kok ê siōng-tè, lī-khui lín kūn, á lī-khui lín hūg, tùi chit ê toē-kék kàu hit ê toē-kék ê, ⁸lí m̄-thang thàn i, m̄-thang thiaⁿ i, bák-chiu m̄-thang sioh i, lí m̄-thang khó·lín i, iā m̄-thang khng-bát i; ⁹lí tek-khak tiōh hō· i sí; lí tiōh choè-thâu hē chhiú beh hō· i sí, jiân-āu cheng peh-siⁿ iā hē chhiú; ¹⁰lí tiōh ēng chiōh-thâu tìm hō· i sí; in-ūi i siūⁿ beh pūih lí lī-khui Iâ-hô-hoa lí ê Siōng-tè, chiū-sī chhoā lí chhut Ai-kíp toē, choè lô·châi ê ke ê. ¹¹Chiū Í-sek-liát cheng-lâng beh thiaⁿ-kìⁿ lâi kiaⁿ; bô koh kiâⁿ chit-hō pháiⁿ-tāi tī lín tiong-kan.

¹²Tī Iâ-hô-hoa lí Siōng-tè só· siūⁿ-sù lí khiā-khí chiah ê siāⁿ ê chit-ê, lí nā thiaⁿ-kìⁿ kóng, ¹³Ū húi-lūi tùi lín tiong-kan chhut, pūih khiā-khí in ê siāⁿ ê lāng, kóng, Lán lâi-khì hók-sāi pát ê siōng-tè, lín cheng só· m̄-bat ê; ¹⁴lí chiū tiōh thām-thiaⁿ, chhâ-khó, siōng-sè m̄ng; khoàⁿ ah, kó-jiân sī chin, chún-chún ū chit-ê khó·òⁿ ê sū kiâⁿ tī lín tiong-kan; ¹⁵lí tek-khak tiōh ēng to thāi-sí khiā-khí hit ê siāⁿ ê peh-siⁿ, chiong i í-kíp i só·-ū-ê, i ê cheng-siⁿ, it-chīn ēng to biát i; ¹⁶lí tiōh ēng só· chhiúⁿ hit ê siāⁿ ê m̄h, thiáp tī koe-chhī--nih, ēng hé sio hit ê siāⁿ kap só· chhiúⁿ it-chhè ê m̄h, hō· Iâ-hô-hoa lí ê Siōng-tè; hit ê siāⁿ éng-éng choè thô·tui, bô thang koh khí. ¹⁷Hit ê eng-kai húi-biát ê m̄h, lóng m̄-thang chit-tiám-á tiâu tī lí ê chhiú; hō· Iâ-hô-hoa soah I ê toā siū-khì, un-tián lí, lín-bín lí, hō· lí ke-thiⁿ lāng-giáh, chiàu I tùi lí ê liát-chó· só· chiū-

choā ê; ¹⁸in-ūi lí thiaⁿ Iâ-hô-hoa lí Siōng-tè ê oē, siú I it-chhè ê kài-bēng, chiū-sī goá kin-á-jit só· bēng-lēng lí ê, lâi kiâⁿ Iâ-hô-hoa lí ê Siōng-tè só· khoàⁿ-choè hó-ê.

14 Lín sī Iâ-hô-hoa lín Siōng-tè ê kiáⁿ-jī, m̄-thang ūi-tiōh sí-lāng koah ka-kī ê seng-khu, iā m̄-thang tī lí n̄ng-lúi bák-chiu ê tiong-ng thì kng-kng; ²in-ūi lí choè sēng ê peh-siⁿ, lâi siók tī Iâ-hô-hoa lí ê Siōng-tè; Iâ-hô-hoa tùi toē-chiūⁿ bân peh-siⁿ tiong, lâi keng lí choè ték-piát ê peh-siⁿ.

³Kìⁿ-nā khó·òⁿ ê m̄h, lí lóng m̄-thang chiah. ⁴Lí só· thang chiah ê cheng-siⁿ chiū-sī chiah-ê gū, mī-iūⁿ, soaⁿ-iūⁿ; ⁵lók, kap lēng-iōng, sió-lók, iá-soaⁿ-iūⁿ, bī-lók, chhiah-iūⁿ, kiuⁿ. ⁶Cheng-siⁿ tiong, kìⁿ-nā pun-toē, toē thiah choè n̄ng-pēng ê, hoan-chháu ê cheng-siⁿ, lín lóng thang chiah i. ⁷Chóng-sī hiah ê hoan-chháu ê, á-sī thiah-toē ê, ê tiong-kan, lín m̄-thang chiah-ê, chiū-sī chiah-ê; lók-tô, thô·, sa-hoan, in-ūi i sī hoan-chháu, bô pun-toē, tùi tī lín sī bô chheng-khì. ⁸Tī, in-ūi i ū pun-toē iā bô hoan-chháu, tùi tī lín sī bô chheng-khì; in ê bah lín m̄-thang chiah; sí-ê iā m̄-thang bong.

⁹Tī chúi-tiong lín só· thang chiah-ê, sī chiah-ê; ¹⁰kìⁿ ū-sit ū-lân ê, lín lóng thang chiah; kìⁿ bô-sit bô-lân ê, lín lóng m̄-thang chiah; tùi tī lín chiū bô chheng-khì.

¹¹Kìⁿ chheng-khì ê chiáu, lín lóng thang chiah i; ¹²m̄-thang chiah-ê chiū-sī eng, hiau, tiau; ¹³chian, sió-eng, ian kap i ê lūi; ¹⁴it-chhè ê o·-a kap i ê lūi, ¹⁵tô-chiáu, kang ê tô-chiáu, hī-eng, chhiok-eng kap i ê lūi; ¹⁶àm-kong-chiáu, ko·-ng, niau-thâu-eng, ¹⁷thê-ô·, chhàu-thâu-eng, lô·chī, ¹⁸hóh, pēh-lēng-si kap i ê lūi, tì-kè-chiáu, pián-hok. ¹⁹Kìⁿ ū sit oē sô ê m̄h, tùi tī lín chiū bô chheng-khì, lín lóng m̄-

thang chiáh i; ²⁰kìⁿ oē pe chheng-khì ê mih, lín lóng thang chiáh.

²¹Kìⁿ ka-kī sí ê mih, lín lóng m̄-thang chiáh; thang hō· lín m̄ng-lāi kià-kha ê lāng chiáh, á-sī boē hō· goā-kok lāng chiáh; in-ūi lí sí sèng ê peh-sìⁿ, siók tī Iâ-hô-hoa lí ê Siōng-tè. Chú soaⁿ-iūⁿ-á, m̄-thang ēng i ê bú ê lín.

²²Lí tiòh chiong lí iā-chéng só· chhut-sán ê, chiū-sī lí ê chhân-hng ták-nī só· chhut ê, chấp-hūn thiū chit-hūn. ²³Lí ê ngó-kok, chiú, iū, chấp-hūn ê chit-hūn, kap gū iūⁿ thâu-chú siⁿ-ê, lí tiòh chiáh i tī Iâ-hô-hoa lí Siōng-tè ê bīn-chēng, chiū-sī I só· beh keng lāi an-tī I ê miā ê só·chāi; hō· lí hāk-sip siōng-siōng keng-ūi Iâ-hô-hoa lí ê Siōng-tè. ²⁴Tng Iâ-hô-hoa lí ê Siōng-tè sù-hok lí ê sí, Iâ-hô-hoa lí ê Siōng-tè só· beh keng an-tī I ê miā ê só·chāi, nā lī-khui lí thài-hng, hit tiêu lō· thài-tng, tì-kàu lí boē-oē toà chiah ê mih kàu hia; ²⁵lí chiū thang oāⁿ gūn, chiong gūn pau-khí-lāi, nih tī lí ê chhiú-lāi, khi Iâ-hô-hoa lí ê Siōng-tè só· beh keng ê só·chāi; ²⁶lí ēng chit ê gūn chiàu sim só· ài boé i, hék-sī gū, hék-sī iūⁿ, hék-sī chiú, hék-sī kàu-chiú, kìⁿ-nā lí ê sim só· ì-ài ê; tī-hia lí kap lí ê ke-koàn, tī Iâ-hô-hoa lí Siōng-tè ê bīn-chēng, chiáh lāi hoaⁿ-hí; ²⁷tiàm tī lí m̄ng-lāi ê Lī-bī lāng lí m̄-thang pàng-sak i, in-ūi i tī lín tiong-kan bô hūn bô giáp.

²⁸Ták-pái kàu saⁿ-nī moá, lí tiòh chiong hit-nī ê thó·sán chấp-hūn thiū chit-hūn, khng tī lí ê m̄ng-lāi; ²⁹in-ūi Lī-bī lāng tī lín tiong-kan bô hūn bô giáp, i kap chhut-goā lāng, í-kíp ko·-jī, koáⁿ-hū, tiàm tī lín m̄ng-lāi ê, lóng thang lāi chiáh kàu pá; tì-kàu Iâ-hô-hoa lí ê Siōng-tè tī lí só· choē it-chhè ê sū, sù-hok lí.

15 Ták-pái kàu chhit-nī ê lō·-bé, lí tiòh kiāⁿ tháu-pàng. ²Tháu-pàng ê lē, chiū-sī án-

ni; hoān-nā chè-chú chioh chhū-piⁿ-ê, tiòh tháu-pàng; m̄-thang tui lí ê chhū-piⁿ kap hiaⁿ-tī tui-thó; in-ūi Iâ-hô-hoa ê tháu-pàng í-keng soan-pò· lah. ³Nā-sī goā-kok lāng lí thang kā i tui-thó só· khiàm ê; tók-tók lí ê mih tī lí ê hiaⁿ-tī ê, lí ê chhiú tiòh tháu-pàng i. ⁴⁵Lí nā liū-sim thiaⁿ Iâ-hô-hoa lí Siōng-tè ê oē, chip-siú lāi kiāⁿ goá kin-á-jit só· bēng-lēng lí che it-chhè ê kài-bēng, chiū beh tī lín tiong-kan bô sòng-hiong lāng; in-ūi tī Iâ-hô-hoa lí ê Siōng-tè só· siúⁿ-sù lí choē-giáp ê toē, Iâ-hô-hoa beh toā-toā sù-hok lí. ⁶In-ūi Iâ-hô-hoa lí ê Siōng-tè beh chiàu I só· èng-ún sù-hok lí; lí beh chioh hō· choē-choē kok, iā lí m̄-bián chioh; lí beh koán-hat choē-choē kok, iā in boē koán-hat lí.

⁷Tī Iâ-hô-hoa lí ê Siōng-tè só· siúⁿ-sù lí ê toē, nā tī lí chit ê siāⁿ-m̄ng-lāi, lí ê hiaⁿ-tī tiong, ū chit ê sòng-hiong lāng kap lí tī-teh, chiū m̄-thang tui lí sòng-hiong ê hiaⁿ-tī ngī lí ê sim, kiu lí ê chhiú; ⁸tek-khak tiòh tui i khui lí ê chhiú, chiàu i só· khiàm-ēng ê chioh i, pò· i ê bô-kàu. ⁹Lí tiòh ka-kī kín-sīn, kiaⁿ-liáu lí sim-lāi ū pháiⁿ liām-thâu, kóng, Tē-chhit nī, tháu-pàng ê nī, kūn lah, lí chiū gūn lí sòng-hiong ê hiaⁿ-tī, lóng m̄ hō· i, tì-kàu i ūi-tiòh lí kiū-kiò Iâ-hô-hoa, lí chiū ū-choē; ¹⁰lí tek-khak tiòh hō· i; hō· i ê sí, sim-lāi m̄-thang hoān-ló; in-ūi tui chit ê sū, Iâ-hô-hoa lí ê Siōng-tè beh tī lí it-chhè só· kiāⁿ ê, kap lí ê chhiú só· choē ê, sù-hok lí. ¹¹In-ūi tī hit só·chāi, sòng-hiong lāng éng boē tng; só·-í goá bēng-lēng lí kóng, Tī lí ê keng-lāi, tek-khak tiòh tui lí ê hiaⁿ-tī, sòng-hiong ê, khiàm-kheh ê, lāi khui lí ê chhiú.

¹²Lí ê hiaⁿ-tī tiong, nā ū chit-ê Hi-pek-lāi ê ta-po·-lāng, á-sī Hi-pek-lāi ê cha-bó·-lāng, boē hō· lí, hók-sāi lí lāk-nī; kàu tē-chhit nī,

chiū tháu-pàng i khi chū-iū. ¹³Lí tháu-pàng i khi chū-iū ê sī, m̄-thang hō· i khang-chhiú khi; ¹⁴tiòh tui lí ê iūⁿ-kūn, gō·-kak-tiūⁿ, chiú-khut tiong, choē-choē hō· i; chiàu Iâ-hô-hoa lí Siōng-tè só· sù-hok lí ê, lâi hō· i. ¹⁵Tiòh kì-tit lí tī Ai-kip toē choē lô·-châi, Iâ-hô-hoa lí ê Siōng-tè kiù-siok lí; in-ūi án-ni, goá kin-á-jit bēng-lēng lí chit ê sū. ¹⁶I nā tui lí kóng, Goá bô beh lī-khui lí, in-ūi i thiàⁿ lí kap lí ê ke-koàn, koh in-ūi tiàm lí hia khiā chin-hó; ¹⁷lí tiòh ēng chng-á tui mng--nih kng i ê hī-á, i chiū éng-éng choē lí ê lô·-pók. Lí khoán-thāi lí ê lú-pī iā sī án-ni. ¹⁸Lí tháu-pàng i khi chū-iū ê sī, m̄-thang liáh-choē kek-khui, in-ūi i hók-sāi lí lák-nī, pí chhiàⁿ-kang-ê tēng-pē tát; Iâ-hô-hoa lí ê Siōng-tè beh tī lí só· choē it-chhè ê sū, sù-hok lí.

¹⁹Kiⁿ-nā gū-kūn iūⁿ-kūn, thâu-chú-siⁿ--ê, kang-ê, lí tiòh hun-piát choē-sēng, kui hō· Iâ-hô-hoa lí ê Siōng-tè; gū-kūn thâu-chú-siⁿ--ê, m̄-thang choē-kang; iūⁿ-kūn thâu-chú-siⁿ--ê, m̄-thang chián i ê mng. ²⁰Lí kap lí ê ke-koàn, ták-nī tiòh chiáh i tī Iâ-hô-hoa lí Siōng-tè ê bīn-chēng, chiū-sī tī Iâ-hô-hoa só· beh keng ê só·-chāi. ²¹Nā ū phoà-siūⁿ ê, hék-sī pái-kha, hék-sī chhiⁿ-mī, bô-lūn ū sīm-mih pháⁿ ê phoà-siūⁿ, lóng m̄-thang choē-chè hiàn hō· Iâ-hô-hoa lí ê Siōng-tè; ²²thang tī lí ê mng-lāi chiáh i; bô chheng-khi kap chheng-khi ê lāng lóng thang, chhin-chhiūⁿ chiáh lēng-iōng kap lók chit-iūⁿ; ²³tók-tók m̄-thang chiáh i ê huìh; tiòh piàⁿ tī toē-nih, chhin-chhiūⁿ piàⁿ chúi chit-iūⁿ.

16 Lí tiòh chù-ì A-pit gēh, lâi siú Iâ-hô-hoa lí Siōng-tè ê poāⁿ-kè-choeh; in-ūi Iâ-hô-hoa lí Siōng-tè tī A-pit gēh mī-sī chhoā lí chhut Ai-kip. ²Lí tiòh tī Iâ-hô-hoa só· beh keng lâi an-tī I ê miā ê só·-chāi, tui lí ê iūⁿ-kūn

gū-kūn, ēng jū-oat-choah ê cheng-siⁿ, hiàn-chè hō· Iâ-hô-hoa lí ê Siōng-tè. ³Lí m̄-thang ēng ū-kàⁿ ê piáⁿ chham teh chiáh; chhit-jit kú lí tiòh ēng bô-kàⁿ ê piáⁿ chham teh chiáh, chiū-sī khùn-khó· ê piáⁿ; beh hō· lí it-seng ê jit kì-tit lí chhut Ai-kip toē ê jit; in-ūi lí chhut Ai-kip toē ê sī chin koáⁿ-kín. ⁴Tī lí ê sì-keng-lāi, chhit-jit kú lóng m̄-thang khoàⁿ-kìⁿ kàⁿ; thâu-chit-jit ê-hng só· hiàn ê chè-bah, m̄-thang lâu chit-tiám-á kàu thiⁿ-kng. ⁵Tī Iâ-hô-hoa lí Siōng-tè só· siúⁿ-sù hiah ê siāⁿ-mng-lāi lí m̄-thang hiàn poāⁿ-kè-choeh ê chè. ⁶Tók-tók tiòh tī Iâ-hô-hoa lí Siōng-tè só· beh keng choē an-tī I ê miā ê só·-chāi, kàu ê-hng jit-lóh ê sī, chiū-sī lí chhut Ai-kip ê sī, tiòh hiàn poāⁿ-kè-choeh ê chè; ⁷tiòh tī Iâ-hô-hoa lí Siōng-tè só· beh keng ê só·-chāi, pek lâi chiáh i; keh chá-khi lí oát-tò-khi lí ê pò·-pīⁿ. ⁸Lí tiòh chiáh bô-kàⁿ-piáⁿ lák-jit; tē-chhit jit lí tiòh siú Iâ-hô-hoa lí Siōng-tè ê giām-siok-hoē; lóng m̄-thang choē-kang.

⁹Lí tiòh ūi ka-kī sng chhit ê chhit-jit; tui lí khi-thau ēng liām-á koah ngó·-kok ê sī, chiū sng chhit ê chhit-jit. ¹⁰Lí tiòh tī Iâ-hô-hoa lí Siōng-tè ê bīn-chēng siú chhit-chhit-jit-choeh; chiong lí ê chhiú ê lé-mih hōng-hiàn, sī chiàu lí ê sim só· goān-ê, iā chiàu Iâ-hô-hoa lí ê Siōng-tè sù-hok lí ê. ¹¹Lí kap lí ê kiáⁿ, cha-bó·-kiáⁿ, lô·-pók, lú-pī, kap tiàm tī lí siāⁿ-mng-lāi ê Lī-bī lāng, í-kip tī lín tiong-kan kià-kha-ê, kap ko·-jī, koáⁿ-hū, lóng tiòh tī Iâ-hô-hoa lí ê Siōng-tè só· beh keng an-tī I ê miā ê só·-chāi, tī Iâ-hô-hoa lí Siōng-tè ê bīn-chēng hoaⁿ-hí. ¹²Lí tiòh kì-tit lí tī Ai-kip bat choē lô·-châi; lí tiòh chip-siú lâi kiāⁿ chiaⁿ ê lùt-lē.

¹³Gō·-kak-tiūⁿ kap chiú-khut só· chhut ê, lí siu-khng liáu-āu, tiòh siú tah chháu-liáu-á choeh chhit-jit; ¹⁴siú choeh ê sī, lí kap lí

ê kiáⁿ, cha-bó·-kiáⁿ, lô·-pók, lú·-pī, kap tiàm tī lí siáⁿ-m̄ng-lāi ê Lī-bī lāng, í-kíp kià-kha-ê, kap ko·-jī, koáⁿ-hū, lóng tiòh hoaⁿ-hí. ¹⁵Tī Iâ-hô-hoa só· beh keng ê só·-chāi, lí tiòh siú Iâ-hô-hoa lí ê Siōng-tè ê choeh chhit-jīt; in-ūi Iâ-hô-hoa lí ê Siōng-tè tī lí it-chhè ê bû·-sán, kap lí ê chhiú it-chhè só· choè ê, beh sù-hok lí, lí chiū chin toā hoaⁿ-hí. ¹⁶Lí it-chhè ê ta-po·-teng, tiòh tī tū-kàⁿ-choeh, chhit-chhit-choeh, tah-liâu-á choeh, chit-nī saⁿ-pái, lóng kàu Iâ-hô-hoa lí Siōng-tè ê bīn-cheng, tī I só· beh keng ê só·-chāi; iā m̄-thang khang-chhiú kàu Iâ-hô-hoa ê bīn-cheng; ¹⁷ták-lāng tiòh chiàu i ê khui-lát lâi hiàn, chiū-sī chiàu Iâ-hô-hoa lí Siōng-tè só· siúⁿ-sù lí ê hok-hūn.

¹⁸Lí tiòh tī Iâ-hô-hoa lí ê Siōng-tè só· siúⁿ-sù ták ê siáⁿ-m̄ng-lāi, chiàu lí hiah ê chi-phài, ūi ka-kī siat-líp sím-phoàⁿ-koaⁿ kap koaⁿ-tiúⁿ; in tiòh chiàu kong-gī ê phoàⁿ-toàn, lâi sím-phoàⁿ peh-siⁿ. ¹⁹Lí ê sím-phoàⁿ m̄-thang oan-óng, m̄-thang khoàⁿ lāng ê goā-māu, iā m̄-thang siū pò·-lō·; in-ūi pò·-lō· oē hō· tì-hūi ê lāng bák-chiu chhiⁿ-mī, koh oē hō· gī-lāng ê oē péng-tò-túg. ²⁰Lí tiòh tui-jip chī-kong chī-gī, hō· lí oē oáh, sêng-chiap Iâ-hô-hoa lí Siōng-tè só· siúⁿ-sù lí ê toē.

²¹Lí ūi ka-kī só· khí Iâ-hô-hoa lí Siōng-tè ê toāⁿ, m̄-thang tī hí piⁿ-á chai sím-mih chhiū-bák, choè A-sià-láh; ²²iā m̄-thang ūi ka-kī chhāi tiau-khek ê thiāu; che sī Iâ-hô-hoa lí ê Siōng-tè só· oàn-hūn ê.

17 Kìⁿ-ū phoàⁿ-siuⁿ, á-sī ū sím-mih pháiⁿ-iūⁿ ê gū iūⁿ, lí m̄-thang chè-hiàn Iâ-hô-hoa lí ê Siōng-tè; in-ūi che sī Iâ-hô-hoa lí ê Siōng-tè só· iàm-ò·ⁿ ê.

²Tī lín tiong-kan, tī Iâ-hô-hoa lí Siōng-tè só· siúⁿ-sù lí hiah ê siáⁿ ê tiong-kan, nā tú-tiòh ū lāng, hék-sī lâm, hék-sī lú, kiâⁿ Iâ-hô-

hoa lí Siōng-tè só· khoàⁿ-choè pháiⁿ-ê, ūi-poē I ê iok, ³khì hók-sāi pát ê siōng-tè lâi keng-pài i, hék-sī jīt, hék-sī gèh, á-sī thiⁿ-téng ê bān-siōng, sī goá só· bē-bat bēng-lēng-ê; ⁴nā ū lāng ká lí kóng, lí iā í-keng thiaⁿ-kìⁿ, chiū tiòh siōng-sè thām-thiaⁿ; khoàⁿ ah, kò-jian ū-iáⁿ, sít-chāi ū chit-ê khó·-ò·ⁿ ê sū, kiâⁿ tī Í-sek-liát tiong; ⁵lí tiòh chiong kiáⁿ chit ê pháiⁿ-tāi ê ta-po·-lāng, á-sī hu-jin-lāng, thoa kàu siáⁿ-m̄ng-goā, ēng chiòh-thâu tìm hit ê ta-po·-lāng, á-sī hū-jin-lāng, hō· i sí. ⁶Tiòh pīn n̄ng ê kan-cheng, á-sī saⁿ ê kan-cheng ê chhiū, eng-kai sí-ê tiòh hō· i sí; nā pīn chit-lāng ê chhiū choè kan-cheng, chiū m̄-thang hō· i sí; ⁷kan-cheng-ê tiòh choè-thâu hē chhiú tìm i, jian-āu cheng peh-siⁿ iā hē chhiú hō· i sí; án-ni chiū tui lín tiong-kan tū-khì hit ê pháiⁿ.

⁸Lí siáⁿ-m̄ng-lāi nā ū oan-ke ê sū, hék-sī in-ūi lâu-huih, hék-sī in-ūi saⁿ-kò, hék-sī in-ūi saⁿ-phah, sī lí só· boē hiáu-tit toàn ê, lí chiū tiòh khí-lái, khì Iâ-hô-hoa lí Siōng-tè só· beh keng ê só·-chāi; ⁹kìⁿ chè-si Lī-bī lāng, kap tng-sī ê sím-phoàⁿ-koaⁿ, lâi m̄ng in; in beh chiong phoàⁿ-sū chí-sī lí; ¹⁰in tī Iâ-hô-hoa só· beh keng ê só·-chāi chí-sī lí ê phoàⁿ-sū, lí tiòh chiàu án-ni kiâⁿ; kìⁿ in só· kà-sī lí ê, tiòh chip-siú lâi kiâⁿ i; ¹¹tiòh chiàu in só· beh kà-sī lí hoat-tō· ê chong-chí, iā tiòh chiàu in só· ká lí kóng ê phoàⁿ-toàn lâi kiâⁿ; in só· chí-sī lí ê phoàⁿ-sū, lí m̄-thang phian-chó phian-iū. ¹²Nā ū lāng chū-choan kiâⁿ, m̄-thiaⁿ chè-si, chiū-sī tī-hia khiā-teh lâi hók-sāi Iâ-hô-hoa lí ê Siōng-tè ê, á-sī m̄-thiaⁿ sím-phoàⁿ-koaⁿ, chiū tiòh hō· hit-lāng sí; án-ni lí chiū tui Í-sek-liát tiong tū-khì hit ê pháiⁿ; ¹³peh-siⁿ beh lóng thiaⁿ-kìⁿ lâi kiaⁿ, bô koh chū-choan kiâⁿ.

¹⁴Lí kàu Iâ-hô-hoa lí Siōng-tè só· siúⁿ-sù lí ê toē, tit-tiòh hit só·-chāi lâi khiā-khí ê sī, nā

kóng, Goá beh siat-líp ông choè goá ê thâu, chhin-chhiūⁿ goá sì-ûi ê liát-kok chit-iūⁿ, ¹⁵lí tek-khak tiòh siat-líp Iâ-hô-hoa lí Siông-tè só· keng ê lâng choè-ông, choè lí ê thâu; tui lí ê hiaⁿ-tī tiong siat-líp chit-lâng choè-ông, choè lí ê thâu; goā-kok lâng, m̄-sī lí ê hiaⁿ-tī ê, lí m̄-thang siat-líp choè lí ê thâu. ¹⁶Chóng-sī ông m̄-thang ūi-tiòh ka-kī ke-thiⁿ choē-choē chiah bé, iā m̄-thang ūi-tiòh beh ke-thiⁿ kah-choē chiah bé, hō· peh-siⁿ tò-khì Ai-kip, in-ūi Iâ-hô-hoa bat bēng-lēng lín kóng, Lín bôh koh tui hit tiâu lō· tò-khì. ¹⁷I iā m̄-thang ūi ka-kī choā choē-choē hō·hui, kiaⁿ-liáu i ê sim poē-biū; i iā m̄-thang ūi pún-sin chek-chū choē-choē kim-gūn. ¹⁸I chē i ê kok-ūi ê sī, tiòh ēng chit pún chheh chhau-siá chit ê lút-hoat, tiòh tui hit-pún chūn tī ché-sī Lī-bī lâng ê bīn-chēng ê lâi chhau i; ¹⁹hit-pún tiòh hē tī i hia, chit-si-lâng tiòh thak i; thang hāk-sip keng-ūi Iâ-hô-hoa i ê Siông-tè; tiòh chip-siú chit ê lút-hoat it-chhè ê oē, kap chiah ê lút-lē lâi kiāⁿ i; ²⁰bián-tit i chū-ko lâi khoāⁿ-khin hiaⁿ-tī; koh bián-tit i phian-chó phian-iū, lâi lī-khui chit ê kài-bēng; thang hō· i kap i ê kiáⁿ-sun tī Í-sek-liát tiong kok-ūi kú-tūg.

18 Chè-si Lī-bī lâng, thong Lī-bī ê chi-phài, in tī Í-sek-liát tiong bô hūn bô giáp; in só· beh chiah-ê, chiū-sī Iâ-hô-hoa ê hé-chè, kap I ê giáp. ²In tī in hiaⁿ-tī tiong bô sán-giáp, Iâ-hô-hoa choè in ê sán-giáp, chiàu só· tui in kóng ê. ³Chè-si tui peh-siⁿ só· eng-kai tit-tiòh ê hūn chiū-sī chiah-ê; kìⁿ-nā hiàn gū á-sī iūⁿ choè chè ê, tiòh chiong chēng thúi, kap nnḡ ê chhui-phoé, kap tō·, hō· chè-si. ⁴Lí ê ngó-kok, lí ê chiú, lí ê iū, khí-thâu siu-sēng ê, kap khí-thâu chián ê iūⁿ-mnḡ, lóng tiòh hō· i. ⁵In-ūi Iâ-hô-hoa lí ê Siông-tè tui lí chēng chi-phài keng i, hō· i kap i ê kiáⁿ-sun, hōng

Iâ-hô-hoa ê miā, khiā-teh, hók-sāi I kàu éng-oán.

⁶Nā ū Lī-bī lâng bô-lūn kià-kha tī Í-sek-liát tiong toh-lòh chit chō siāⁿ-mnḡ-lāi, tui hia chhut-lâi, choan-sim ì-ài kàu Iâ-hô-hoa só· beh keng ê só·-chāi, ⁷chiū i beh hōng Iâ-hô-hoa i Siông-tè ê miā hók-sāi, chhin-chhiūⁿ i chēng hiaⁿ-tī hiah-ê khiā tī Iâ-hô-hoa bīn-chēng ê Lī-bī lâng chit-iūⁿ; ⁸tī i boē chó-kong ê giáp í-goā, i só· tit-tiòh chiah ê hūn-giáp tiòh kap in pīⁿ.

⁹Lí nā kàu Iâ-hô-hoa lí Siông-tè só· siūⁿ-sū lí ê toē, lí m̄-thang òh hiah ê kok khó-òⁿ ê sū lâi kiāⁿ. ¹⁰Lín tiong-kan m̄-thang ū lâng hō· kiáⁿ cha-bó·-kiáⁿ keng-kè hé, kiāⁿ siā-sút ê, chiam-pok ê, khoāⁿ-miā ê, choè sai-kong ê; ¹¹ūi-hū ê, choè tâng-ki ê, kiāⁿ mô-sút ê, khan-bōng ê; ¹²in-ūi kìⁿ-nā kiāⁿ hiah ê sū ê, lóng sī Iâ-hô-hoa só· iām-òⁿ; iā sī ūi-tiòh chiah ê khó-òⁿ ê sū, Iâ-hô-hoa lí ê Siông-tè tui lí ê bīn-chēng koáⁿ in chhut. ¹³Lí tui tī Iâ-hô-hoa lí ê Siông-tè, tiòh choè oân-choân ê lâng. ¹⁴In-ūi lí só· beh sēng-chiap hiah ê kok, lóng thiaⁿ-thàn chiam-pok ê, kiāⁿ siā-sút ê; lūn-kàu lí, chiū Iâ-hô-hoa lí ê Siông-tè m̄-chún lí án-ni kiāⁿ. ¹⁵Iâ-hô-hoa lí ê Siông-tè beh tui lín tiong-kan, tui lín ê hiaⁿ-tī, heng-khí sian-ti chhin-chhiūⁿ goá, lín tiòh thiaⁿ-thàn i. ¹⁶Chiàu lí tī Hô-liát chū-hoē ê jīt, tui Iâ-hô-hoa lí Siông-tè it-chhè só· kiū-ê, kóng, Bôh-tit hō· goá koh thiaⁿ-kìⁿ Iâ-hô-hoa goá ê Siông-tè ê siaⁿ; iā bôh-tit hō· goá koh khoāⁿ-kìⁿ chit ê toā-hé, bián-tit goá sí-bô. ¹⁷Iâ-hô-hoa chiū tui goá kóng, In só· kóng-ê sī hó. ¹⁸Goá beh tī in hiaⁿ-tī tiong, ká in heng-khí chit ê sian-ti chhin-chhiūⁿ lí, Goá beh chiong Goá ê oē hē tī i ê chhui, i beh chiong Goá it-chhè só· bēng-lēng-ê tui in kóng. ¹⁹I thok Goá ê miā

lâi thoân Goá ê oē, lāng nā m̄-thiaⁿ, Goá beh pān i. ²⁰Chóng-sī sian-ti chū-choan thok Goá ê miā, kóng Goá só· bô bēng-lēng i kóng ê oē, á-sī hōng pát ê siōng-tè ê miā lâi kóng, hit ê sian-ti tiōh sí. ²¹Lí ê sim nā siūⁿ kóng, Iâ-hô-hoa só· bô kóng ê oē, goán beh-thái oē chai ah? ²²Nā ū sian-ti thok Iâ-hô-hoa ê miā lâi kóng--ê hit ê sū nā bô chiāⁿ, iā bô èng-giām, che sī Iâ-hô-hoa só· bô kóng-ê, sī hit ê sian-ti chū-choan lâi kóng-ê, lí bôh-tit kiaⁿ i.

19 Iâ-hô-hoa lí ê Siōng-tè chiong-lâi chián-tū hiah ê kok, chiū-sī Iâ-hô-hoa lí ê Siōng-tè ēng in ê toē siúⁿ-sù lí ê, lí sēng-chiap in, lâi khiā-khi in ê siāⁿ, kap in ê chhù; ²hit-sī lí chiū tiōh tī Iâ-hô-hoa lí Siōng-tè siúⁿ-sù lí choē-giáp ê toē, kā i hun-piat saⁿ ê siāⁿ. ³Tiōh chiong Iâ-hô-hoa lí Siōng-tè só· siúⁿ-sù lí sēng-chiap kài-lâi ê toē, hun-choē saⁿ-khu, koh kā i khui lō·, hō· hiah ê thâi-lāng-ê lóng thang cháu-khi hia. ⁴Thâi-sí-lāng-ê cháu-khi hia, chiū thang tit-tiōh oáh, hit ê lē chiū-sī án-ni; kìⁿ-nā pēng-sò· bô kiát-oàn chhò-gō· lâi thâi-sí i ê chhù-piⁿ; ⁵chiū-sī chhin-chhiūⁿ lāng kap i ê chhù-piⁿ khi chhiū-nâ, beh chhò chhiū-bák, chhiú kiáh pót-thâu chít-ē chhò, beh chhò hit ê chhiū, pót-thâu-bah lut-khi, siong-tiōh i ê chhù-piⁿ tì-kàu sí, chít ê lāng tiōh cháu kàu hiah ê siāⁿ ê chít-ê, chiū thang oáh-teh; ⁶bián-tit pò-jîn-bēng-ê, tng i sim-hé tóh ê sí, tui-jip thâi-lāng ê lāng, in-ūi lō· chin-hng jip-tiōh chiū thâi-sí i; kî-sit i m̄ eng-kai sí, in-ūi pēng-sí i bô oàn-hūn i. ⁷Só·-í goá bēng-lēng lí kóng, Tiōh kā i hun-piat saⁿ ê siāⁿ. ⁸Iâ-hô-hoa lí ê Siōng-tè, nā chiàu I tui lí ê liát-chó· só· chiū-choā-ê, khui-khoah lí ê kég-kài, chiong só· èng-ún siúⁿ-sù lí ê liát-chó· ê choân-toē hō· lí; ⁹goá kin-á-jit só· bēng-lēng lí it-chhè ê kài-bēng, lí nā chip-siú· lâi kiāⁿ i,

thiāⁿ Iâ-hô-hoa lí ê Siōng-tè, siōng-siōng kiāⁿ I hiah ê tō-lō·, chiū tī chí saⁿ ê siāⁿ í-goā, tiōh koh ūi ka-kī ke-siat saⁿ ê siāⁿ; ¹⁰bián-tit bô-choē ê huìh lâu tī Iâ-hô-hoa lí Siōng-tè só· siúⁿ-sù lí choē-giáp ê toē, tì-kàu lâu-huìh ê choē kui tī lí. ¹¹Chóng-sī lāng nā oàn-hūn i ê chhù-piⁿ, bîh--teh khí-lâi phah i, siong-hāi i kàu sí, chiū cháu kàu hiah ê siāⁿ ê chít-ê; ¹²i ê siāⁿ ê tiúⁿ-ló chiū tiōh chhe lāng, tui hia toà i chhut-lâi, kau tī pò-jîn-bēng ê lāng ê chhiú, hō· i sí; ¹³lí ê bák-chiu m̄-thang khó-lín i; tī Í-sek-liát tiōng tiōh tū-khi bô-choē ê huìh, hō· lí thang tit-tiōh hok-khi.

¹⁴Tī Iâ-hô-hoa lí Siōng-tè só· siúⁿ-sù lí sēng-chiap ê toē, m̄-thang í-soá chhù-piⁿ ê kài-chí; hit-ê sī chēng ê lāng só· chhāi tī lí soá-chiap ê giáp ê lâi-bīn ê.

¹⁵Kan-ta chít-lāng boē thang khí-lâi kan-chēng lāng sím-mih pháiⁿ, sím-mih choē, chiū-sī i kìⁿ só· hoān ê choē; tek-khak tiōh pîn nng ê kan-chēng ê lāng ê chhui, á-sī saⁿ ê kan-chēng ê lāng ê chhui, chiah thang tēng i ê àn. ¹⁶Nā ū lām-sám kan-chēng ê khí-lâi kong-kek bó· lāng, kan-chēng i kiāⁿ-pháiⁿ, ¹⁷chiū chí nng-ê saⁿ-chìⁿ ê lāng tiōh khiā tī Iâ-hô-hoa ê bīn-chēng, kap tng-sí ê chè-si, kap sím-phoàⁿ-koaⁿ ê bīn-chēng. ¹⁸Sím-phoàⁿ-koaⁿ tiōh siōng-sè chhâ-mng; khoàⁿ ah, nā choē kan-chēng ê lāng, kó-jiân sī ké kan-chēng, ēng ké kan-chēng beh hāi i ê hiaⁿ-tī, lín chiū tiōh khoán-thāi i, chhin-chhiūⁿ i siūⁿ beh khoán-thāi i ê hiaⁿ-tī ê; án-ni tui lín tiōng-kan tū-khi hit ê pháiⁿ. ²⁰Kî-û ê lāng thiāⁿ-kìⁿ lóng beh kiaⁿ, chiū tī lín tiōng-kan bô koh kiāⁿ chít hō· pháiⁿ. ²¹Lí ê bák-chiu m̄-thang khó-lín i, tiōh ēng miā pē miā, bák-chiu pē bák-chiu, chhui-khi pē chhui-khi, chhiú pē chhiú, kha pē kha.

20 Lí chhut-khì kap tùi-ték kau-chiàn ê sî, khoàⁿ-kìⁿ bé, chhia, í-kíp peh-sìⁿ pí lí khah-choē-ê, m̄-bián kiaⁿ in; in-ūi chhoā lí chhut Ai-kíp toē ê Iâ-hô-hoa lí ê Siōng-tè kap lí tī-teh. ²Lín teh-beh lîm-tîn kau-chiàn ê sî, chē-si tiōh kàu peh-sìⁿ ê bîn-chêng soan-pò; ³tùi in kóng, Í-sek-liát lāng ah, lín tiōh thiaⁿ; lín kin-á-jit beh kap peh-sìⁿ tùi-ték kau-chiàn, m̄-thang sit-táⁿ, m̄-thang kiaⁿ, lâi ngiáuh-ngiáuh-chhoah, iā m̄-thang in-ūi in lâi lún-neh; ⁴in-ūi Iâ-hô-hoa lín ê Siōng-tè chiū-sī kap lín saⁿ-kap khi ê, beh thoē lín kap tùi-ték kau-chiàn lâi chín-kiù lín. ⁵Hiah ê koaⁿ-tiúⁿ iā tiōh tùi peh-sìⁿ soan-pò, kóng, Chī-chūi khí sin-chhù iáu-bē kiáⁿ lók-sêng ê lé ah? i tiōh tò-khì in tau, kiaⁿ-liáu i tīn-bông, pát-lāng kiáⁿ lók-sêng ê lé. ⁶Chī-chūi cheng phû-tô-hûg, iáu-bē ū ēng-tiōh i ê ké-chí ah? i iā thang tò-khì in tau, kiaⁿ-liáu i tīn-bông, pát-lāng khi ēng i. ⁷Chī-chūi phêng-tiāⁿ bó, iáu-bē chhoā i ah? i iā thang tò-khì in tau, kiaⁿ-liáu i tīn-bông, pát-lāng chhoā i. ⁸Hiah ê koaⁿ-tiúⁿ koh tiōh tùi peh-sìⁿ soan-pò, kóng, Chī-chūi kiaⁿ-hiāⁿ sit-táⁿ ah? i thang tò-khì in tau, kiaⁿ-liáu i ê hiaⁿ-tī ê sim siau-iūⁿ, chhin-chhiūⁿ i ê sim chit-iūⁿ. ⁹Hiah ê koaⁿ-tiúⁿ tùi peh-sìⁿ soan-pò bêng-pék, tiōh siat-lip hiah ê kun-tiúⁿ choē-thâu lâi chhoā peh-sìⁿ.

¹⁰Lí oá-kūn chit ê siāⁿ beh phah ê sî, tiōh tãi-seng tùi i soan-pò hô-pêng ê oē. ¹¹I nā ēng hô-pêng ê oē tap-hok lí, ká lí khui siāⁿ-m̄g, hí tiong-kan sóⁿ ū ê peh-sìⁿ lóng beh choē lí ê chhe-ēng, lâi hók-sāi lí. ¹²I nā m̄-khéng kap lí hô-hó, hoán-túg beh kap lín kau-chiàn, lín chiū tiōh ūi-khùn i. ¹³Iâ-hô-hoa lí ê Siōng-tè ēng i kau-hù lí, lí chiū tiōh ēng to it-chīm thâi-sí i hiah ê ta-po-teng; ¹⁴tók-tók hū-lú, gín-ná, cheng-siⁿ, kap siāⁿ-lâi it-chhè

sóⁿ chhiúⁿ ê m̄h, lí thang chhiúⁿ i lâi choē ka-kī ê lō-ēng; lí sóⁿ chhiúⁿ lí ê tùi-ték ê m̄h, chiū-sī Iâ-hô-hoa lí Siōng-tè sóⁿ siúⁿ-sù lí ê, lí thang chiāh-ēng. ¹⁵Lī-khui lí h̄ng-h̄ng hiah ê siāⁿ, m̄-sī chiah ê liát-kok ê siāⁿ, lí tiōh án-ni khoán-thāi i. ¹⁶Tók-tók siók chiah ê peh-sìⁿ ê siāⁿ, Iâ-hô-hoa lí Siōng-tè í-keng siúⁿ-sù lí choē-giáp, kī-tiong kìⁿ-ū chhoán-khùi ê, lí m̄-thang hō i oáh-teh; ¹⁷tiōh chiàu Iâ-hô-hoa lí Siōng-tè sóⁿ bēng-lēng lí ê, chiong Hek lāng, A-mô-lī lāng, Ka-lâm lāng, Pí-lī-sé lāng, Hī-bī lāng, Iâ-pò-su lāng, it-chīm biát i; ¹⁸bián-tit in kà-sī lín òh it-chhè khó-òⁿ ê sū, chiū-sī in tùi tī in ê siōng-tè sóⁿ kiáⁿ ê, tì-kàu lín tek-choē Iâ-hô-hoa lín ê Siōng-tè.

¹⁹Lí nā kú-kú ūi-khùn chit ê siāⁿ, kong-kek beh chhú i, chiū m̄-thang ēng pót-thâu phah-pháiⁿ chhiū-bák; in-ūi lí thang chiāh i ê ké-chí, sóⁿ-í m̄-thang chhò i; chhân-iá ê chhiū-bák kiám-sī lāng, hō lí ūi-khùn mah? ²⁰Tók-tók lí sóⁿ bat m̄-sī thang choē chiāh-m̄h ê chhiū, thang chhò lâi húi-hoai i, ēng i lâi choē kong-siāⁿ ê khi-kū, kong-kek hit-ê kap lí kau-chiàn ê siāⁿ, kàu kong-phoà i.

21 Tī Iâ-hô-hoa lí Siōng-tè sóⁿ siúⁿ-sù lí choē-giáp ê toē, nā tú-tiōh siū-thâi ê lāng tó tī chhân-iá, m̄-chai sī chī-chūi thâi-sí ê; ²lí ê tiúⁿ-ló kap sím-phoàⁿ-koaⁿ tiōh chhut-lâi niū i, tùi siū-thâi ê lāng hit-tah, tit-kàu sī-ūi hiah ê siāⁿ, ³khoàⁿ toh-lóh chit ê siāⁿ lī-khui siū-thâi ê lāng tē-it kūn; chiū hit ê siāⁿ ê tiúⁿ-ló tiōh tùi gū-kún tiong chhú chit-chiah bē-bat ēng i lâi choē-kang, bē-bat koà-taⁿ ê gū-chéng-á; ⁴hit ê siāⁿ ê tiúⁿ-ló tiōh khan gū-chéng-á kàu ū tng-lâu-chúi ê soaⁿ-kok, bô cheng bô choē-ê, tī hit ê soaⁿ-kok kòng-chih gū-chéng-á ê âm-kún. ⁵Chē-sī Lī-bī lāng ê kiáⁿ-sun tiōh kūn-oá, in-ūi Iâ-hô-

hoa lí ê Siōng-tè keng in lâi hók-sāi I, thok Iâ-hô-hoa ê miâ chiok-hok; só· ũ saⁿ-kò, saⁿ-phah ê sū, lóng tiòh chiàu in ê oē lâi gí-toàn. ⁶Hit ê siâⁿ ê cheng tiúⁿ-lô, chiū-sī lī-khui siū-thai ê lāng tē-it kün-ê, tiòh tī hit ê soaⁿ-kok tiong, só· kòng-chhih âm-kún ê gū-cheng-á ê téng-bīn lâi soé chhiú; ⁷iā beh in lâi kóng, Goán ê chhiú bē-bat lâu chit ê huìh, goán ê bák-chiu iā bē-bat khoàⁿ-kìⁿ. ⁸Iâ-hô-hoa ah, kiū Lí sià-bián Lí ê peh-siⁿ Í-sek-liát, Lí só· siók-hoē ê, bók-tit hō· bô-choē ê huìh kui tī Lí ê peh-siⁿ Í-sek-liát. ⁹Án-ni lâu hit ê huìh ê choē kap i bô kan-siáp; án-ni chiū tui lín tiong-kan tū-khi lâu bô-choē ê huìh ê choē; sī lí ũ kiâⁿ Iâ-hô-hoa khoàⁿ-choē hó-ê.

¹⁰Lí chhut-khi kap lí ê tui-ték kau-chiàn ê sī, Iâ-hô-hoa lí ê Siōng-tè chiong in kau tī lí ê chhiú, lí iā liáh in khi; ¹¹hit-sī tī siū-liáh ê lāng ê tiong-kan, nā khoàⁿ-kìⁿ ũ bí-lú, lí iā loan-bō· i, beh chhoā i choē-bó; ¹²chiū thang choā kàu lí ê ke, i chiū tiòh thì thau-mng, siu chng-kah; thng-khi i siū-liáh ê sī só· chheng ê saⁿ, tiàm tī lí ê ke ai-khau pē-bú chit-géh-jit; jiân-āu lí thang kap i tâng-pâng, lí choē i ê tiōng-hu, i choē lí ê bó·. ¹⁴Āu-lâi lí nā bô hoaⁿ-hí i, chiū tiòh hō· i chhut-chāi i ê ì-sù chhut-khi, koat-toàn m̄-thang boē-chiⁿ, iā m̄-thang tàng-choē lú-pī khoán-thai i; in-ūi lí í-keng kap i sêng-chhin.

¹⁵Lāng nā ũ nng ê bó·, chit-ê sī i só· thiàⁿ-ê, chit-ê sī i só· oàn-ê, lóng ũ kā i siⁿ-kiáⁿ, chng-sī toā-kiáⁿ sī só· oàn ê bó· siⁿ--ê; ¹⁶kàu hō· kiáⁿ sêng-chiap giáp ê jit, m̄-thang lip siū-thiàⁿ ê bó· siⁿ ê kiáⁿ choē toā-kiáⁿ, poāⁿ-kè chin ê toā-kiáⁿ, chiū-sī siū-oàn ê bó· ê kiáⁿ; ¹⁷chng-sī tiòh jīm só· oàn ê bó· ê kiáⁿ choē toā-kiáⁿ, chiong só· ũ ê giáp hō· i siang-hūn; in-ūi i sī i khui-lát ê khí-thau, toā-kiáⁿ ê beng-

hūn sī i-ê.

¹⁸Lāng nā ũ bân-phê ngó·-gék ê kiáⁿ, m̄-thiaⁿ in lâu-pē ê oē, á-sī lâu-bú ê oē, in sui-jian keng-kai i, i iū-goan m̄-thiaⁿ in; ¹⁹i ê pē kap i ê bú tiòh liáh i, thoa i chhut, toā-kau pún-siâⁿ ê tiúⁿ-lô hia, chiū-sī i pún só·-chāi ê siâⁿ-mng; ²⁰kā hit ê siâⁿ ê tiúⁿ-lô kóng, Goán chit ê kiáⁿ bân-phê ngó·-gék, m̄-thiaⁿ goán ê oē, lām-sám khai-chiⁿ, tham-chiáh, hòⁿ-chiú; ²¹hit ê siâⁿ ê cheng-lāng chiū tiòh eng chioh-thau tìm hō· i sí; án-ni, chiū tui lín tiong-kan tū-khi hit ê pháiⁿ. Í-sek-liát cheng-lāng lóng beh thiaⁿ-kìⁿ lâi kiaⁿ.

²²Lāng nā hoan eng-kai sí ê choē, siū pân-choē sí, lí nā tiàu i tī chhâ--nih, ²³i ê sin-si m̄-thang tiàu tī chhâ--nih kè-mi, tek-khak tiòh tī hit-jit bāi-chong i, bián-tit phah lâ-sâm Iâ-hô-hoa lí Siōng-tè siúⁿ-sù lí choē-giáp ê toē; in-ūi siū tiàu-sí ê lāng sī siū Siōng-tè só· chiū-chó· ê.

22 Lí nā khoàⁿ-kìⁿ lí ê hiaⁿ-tī ê gū, á-sī iūⁿ, kiâⁿ bē-lō·, lí m̄-thang tìⁿ bô khoàⁿ-kìⁿ, lí tek-khak tiòh hō· i tò-tng--lâi lí ê hiaⁿ-tī hia. ²Lí ê hiaⁿ-tī nā lī-khui lí hng, á-sī lí m̄-bat i, chiū tiòh khan kàu lí ê chhū, lâu tī lí hia, theng-hāu lí ê hiaⁿ-tī lâi chhē, lí chiah heng i. ³Lí ê hiaⁿ-tī ê lū, á-sī i ê saⁿ, bô-lūn i sit-lòh sım-mih, i sit-lòh, lí só· khioh-tiòh ê, lóng tiòh án-ni kiâⁿ, m̄-thang tìⁿ-choē bô khoàⁿ-kìⁿ. ⁴Lí nā khoàⁿ-kìⁿ lí ê hiaⁿ-tī ê lū, á-sī gū, poáh-tó tī lō--nih, m̄-thang tìⁿ-choē bô khoàⁿ-kìⁿ, tek-khak tiòh pang-chān i, hū i khí--lâi.

⁵Hū-jîn-lāng m̄-thang chheng ta-po·-lāng só· chheng ê, ta-po·-lāng iā m̄-thang chheng hū-jîn-lāng ê saⁿ; in-ūi kìⁿ-nā án-ni kiâⁿ ê, sī Iâ-hô-hoa lí Siōng-tè só· iām-òⁿ ê.

⁶Lí nā tī lō--nih tú-tiòh chiáu-siū, hék-sī tī

chhiū--nih, hék-sī tī toē--nih, lāi-bīn ū chiáu-á-kiáⁿ, á-sī chiáu-nng, chiáu-bú àⁿ chiáu-kiáⁿ, á-sī pū-nng, lí m̄-thang liáh chiáu-kiáⁿ soà liáh chiáu-bú; ⁷tek-khak tióh pàng chiáu-bú khì, chóng-sī chiáu-á-kiáⁿ lí thang liáh--khì; án-ni lí chiū thang híong-siū hok-khì koh chiáh tng hē-siū.

⁸Lí nā khí sin chhù, tióh choè lân-kan tī chhù-téng, bián-tit lāng tui hia poáh--lòh-lái; lâu-huih ê choē chiū kui tī lí ê chhù.

⁹M̄-thang ēng nng-iūⁿ ê chéng-chí iā tī lí ê phū-tô-hng; kiaⁿ-liáu choē chít-ē bō--khì, chiū-sī lí só· iā ê chéng-chí kiát-sít-ê, kap lí ê phū-tô-hng kiát-sít-ê, lóng bō thang su-khia ēng.

¹⁰M̄-thang ēng gū kap lū saⁿ-kap loē-chhân.

¹¹M̄-thang chhēng chham-chhap ê pò-liāu, iūⁿ-mng kap iū-toē háp-chit--ê.

¹²Lí só· moa ê saⁿ tióh tī i ê sì-úi choē chhiu.

¹³Lāng nā chhoā-bó·, kap i tâng-pāng, ¹⁴āu-lāi oàn-hūn i, húi-pòng i pháiⁿ-tāi, phah-pháiⁿ i ê miā, kóng, Goá chhoā chit ê cha-bó·-kiáⁿ, kap i tâng-pāng, khoàⁿ i bō chāi-sek-lú ê pîn-kù; ¹⁵cha-bó·-kiáⁿ ê pē-bú tióh thêh cha-bó·-kiáⁿ chāi-sek-lú ê pîn-kù chhut-lái, toà kàu i pún siāⁿ-mng ê tiúⁿ-ló hia; ¹⁶cha-bó·-kiáⁿ ê lāu-pē tióh tui tiúⁿ-ló kóng, Goá ēng goá ê cha-bó·-kiáⁿ hō· chit ê lāng choē-bó·, i oàn-hūn i; ¹⁷khoàⁿ ah, i húi-pòng i pháiⁿ-tāi, kóng, Goá khoàⁿ lí ê cha-bó·-kiáⁿ bō chāi-sek-lú ê pîn-kù; kī-sít chit-ê sī goá ê cha-bó·-kiáⁿ chāi-sek-lú ê pîn-kù. Pē-bú chiū chiong hit-ê pò· pāi tī pún-siāⁿ tiúⁿ-ló ê bīn-chēng.

¹⁸Hit ê siāⁿ ê tiúⁿ-ló tióh liáh hit ê lāng lāi chek-hoat i; ¹⁹iā tióh hoat i chit-pah gūn, hō· cha-bó·-kiáⁿ ê lāu-pē; in-úi i ū ka-bū Í-sek-liat chāi-sek-lú ê pháiⁿ-miā; cha-bó·-kiáⁿ iū-goân choē i ê bó·, chit-sì-lāng m̄-thang lī-chhut i.

²⁰Chóng-sī chit ê sū nā sī chin-ê, cha-bó·-kiáⁿ bō chāi-sek-lú ê pîn-kù; ²¹in tióh liáh hit ê cha-bó·-kiáⁿ kàu i ê lāu-pē ê chhù ê mng-kháu, i pún-siāⁿ ê lāng tióh ēng chióh-thâu ká i tìm-sí; in-úi i tī Í-sek-liat tióng kiāⁿ kiàn-siāu ê sū, tī i ê lāu-pē ê ke kiāⁿ im-loān; án-ni chiū tui lín tióng-kan tū--khì hit ê pháiⁿ.

²²Nā tú-tiòh ū lāng kap kè tióng-hu ê hū-jîn-lāng tâng-pāng, kan-hu kap hit ê hū-jîn-lāng lóng tióh hō· in sí; án-ni chiū tui Í-sek-liat ê tióng-kan tū--khì hit ê pháiⁿ.

²³Nā ū cha-bó·-kiáⁿ, sī chāi-sek-lú ê, í-keng choē lāng tiāⁿ-tióh, ū lāng tī siāⁿ-lāi tú-tiòh i, kap i tâng-pāng; ²⁴chiū lín tióh liáh chí nng-lāng chhut-khì kàu hit ê siāⁿ-mng, ēng chióh-thâu tìm-sí in; cha-bó·-kiáⁿ, in-úi i tī siāⁿ-lāi iáu-kú bō háu-kiù; ta-po·-lāng, in-úi i lēng-jiók i ê chhù-piⁿ ê bó·; án-ni chiū tui lín tióng-kan tū--khì hit ê pháiⁿ.

²⁵Chóng-sī nā ū lāng tī chhân-iá tú-tiòh í-keng phēng tiāⁿ-tióh ê cha-bó·-kiáⁿ, hit-lāng ká i kiông-kan; kan-ta hit-ê ká i kiông-kan ê lāng tióh sí; ²⁶chóng-sī hit ê cha-bó·-kiáⁿ lí m̄-thang cháiⁿ-iūⁿ pān i; in-úi hit ê cha-bó·-kiáⁿ bō eng-kai sí ê sū; chit ê tãi-chì sī chhin-chhiūⁿ lāng khí-lāi kong-kek i ê chhù-piⁿ, thài-sí i chit-iūⁿ; ²⁷in-úi i tī chhân-iá tú-tiòh i, hit-ê choē-lāng tiāⁿ-tióh ê cha-bó·-gín-ná háu-kiù, iā bō lāng kiù i.

²⁸Nā ta-po·-lāng tú-tiòh bē phoē lāng ê chāi-sek-lú, khiⁿ i kap i su-thong, bō lāng khoàⁿ-kìⁿ, ²⁹chiū hit-ê kap i su-thong ê lāng, tióh thêh gō·-cháp ê gūn, hō· cha-bó·-gín-ná ê lāu-pē, in-úi i í-keng lēng-jiók i; chiū tióh chhoā i choē bó·, chit-sì-lāng m̄-thang lī i.

³⁰Lāng m̄-thang chhoā lāu-pē ê āu-bó· choē-bó·, m̄-thang hian-khui i ê lāu-pē ê saⁿ-á-ku.

23 Kìⁿ-nā goā-sīn siū-siong-ê, á-sī siū iam-koah-ê, m̄-thang jíp Iâ-hô-hoa ê hoē.

²Su-thong lâi siⁿ ê kiáⁿ m̄-thang jíp Iâ-hô-hoa ê hoē; sui-jiân kàu i ê chấp-tãi, iā m̄-thang jíp Iâ-hô-hoa ê hoē.

³A-bún lāng á-sī Mô-ap lāng, m̄-thang jíp Iâ-hô-hoa ê hoē; sui-jiân kàu in ê chấp-tãi, éng-oán boē thang jíp Iâ-hô-hoa ê hoē; ⁴in-ūi lín chhut Ai-kíp ê sī, in bô ēng chiáh-mih kap chúi, tī lô--nih ngiā-chih lín; koh in-ūi in tùi-ték lín, chhiāⁿ Bí-só-pho-tãi-bí ê Pí-toát lāng, Pí-jíⁿ ê kiáⁿ, Pa-lân lâi chiù-chó^t lín. ⁵Chóng-sī Iâ-hô-hoa lí ê Siōng-tè m̄-thiaⁿ Pa-lân; Iâ-hô-hoa lí ê Siōng-tè hō^t hit ê chiù-chó^t piàn-choē chiok-hok lí; in-ūi Iâ-hô-hoa lí ê Siōng-tè thiāⁿ lí. ⁶Lí chit-sì-lāng kàu éng-oán m̄-thang ká in tô-bô pêng-an kap hok-khì.

⁷M̄-thang oàn-hūn Í-tong lāng, in-ūi i sī lí ê hiaⁿ-tī; m̄-thang oàn-hūn Ai-kíp lāng, in-ūi lín bat chhut-goā tī-hia; ⁸in só^t siⁿ ê kiáⁿ-sun kàu tē-saⁿ tãi thang jíp Iâ-hô-hoa ê hoē.

⁹Lí ê kun-tūi chhut-khì kong-kek lí ê tùi-ték, tī iāⁿ-poāⁿ tiōh ka-kī kìm-kài it-chhè ê pháiⁿ-sū. ¹⁰Lín tiong-kan nā ū lāng, tī mī-sī só^t tú-tiōh-ê, lâi bak bô chheng-khì, i chiū tiōh chhut-khì kàu iāⁿ-goā, m̄-thang jíp iāⁿ-lāi; ¹¹kàu beh àm ê sī, i tiōh ēng chúi soé, kàu jít-lòh chia^t thang jíp iāⁿ. Lí tī iāⁿ-goā kék chit-ūi thang chhut-khì kàu goā-bīn ê só^t-chāi; ¹³tī lí ê khì-kū-lāi tiōh ū thuh-á; lí tī goā-bīn chhut-kiong ê sī, tiōh ēng i kút thô^t, chia^t oát-túg-sin, khàm lí só^t pàng ê; ¹⁴in-ūi Iâ-hô-hoa lí ê Siōng-tè sì-koè kiáⁿ tī lí ê iāⁿ-lāi, beh chín-kiù lí, chiong lí ê tùi-ték kau hō^t lí; só^t-í lí ê iāⁿ-poāⁿ eng-kai tiōh ū sèng-kiat; bián-tit I khoàⁿ-kìⁿ lí tiong-kan ū ù-oè, chiū lī-khui lí.

¹⁵Nā ū lô-pók thoat-lī i ê chú-lāng, cháu kàu lí hia, lí m̄-thang chiong i kau hō^t i ê chú-lāng; ¹⁶i beh kap lí tiām, khiā lí tiong-kan, tī i só^t kék lí chit ê siāⁿ-mng-lāi ê só^t-chāi, chiū-sī i só^t hoaⁿ-hí ê; lí m̄-thang khi-hū i.

¹⁷Í-sek-liát ê lú-chú-tiong m̄-thang ū kī-lú.

Í-sek-liát ê lâm-chú-tiong m̄-thang ū loan-tông. ¹⁸Chhiong-ki só^t tit-tiōh ê chíⁿ, á-sī káu-lūi ê kang-chíⁿ, lí m̄-thang toà jíp Iâ-hô-hoa lí Siōng-tè ê tiān lâi siā-goān; in-ūi chí nng-hāng lóng sī Iâ-hô-hoa lí Siōng-tè só^t iām-òⁿ ê.

¹⁹Lí ê hiaⁿ-tī hék-sī tùi lí chioh chíⁿ-gūn, á-sī chioh chiáh-mih, chioh kìⁿ-nā oē siⁿ lī-sek ê mih, lí lóng m̄-thang thèh i ê lī-sek; ²⁰lí chioh goā-chók ê lāng, thang thèh i ê lī-sek, chóng-sī chioh lí ê hiaⁿ-tī chiū m̄-thang thèh i ê lī-sek; thang hō^t Iâ-hô-hoa lí Siōng-tè tī lí só^t khi beh tit-tiōh choē-giáp ê toē, tī lí ê chhiú só^t choē it-chhè ê sū, sù-hok lí.

²¹Lí tùi Iâ-hô-hoa lí ê Siōng-tè hē-goān, siā i m̄-thang iān-chhiān; in-ūi Iâ-hô-hoa lí ê Siōng-tè tek-khak beh tùi lí thó; lí nā bô siā, chiū ū choē; ²²lí nā bô hē-goān, chiū bô choē. ²³Kìⁿ-nā tùi lí ê chhui só^t chhut ê, chiàu lí í-keng hē-goān tī Iâ-hô-hoa lí Siōng-tè lâi kam-sim hiàn ê, chiū-sī lí ê chhui só^t ín, lí tiōh chip-siú lâi kiāⁿ i.

²⁴Lí jíp lí ê chhù-piⁿ ê phû-tô-hng, thang chhut-chāi ì-sù chia^t phû-tô kàu pá; chóng-sī m̄-thang toé tī lí ê khì-kū-lāi.

²⁵Lí jíp lí ê chhù-piⁿ iáu-bē koah ê ngó^t-kok tiong, thang ēng chhiú tia^t i ê siū; chóng-sī m̄-thang ēng liām-á koah lí ê chhù-piⁿ ê gō^t-kak.

24 Lāng nā chhoā-bó^t, jiān-āu khoàⁿ i ê bó^t m̄ têng-ì, in-ūi i chai i ū bô háp-gī ê sū, chiū thang siá lī-su hō^t i, kau i ê chhiú, chhe

i lī-khui i ê ke. ²Hū-jîn-lâng lī-khui i ê ke liáu-āu, thang khi kè pát-lâng. ³Nā sī āu ê tiōng-hu oàn-hūn i, iā siá lī-su kau i ê chhiú, kah i lī-khui i ê ke, á-sī i āu ê tiōng-hu chhoā i choè-bó· chiū sí; ⁴chiū hit-ê chêng ê tiōng-hu í-keng kah i khi--ê, boē-tit-thang tī i phah lâ-sâm í-āu, koh chhoā i choè-bó·; in-ūi che sī Iâ-hô-hoa só· iàm-òⁿ-ê; m̄-thang hō· Iâ-hô-hoa lí ê Siōng-tè só· siúⁿ-sù lí choè-giáp ê toē lâi hoan-choē.

⁵Sin chhoā-bó· ê lâng m̄-thang khi kau-chiàn, iā m̄-thang kau-tài i pān-lí sím-mih sū; thang hō· i tī ke-lāi chheng-hân chit-nî, thang hō· i só· chhoā ê bó· hoaⁿ-hí. ⁶M̄-thang ēng lâng ê chiòh-bō, á-sī chiòh-bō ê téng-tún, choè chún-tng; in-ūi che sī ēng lâng ê sīⁿ-miā choè chún-tng.

⁷Nā tú-tiòh lâng koái Í-sek-liát-tiong chit-ê hiaⁿ-tī, khoán-thāi i choè lô·châi, á-sī boē i, hit ê koái-kùn chiū tiòh hō· i sí; án-ni, chiū tui lín tiòng-kan tū--khi hit ê pháiⁿ.

⁸Thái-ko ê pháiⁿ chêng-thâu, lí tiòh chin soē-jī; chē-si Lī-bī lâng it-chhè só· kà-sī lín-ê, tiòh chiàu án-ni lâi kiáⁿ; goá só· bēng-lēng in-ê, lín tiòh chip-siú lâi kiáⁿ; ⁹chá chhut Ai-kiap ê sí, Iâ-hô-hoa lí Siōng-tè tī lô·nih tui Bí-lī-àm só·-kiáⁿ-ê, lí tiòh kì-tit.

¹⁰Lí bô-lūn ēng sím-mih chioh chhù-piⁿ, m̄-thang jip i ê ke thêh chún-tng, ¹¹lí tiòh khiā tī goā-bīn, thêng-hāu ká lí chioh ê lâng thêh chún-tng chhut-lâi hō· lí; ¹²hit lâng nā sī sòng-hiong, lí m̄-thang lâu i ê chún-tng kè-mî; jít-lòh ê sí, tek-khak tiòh ēng hit ê chún-tng hêng i, hō· i ēng i ê saⁿ kah teh khùn; i chiū ká lí chiok-hok; che tī Iâ-hô-hoa lí Siōng-tè ê bīn-chêng, beh sng-choē lí ê gī.

¹⁴Khùn-khó· sòng-hiong ê chhiàⁿ-kang lâng, bô-lūn sī lí ê hiaⁿ-tī, á-sī chhut-goā lâng

tiàm tī lí ê toē, tī lí ê siáⁿ-mng-lāi ê, lí m̄-thang khi-hū i; ¹⁵i ê kang-chīⁿ lí hit-jít tiòh hō· i, m̄-thang thêng-hāu kàu jít-lòh-liáu; in-ūi i sòng-hiong, koà-sim tī hit-ê; kiaⁿ-liáu i in-ūi lí lâi tui Iâ-hô-hoa âu-kiò, lí chiū ū choē.

¹⁶M̄-thang in-ūi kiáⁿ lâi hō· lâu-pē sí, iā m̄-thang in-ūi lâu-pē lâi hō· kiáⁿ sí; ták-lâng tiòh ūi-tiòh ka-kī ê choē lâi sí.

¹⁷Lí sím-phoàⁿ, m̄-thang oan-óng chhut-goā lâng kap bô-pē ê kiáⁿ, iā m̄-thang thêh koáⁿ-hū ê i-chiūⁿ choè chún-tng; ¹⁸lí tiòh kì-tit lí tī Ai-kiap bat choè lô·châi, Iâ-hô-hoa lí ê Siōng-tè kiù-siòk lí tui hia chhut; só·í goá bēng-lēng lí tiòh án-ni kiáⁿ.

¹⁹Lí tī chhân--nih siu-koah gō·kak, nā boē kì-tit chit-sok tī chhân--nih, m̄-thang koh oat-khi thêh, tiòh lâu hō· chhut-goā lâng kap ko·jī koáⁿ-hū, tì-kàu Iâ-hô-hoa lí ê Siōng-tè beh tī lí ê chhiú só· choè it-chhè ê sū, sù-hok lí.

²⁰Lí phah lí ê kaⁿ-ná-chhiū í-āu m̄-thang koh sūn hiah ê chhiū-ki; tiòh lâu hō· chhut-goā lâng kap ko·jī koáⁿ-hū. ²¹Lí bán lí ê phû-tô, só·-chhun-ê m̄-thang koh bán, tiòh lâu hō· chhut-goā lâng, kap ko·jī, koáⁿ-hū; ²²lí iā tiòh kì-tit lí tī Ai-kiap toē bat choè lô·châi; só·í goá bēng-lēng lí tiòh án-ni kiáⁿ.

25 Lâng nā ū oan-ke lâi tui-sìn, koaⁿ-hú phoàⁿ-toàn i, chiū tiòh tēng gī-lâng choē-gī, tēng pháiⁿ-lâng choē-pháiⁿ. ²Pháiⁿ-lâng nā eng-kai siū-phah, sím-phoàⁿ-koaⁿ tiòh hō· i phak tī toē--nih, tī i ê bīn-chêng, chiàu i ê choē, chiàu siàu-giáh phah i; ³tók-tók thang phah i sì-cháp-ē m̄-thang kè siàu-giáh; nā kè siàu-giáh, phah i khah-choē-ē, chiū lí ê hiaⁿ-tī hō· lí khoàⁿ-khin.

⁴Gū teh lún gō·kak, m̄-thang lán i ê chhui.

⁵Hiaⁿ-tī saⁿ-kap khiā-khi, kī-tiong nā chit-ê

sí bô kiáⁿ, sí-lâng ê bó· m̄-thang kè goā-lâng, i tiōng-hu ê sió-tī tiòh jlp-khì i hia, chhoā i choè-bó·, lâi chīn sió-chek ê pún-hūn; ⁶i só· siⁿ ê toā-kiáⁿ, tiòh soà-chiap sí ê hiaⁿ ê bēng-hūn, bián-tit i ê miâ tī Í-sek-liát-tiong siau-biát. ⁷Hit-lâng nā m̄ goān-ì chhoā i ê hiaⁿ-só, i ê hiaⁿ-só chiū tiòh kàu siáⁿ-m̄ng ê tiúⁿ-ló hia kóng, Goá ê tiōng-hu ê sió-tī m̄-khéng tī Í-sek-liát-tiong kā i ê hiaⁿ thoân chit ê miâ-jī, bô beh kā goá chīn sió-chek ê pún-hūn. ⁸I siáⁿ-lâi ê tiúⁿ-ló chiū tiòh kiò i lâi, kā i kóng; i nā chip-ì kóng, Goá bô beh chhoā i; ⁹i ê hiaⁿ-só chiū tiòh tī tiúⁿ-ló ê bīn-chēng chiū-kūn i, thng hit-lâng kha--nih ê oē, phúi-noā tī i ê bīn, kóng, Kìⁿ-nā bô beh ūi-tiòh hiaⁿ kiàn-lip i ê ke ê, tiòh án-ni khoán-thāi i; ¹⁰tī Í-sek-liát-tiong, i ê miâ beh chheng choè thng-oē--ê ê ke.

¹¹Nā ū n̄ng-lâng saⁿ-phah, kī-tiong chit-lâng ê bó· kūn-oá lâi, beh kiū i ê tiōng-hu thoat-lī phah i ê lāng ê chhiú, chhun-chhiú khīⁿ-tiâu hit-lâng ê ē-thé; ¹²chiū tiòh chām-tng hū-jin-lâng ê chhiú, bák-chiu m̄-thang khó-lín i.

¹³Lí ê tē-á-lâi m̄-thang ū n̄ng-iūⁿ ê phēng-chí, ū-liáp toā, ū-liáp soè; ¹⁴chhù-lâi m̄-thang ū n̄ng-iūⁿ ê chin, táu, ū-ê toā, ū-ê soè; ¹⁵tiòh ēng chún-chún kong-pēng ê phēng-chí, chún-chún kong-pēng ê chin, táu; thang hō· lí tī Iâ-hô-hoa lí Siōng-tè só· siúⁿ-sù ê toē chiah tng hē-siū; ¹⁶in-ūi kìⁿ-nā kiáⁿ chiah ê tãi-chì, kap kiáⁿ put-gī ê, lóng sī Iâ-hô-hoa lí Siōng-tè só· iàm-òⁿ-ê.

¹⁷Lí tiòh kì-tit lín chhut Ai-kip ê sī, A-má-lèk lāng tī lō--nih só· khoán-thāi lí ê; ¹⁸i tī lō--nih tú-tiòh lí, tng lí khùn-khó· ià-siān ê sī, ū cháiⁿ-iūⁿ phah lí āu-tui, chiū-sī tī lí āu-bīn ê loán-jiók ê; i iā bô kiaⁿ-ui Siōng-tè. ¹⁹Só· í

kàu Iâ-hô-hoa lí Siōng-tè kiū lí thoat-lī sī-ūi lóng-chóng ê tui-ték, tī Iâ-hô-hoa lí Siōng-tè siúⁿ-sù lí choè-giáp ê toē, tit-tiòh pēng-an, hit-sī lí tiòh chiong A-má-lèk ê miâ-jī, tui thiⁿ-ē chhat-siau, m̄-thang boē-kì-tit.

26 Lí í-keng kàu Iâ-hô-hoa lí ê Siōng-tè só· siúⁿ-sù lí choè-giáp ê toē, sēng-chiap lâi khiā-khí i, ²chiū tiòh tui Iâ-hô-hoa lí ê Siōng-tè siúⁿ-sù lí ê toē, chiong só· siu ták-hāng khiā-thâu-sék ê thó·-sán, thēh tām-póh, hē tī kheng--nih, khi Iâ-hô-hoa lí Siōng-tè só· beh keng an-tī I ê miâ ê só·-chāi; ³tiòh khi kìⁿ tng-sī choè chē-si-ê, kā i kóng, Goá kin-á-jlt tui Iâ-hô-hoa lí ê Siōng-tè kóng-bēng goá í-keng kàu Iâ-hô-hoa tui lán ê liát-chó· chiū-choā siúⁿ-sù lán ê toē. ⁴Chē-si chiū tui lí ê chhiú chih hit-kheng, lâi hē tī Iâ-hô-hoa lí Siōng-tè ê toāⁿ-chēng. ⁵Lí tiòh tī Iâ-hô-hoa lí Siōng-tè ê bīn-chēng kóng, goá ê chó· sī chit-ê teh-beh sí ê A-lân lāng, lóh-khì Ai-kip kià-kha tī-hia, lāng-giáh chió-chiú; tī-hia chiáⁿ-choè chit-kok toā koh kiông, lāng-giáh koh choē. ⁶Ai-kip lāng pháⁿ khoán-thāi goán, khó·-chhó· goán, ēng khó·-kang kah goán choè; ⁷tui hit-tiáp goán ai-kiū Iâ-hô-hoa goán liát-chó· ê Siōng-tè, Iâ-hô-hoa thiaⁿ goán ê siaⁿ, khoàⁿ-kìⁿ goán ê khó·-chhó·, goán ê tiòh-boā, goán ê ap-pek; ⁸Iâ-hô-hoa chiū ēng toā koan-lēng ê chhiú, kap chhun-chhut ê chhiú-kut, kap toā thang kiaⁿ ê sū, kap sīn-jiah, kī-sū, chhoā goán chhut Ai-kip, koh chhoā goán kàu chit só·-chāi, ēng chit ê toē siúⁿ-sù goán, chiū-sī lâu lín kap bit ê toē. ¹⁰Khoàⁿ ah, chit ê toē khi-thâu-sék ê, Iâ-hô-hoa ah, Lí só· siúⁿ-sù goá ê, goá taⁿ í-keng toā-lâi. Āu-lâi lí tiòh chiong i hē tī Iâ-hô-hoa lí Siōng-tè ê bīn-chēng, tī Iâ-hô-hoa lí Siōng-tè ê bīn-chēng keng-pài I. ¹¹Lí kap Lī-bī lāng, í-kip lín tióng-kan ê chhut-goā

lâng, tiòh in-ūi Iâ-hô-hoa lí Siōng-tè só· siúⁿ-sù lí kap lí ê ke-koàn it-chhè ê hok-hūn lâi hoaⁿ-hí.

¹²Ták-pái kàu tē-saⁿ nî, chiū-sī chap-hūn thiū chít-hūn ê nî, lí thiū it-chhè ê thó·sán chap-hūn ê chít-hūn, pun hō· Lī-bī lâng, kap chhut-goā lâng, kap ko·jī koáⁿ-hū, hō· in tī lí ê siâⁿ-m̄ng, thang tit-tiòh chiáh-pá. ¹³Lí koh tiòh tui Iâ-hô-hoa lí Siōng-tè ê bīn-cheng kóng, Goá í-keng tui goá ê ke thêh-chhut sêng-m̄h, soà hō· Lī-bī lâng kap chhut-goā lâng, kap ko·jī koáⁿ-hū, sī chiàu lí só· bēng-lēng goá it-chhè ê kài-bēng; Lí ê kài-bēng goá lóng bô hoân-tiòh, iā bô boē-kì-tit; ¹⁴ku-song ê sī, goá bē-bat chiáh i, bô chheng-khì ê sī, goá bē-bat thêh--khí-lâi, iā bô ēng i choē sí-lâng ê lō·ēng; goá thiaⁿ-thàn Iâ-hô-hoa goá Siōng-tè ê oē, lóng chiàu Lí it-chhè só· bēng-lēng goá ê lâi kiâⁿ. ¹⁵Kiū Lí tui thiⁿ--nih, tui Lí khiā-khí ê sêng-só·, àⁿ-lòh khoàⁿ, sù-hok Lí ê peh-siⁿ Í-sek-liát, kap Lí só· siúⁿ-sù goán ê toē, chiàu Lí só· tui goán ê liát-chó· chiū-choā ê, chiū-sī lâu lin kap bit ê toē.

¹⁶Kin-á-jit Iâ-hô-hoa lí ê Siōng-tè bēng-lēng lí kiâⁿ chiaⁿ ê lùt-lē hoat-tō·; só·-í lí tiòh chīn-sim chīn-seng chip-siú lâi kiâⁿ i; ¹⁷kin-á-jit lí sêng-jīm Iâ-hô-hoa choē lí ê Siōng-tè, ún beh kiâⁿ I ê tō-lō·, siú I ê lùt-lē, kài-bēng, hoat-tō·, thiaⁿ-thàn I ê oē. ¹⁸Iâ-hô-hoa kin-á-jit iā sêng-jīm lí choē I ka-kī ték-piát ê peh-siⁿ, chiàu I só· èng-ún lí ê, hō· lí siú I it-chhè ê kài-bēng; ¹⁹koh hō· lí tui tī ēng-kng, miâ-siaⁿ, chun-kui, poāⁿ-kè I só· chhòng-chō bān-kok ê peh-siⁿ; hō· lí kui tī Iâ-hô-hoa lí ê Siōng-tè, choē sêng-kiat ê peh-siⁿ, chiàu I só· kóng ê.

27 Mô·se kap Í-sek-liát chiaⁿ ê tiúⁿ-lô bēng-lēng peh-siⁿ kóng, Lín tiòh siú goá kin-á-jit só· bēng-lēng lín it-chhè ê kài-bēng. ²Lín

kè Iok-tàn, kàu Iâ-hô-hoa lí Siōng-tè só· siúⁿ-sù lí ê toē, hit-jit tiòh khiā kúi-tè toā-chiòh, ēng he boah i; ³lí í-keng kè--khì, tiòh siá chit ê lùt-hoat it-chhè ê oē tī hí téng-bīn, thang hō· lí jip-khì Iâ-hô-hoa lí ê Siōng-tè só· siúⁿ-sù lí ê toē, chiū-sī lâu lin kap bit ê toē, chiàu Iâ-hô-hoa lí liát-chó· ê Siōng-tè só· èng-ún lí ê. ⁴Lín í-keng kè Iok-tàn, chiū tiòh tī Í-pa-lō· soaⁿ khiā goá kin-á-jit só· bēng-lēng lín hiah ê chiòh, ēng he boah i. ⁵Tī-hia tiòh ūi Iâ-hô-hoa lí ê Siōng-tè khí chit chō toāⁿ, chiū-sī chiòh ê toāⁿ, tī hí téng-bīn m̄-thang tâng-tiòh thih-khì; ⁶tiòh ēng bô kè-phah ê chiòh khí Iâ-hô-hoa lí Siōng-tè ê toāⁿ; ⁷tī hí téng-bīn tiòh hiàn sio-chè hō· Iâ-hô-hoa lí ê Siōng-tè; koh tiòh hiàn siā-un-chè; iā tī-hia chiaⁿ, tī Iâ-hô-hoa lí Siōng-tè ê bīn-cheng hoaⁿ-hí. ⁸Lí tiòh chiong chit ê lùt-hoat it-chhè ê oē, siá-bēng tī hiah ê chiòh--nih.

⁹Mô·se kap chè-si Lī-bī lâng, hoan-hù Í-sek-liát cheng-lâng kóng, Í-sek-liát ah, tiòh cheng-cheng lâi thiaⁿ; kin-á-jit lí chiaⁿ-choē Iâ-hô-hoa lí Siōng-tè ê peh-siⁿ; ¹⁰só·-í tiòh thiaⁿ-thàn Iâ-hô-hoa lí Siōng-tè ê oē, kiâⁿ I ê kài-bēng lùt-lē, chiū-sī goá kin-á-jit só· bēng-lēng lí ê.

¹¹Tng hit-jit Mô·se bēng-lēng peh-siⁿ kóng, ¹²Lín kè Iok-tàn liáu-āu, Se-biān, Lī-bī, Iū-tai, Í-sat-ka, Iok-sek, Piān-ngá-bín, chiaⁿ ê chi-phài, tiòh khiā tī Ki-lī-sim soaⁿ lâi chiok-hok peh-siⁿ; ¹³Liū-piān, Ka-tek, A-siat, Sepò·lún, Tàn, Ná-hut-tha-lī, chiaⁿ ê chi-phài, tiòh khiā tī Í-pa-lō· soaⁿ lâi soan-pò· chiū-chó·. ¹⁴Lī-bī lâng tiòh toā-siaⁿ tui Í-sek-liát cheng-lâng kóng;

¹⁵Kiⁿ-nā lâng chè-chō ngó·siōng, kek--ê, á-sī chù--ê, Iâ-hô-hoa só· iām-òⁿ-ê, chiū-sī sai-hū ê chhiú só· choē ê, chhāi tī àm-chīⁿ

ê só·-chāi, hit-lâng tiòh siū chiù-chó·. Peh-sìⁿ lóng tiòh ìn kóng, A-bēng.

¹⁶Khoàⁿ-khin lâu-pē á-sī lâu-bú ê, tiòh siū chiù-chó·. Peh-sìⁿ lóng tiòh kóng, A-bēng.

¹⁷Î-soá chhù-piⁿ ê kài-chí ê, tiòh siū chiù-chó·. Peh-sìⁿ lóng tiòh kóng, A-bēng.

¹⁸Hō· chhiⁿ-mî lāng kiāⁿ m̄-tiòh lō· ê, tiòh siū chiù-chó·. Peh-sìⁿ lóng tiòh kóng, A-bēng.

¹⁹Sím-phoàⁿ lâi oan-óng chhut-goā lāng kap ko·-jī koáⁿ-hū ê, tiòh siū chiù-chó·. Peh-sìⁿ lóng tiòh kóng, A-bēng.

²⁰Kap lâu-pē ê āu-bó· tâng-pāng ê tiòh siū chiù-chó·, in-ūi i ū hian-khui i ê lâu-pē ê saⁿ-á-ku. Peh-sìⁿ lóng tiòh kóng, A-bēng.

²¹Bô-lūn kap sím-mih siū kau-háp-ê tiòh siū chiù-chó·. Peh-sìⁿ lóng tiòh kóng, A-bēng.

²²Lāng kap siāng-pē ê chí-bē, á-sī siāng-bú ê chí-bē, tâng-pāng, hit-lâng tiòh siū chiù-chó·. Peh-sìⁿ lóng tiòh kóng, A-bēng.

²³Kap tiūⁿ-m̄ tâng-pāng-ê tiòh siū chiù-chó·. Peh-sìⁿ lóng tiòh kóng, A-bēng.

²⁴Àm-chīⁿ phah-sí chhù-piⁿ ê tiòh siū chiù-chó·. Peh-sìⁿ lóng tiòh kóng, A-bēng.

²⁵Siū pò·-lō· lâi hāi-sí bô-choē ê lāng ê tiòh siū chiù-chó·. Peh-sìⁿ lóng tiòh kóng, A-bēng.

²⁶Bô kian-siú chiah ê lút-hoat ê oē lâi kiāⁿ-ê tiòh siū chiù-chó·. Peh-sìⁿ lóng tiòh kóng, A-bēng.

28 Lí nā tì-ì thiaⁿ Iâ-hô-hoa lí ê Siōng-tè ê oē, siú I it-chhè ê kài-bēng lâi kiāⁿ i, chiū-sī goá kin-á-jit só· bēng-lēng lí ê, Iâ-hô-hoa lí ê Siōng-tè beh hō· lí poāⁿ-kè thiⁿ-ē bān-kok; ²lí nā thiaⁿ Iâ-hô-hoa lí Siōng-tè ê oē, chiū chiah-ê só· chiok-hok-ê beh jip lí, beh kàu tī lí; ³lí tī siāⁿ-lāi beh tit-tiòh hok-khì, tī chhân--nih beh tit-tiòh hok-khì; ⁴lí ê sin-khu só·-siⁿ-ê, lí ê thó·-toē só·-chhut-ê, lí ê cheng-siⁿ só·-chhut-ê, í-kíp gū ê gū-á-kiáⁿ, iūⁿ ê iūⁿ-á-kiáⁿ, lóng beh

tit-tiòh hok-khì. ⁵Lí ê kheng-á kap lí chhiau-mī ê khi-kū, lóng beh tit-tiòh hok-khì. ⁶Lí jip-lâi beh tit-tiòh hok-khì; chhut-khì iā beh tit-tiòh hok-khì. ⁷Lí ê tui-tèk khi-lâi kong-kek lí ê, Iâ-hô-hoa beh hō· in thâi-su tī lí ê bīn-chēng; in tui chit tiâu lō· chhut-lâi kong-kek lí, beh tī lí ê bīn-chēng tui chhit tiâu lō· lâi cháu. ⁸Iâ-hô-hoa beh bēng-lēng hok-khì hō· lí, tī lí ê chhek-chhng, kap lí ê chhiú só· choē it-chhè ê sū; iā beh sū-hok lí tī Iâ-hô-hoa lí Siōng-tè só· siūⁿ-sù lí ê toē. ⁹Lí nā siú Iâ-hô-hoa lí Siōng-tè ê kài-bēng, kiāⁿ I ê tō-lō·, Iâ-hô-hoa beh siat-lip lí choē I ka-kī sèng ê peh-siⁿ, chiàu I só· tui lí chiù-choā ê; ¹⁰thiⁿ-ē bān peh-siⁿ khoàⁿ-kìⁿ lí siok tī Iâ-hô-hoa ê miā-ē, chiū beh kiaⁿ-ùi lí. ¹¹Lí tī Iâ-hô-hoa tui lí ê liat-chó· chiù-choā siúⁿ-sù lí ê toē, Iâ-hô-hoa beh hō· lí ê seng-khu só·-siⁿ--ê, cheng-siⁿ só·-chhut ê, thó·-toē só·-chhut--ê, chhiong-chiok ū chhun. ¹²Iâ-hô-hoa beh kâ lí khui I thiⁿ--nih pó-poē ê khò·-pāng, lōh kíp-sī ê hō· tī lí ê toē, tī lí ê chhiú só· choē it-chhè ê sū sū-hok lí; lí beh chioh hō· choē-choē kok, iā lí m̄-bián chioh. ¹³ ¹⁴Lí nā thiaⁿ-thàn Iâ-hô-hoa lí ê Siōng-tè ê kài-bēng, chiū-sī goá kin-á-jit só· bēng-lēng lí ê, chip-siú lâi kiāⁿ i, bô phian-chó, bô phian-iū, lâi oai-chhoah goá kin-á-jit só· bēng-lēng lí chiah ê oē, khi thàn pát ê siōng-tè lâi hók-sai i, Iâ-hô-hoa chiū beh hō· lí choē-thâu, bô choē-bé; lí beh tiàm tī téng-bīn, bô tiàm tī ē-bīn.

¹⁵Lí nā bô thiaⁿ-thàn Iâ-hô-hoa lí Siōng-tè ê oē, bô chip-siú lâi kiāⁿ I it-chhè ê kài-bēng, lút-lē, chiū-sī goá kin-á-jit só· bēng-lēng lí ê, chiah ê chiù-chó· chiū beh jip-tiòh lí, beh kàu tī lí. ¹⁶Tī siāⁿ-lâi lí beh siū chiù-chó·; tī chhân--nih lí iā beh siū chiù-chó·. ¹⁷Lí ê kheng-á kap lí chhiau-mī ê khi-kū, lóng beh

siū chiù-chó·. ¹⁸Lí ê seng-khu só· siⁿ--ê, lí ê toē só·-chhut--ê, í-kiap gū ê gū-á-kiáⁿ, iūⁿ ê iūⁿ-á-kiáⁿ, lóng beh siū chiù-chó·. ¹⁹Lí jip-lâi beh siū chiù-chó·; chhut-khì iā beh siū chiù-chó·. ²⁰In-ūi lí só· kiāⁿ ê pháiⁿ lâi khì-sak goá, Iâ-hô-hoa beh tī lí ê chhiú só· choè it-chhè ê sū, hō· chiù-chó·, jiáu-loān, chek-hoát, kàu tī lí, tit-kàu lí siū húi-biát, kín-kín biát-bô. ²¹Iâ-hô-hoa beh hō· un-ék tīⁿ lí, kàu I biát-bô lí tī lí só· jip-khì sêng-chiap ê toē. ²²Iâ-hô-hoa beh ēng siau-sán, jiát-pīⁿ, hoat-iām, tók-jiát, to-kiām, ko·-tâ, hiú-noā, kong-kek lí; chia-hê lóng beh tui-jip lí, kàu lí biát-bô. ²³Lí thau-khak-téng ê thiⁿ beh pīⁿ-choè tâng, kha-ē ê toē beh pīⁿ-choè thih. ²⁴Iâ-hô-hoa beh hō· lí toē-chiūⁿ ê hō· pīⁿ thô·-hún, pīⁿ soa; I beh tui thiⁿ lōh tī lí, kàu lí biát-bô. ²⁵Iâ-hô-hoa beh hō· lí thau-su tī lí tui-ték ê bīn-chêng; lí tui chit tiâu lō· chhut-khì tí-ték in, beh tī in ê bīn-chêng tui chhit tiâu lō· lâi tô-cháu; lí beh tī thiⁿ-ē bān-kok-tiong liū-lók. ²⁶Lí ê sin-si beh hō· khong-tiong ê pe-chiáu kap toē-chiūⁿ ê cháu-siū choè chia-hê-mih, iā bô lāng koáⁿ i. ²⁷Iâ-hô-hoa beh ēng Ai-kiap ê iong, tī-chhng, sián, koè, boē i--tit-ê, lâi phah lí. ²⁸Iâ-hô-hoa beh ēng tian-kông, chhiⁿ-mī, sim ê kiaⁿ-hiāⁿ phah lí; ²⁹lí beh tī jít-tiong-tàu sī-koè bong, chhin-chhiūⁿ chhiⁿ-mī ê àm-bong-sa; lí ê lō· boē heng-thong, siông-siông tú-tiòh chè-ap, chhiúⁿ-toát, bô lāng chín-kiù lí. ³⁰Lí beh phèng-tiāⁿ bó·, pát-lāng kap i tâng-pâng; lí beh khí-chhù, bô thang khiā tī hí lâi-bīn; lí beh chai-chèng phû-tô-hng, iā boē tit-tiòh chia-hê i ê ké-chí. ³¹Lí ê gū thau tī lí ê bák-chiu chêng, lí bô thang chia-hê--tiòh; lí ê lū tī lí ê bák-chêng siū chhiúⁿ-toát, m̄-hêng lí; lí ê iūⁿ beh kui lí ê tui-ték, bô lāng thoè lí kiù i. ³²Lí ê kiáⁿ cha-bó·-kiáⁿ beh kau tī pát-kok

ê peh-siⁿ, lí ê bák-chiu beh khoàⁿ, thong-jit liáu-bāng i, kàu sit-bêng; lí ê chhiú iā bô lát thang choè sīm-mih. ³³Lí ê thó·-sán, kap lí tiòh-boā só· tit-tiòh--ê, beh hō· lí só· m̄-bat ê kok-bīn chia-hê liáu-liáu; lí kan-ta siū khi-hū, siū ap-chè; ³⁴lí ūi-tiòh lí ê bák-chiu só· khoàⁿ-kìⁿ ê sū, beh tì-kàu tian-kông. ³⁵Iâ-hô-hoa beh ēng boē i--tit ê tók-iong phah lí, tī lí ê kha-thau-u, kha-thúi, tui lí ê kha-chiúⁿ kàu thau-khak-téng.

³⁶Iâ-hô-hoa beh chhian-soá lí kap lí só· siat-lip koán-hat lí ê ông, kàu lí kap lí ê liát-chó· só· m̄-bat ê kok, tī-hia lí beh hók-sai pát ê siông-tè, sī chhâ--ê, chhiòh--ê; ³⁷lí tī Iâ-hô-hoa só· beh chhoā lí kàu ê liát-kok-tiong, beh hō· lāng gông-ngiáh, hō· lāng choè oē-pīⁿ, siū ki-chhi; ³⁸lí beh toà choē-choē chêng-chí kàu chhân--nih, nā-sī só· siu-ê sī chin-chiú; in-ūi chháu-meh beh chia-hê i. ³⁹Lí beh chai-chèng phû-tô-hng lâi siu-chêng i, chóng-sī bô thang lim-chiú, bô thang bán ké-chí; in-ūi thau beh chia-hê i. ⁴⁰Thong keng-lai lí beh ū kaⁿ-ná-chhiū, chóng-sī bô i ê iū thang boah lí ê seng-khu; in-ūi lí ê kaⁿ-ná-chhiū boē tiâu-liáp. ⁴¹Lí beh siⁿ-kiáⁿ cha-bó·-kiáⁿ, bô thang choè lí ê; in-ūi in beh hō· lāng liáh-khì. ⁴²Lí ê chhiū-bák, kap lí ê thó·-sán, chháu-meh beh it-chīn chia-hê i. ⁴³Lí tiong-kan ê chhut-goā lāng beh ná-seng ná-koaiⁿ, lí beh ná-kàng ná-kē; ⁴⁴i beh chioh lí, iā lí bô thang chioh i; i beh choè-thau, lí beh choè-bé. ⁴⁵Chiah ê chiù-chó· beh lóng kàu tī lí, beh tui lí, beh jip-tiòh lí, kàu lí biát-bô; in-ūi lí bô thiaⁿ-thàn Iâ-hô-hoa lí Siông-tè ê oē, bô siú I só· bēng-lēng lí hiah ê kài-bēng lút-lē; ⁴⁶chiah ê chiù-chó· beh kàu tī lí kap lí ê hō·-è, choè sīn-jiah kī-sū, kàu éng-oán. ⁴⁷In-ūi lí bô ūi-tiòh lí ê hó-giáh, ēng hoaⁿ-hí ê sim khoài-lók ê ì-sù, lâi hók-sai Iâ-

hō-hoa lí ê Siōng-tè; ⁴⁸só·-í lí beh tú-tiòh iau-gō, chhùi-ta, thng-theh, bô poàⁿ-hāng m̄h, hók-sāi Iâ-hô-hoa só· chhe lâi kong-kek lí ê tui-ték; i beh ēng thih-taⁿ koà tī lí ê âm-kún, kàu biát-bô lí.

⁴⁹Iâ-hô-hoa beh tui hng-hng, tui toē-kek, chhoā chit-kok chhin-chhiūⁿ eng pe--lâi kong-kek lí; hit ê kok ê oē, lí boē hiáu thiaⁿ; ⁵⁰hit ê kok ê lāng bīn hiông-kài-kài, bô thé-thiap lāu-lāng, iā bô lín-bín gín-ná; ⁵¹in beh chiáh lí ê cheng-siⁿ só·-siⁿ-ê, kap lí ê thó·-sán, kàu lí biát-bô; lí ê ngó·-kok, chiú, iū, í-kíp gū ê gū-á-kiáⁿ, iūⁿ ê iūⁿ-á-kiáⁿ, lóng bô ká lí lâu--teh, kàu in biát-bô lí. ⁵²I beh ūi-khùn lí tī lí ták ê siāⁿ-m̄ng-lāi, kàu lí só· oá-khò koàiⁿ koh kian-kò· ê siāⁿ-chhiūⁿ lóng tó-hoài tī lí ê choân-toē; i beh ūi-khùn lí tī lí ták ê siāⁿ-m̄ng-lāi, tī Iâ-hô-hoa lí Siōng-tè só· siúⁿ-sù lí ê choân-toē. ⁵³Lí ê tui-ték ūi-khùn lí, lí tī khún-pek khún-khó· ê tiong-kan, beh chiáh lí ê seng-khu só·-siⁿ-ê, chiū-sī Iâ-hô-hoa lí Siōng-tè só· siúⁿ-sù lí ê kiáⁿ cha-bó·-kiáⁿ ê bah. ⁵⁴Lín tiong-kan iū-siū put-chí soē-jī ê lāng, bák-chiu beh gín i ê hiaⁿ-tī, kap i sim-hoài-tiong ê bó·, í-kíp kī-ū só· chhun ê kiáⁿ-jī; ⁵⁵tī-kàu i bô beh ēng i só· chiáh kiáⁿ-jī ê bah, pun chit tiám-á hō· in tiong-kan ê chit-lāng; in-ūi lí tī ták ê siāⁿ-m̄ng-lāi, siū tui-ték ūi-khùn toā-toā khún-pek lí ê sí, i bô chhun poàⁿ-hāng. ⁵⁶Lín tiong-kan iū-siū soē-jī ê hū-jīn-lāng, in-ūi i ê iū-siū soē-jī pēng-sò· m̄-káⁿ ēng kha-chiūⁿ táh-toē-ê, beh gín i sim-hoài-tiong ê tiōng-hu, kap i ê kiáⁿ, i ê cha-bó·-kiáⁿ, í-kíp i seng-khu só· chhut ê ui, kap i só· siⁿ hiah ê kiáⁿ; in-ūi tī lí siū ūi, hō· tui-ték tī lí chiaⁿ ê siāⁿ-m̄ng-lāi khún-pek lí khún-khó· ê sí, i in-ūi pah-hāng m̄h khiàm-kheh, só·-í beh thau-chiáh--i. ⁵⁸Nā lí bô chip-siú lâi kiáⁿ chit pún chheh só· kì lút-hoat it-

chhè ê oē, bô kèng-ùi ū ēng-kng thang kiaⁿ-ùi ê miā, chiū-sī Iâ-hô-hoa lí ê Siōng-tè, ⁵⁹Iâ-hô-hoa chiū beh ēng kī-koài ê chai-ē, chiū-sī kék-toā kék-kú ê chai-ē, kap kék-tāng kék-kú ê pīⁿ, kàu tī lí í-kíp lí ê hō·-è; ⁶⁰iā beh hō· lí só· kiaⁿ Ai-kíp hiah ê pīⁿ-chèng lóng līm-kàu tī lí, iā beh tīⁿ tī lí ê seng-khu; ⁶¹lián hiah ê bô kì tī chit-pún lút-hoat ê chheh ê chai-ē pīⁿ-chèng, Iâ-hô-hoa beh hō· i lóng kàu tī lí, kàu lí biát-bô. ⁶²Lín cheng sui-jīn chhin-chhiūⁿ thiⁿ-téng ê chhiⁿ hiah-choē, chóng-sī in-ūi lí bô thiaⁿ-thàn Iâ-hô-hoa lí Siōng-tè ê oē, só·-í lí só· chhun ê siāu-giáh chiū beh chió·-chió. ⁶³Cheng Iâ-hô-hoa liáh sù-hok lín hō· lín heng-ōng choē hoaⁿ-hí, āu-lâi Iâ-hô-hoa iā beh liáh húi-biát lín, biát-bô lín, choē hoaⁿ-hí; lín iā beh tui lín só· jīp-khì sēng-chiap ê toē siū pūih--khí-lâi. ⁶⁴Iâ-hô-hoa beh hō· lín si-soàⁿ tī bān peh-siⁿ-tiong, tui toē chit ê kék-thâu kàu toē hit ê kék-thâu; lí beh tī-hia hók-sāi pát ê siōng-tè, sī lí kap lí ê liát-chó· só· m̄-bat, chhâ--ê, chiòh--ê. ⁶⁵Tī hiah ê kok-lāi, lí boē tit-tiòh an-jīn, lí ê kha iā boē tit-tiòh hioh-khùn; Iâ-hô-hoa iā beh hō· lí tī-hia sim phók-phók-chhéng, bák-chiu sit-bēng, cheng-sin soe-pāi; ⁶⁶lí ê siⁿ-miā tī lí ê bīn-chēng bô-tiāⁿ bô-tiòh, lí jīt-mī kiaⁿ-hiāⁿ, lí ê siⁿ-miā bô ún-tàng. ⁶⁷Lí in-ūi sim-lāi só· kiaⁿ-hiāⁿ ê, bák-chiu só· khoàⁿ-kìⁿ ê, chá-khí beh kóng, khó· boē-tit chit-sī àm! àm-sī beh kóng, khó· boē-tit chit-sī thiⁿ-kng! ⁶⁸Iâ-hô-hoa beh hō· lí chē-chún tò--khì Ai-kíp, tui hit tiâu lō·, chiū-sī goá bat tui lí kóng lí boē koh khoàⁿ-kìⁿ ê; tī-hia lí beh boē pún-sin hō· tui-ték choē lô·-pók lú-pī, chóng-sī bô lāng boé.

29 Chiah-ê sī Iâ-hô-hoa, tī Mô·-ap toē, bēng-lēng Mô·-se kap Í-sek-liát lāng līp-iok ê oē, sī I tī Hō-liát kap in só· līp ê iok í-goā--ê.

²Mô·se tiâu Í-sek-liát cheng-lâng lâi, kâ in kóng, Iâ-hô-hoa tī Ai-kíp toē, tī lín ê bák-chiu-cheng tùi Hoat-ló, kap i ê cheng jîn-sîn, í-kíp i choân-toē, só· kiáⁿ it-chhè ê sū lín lóng ũ khoàⁿ-kìⁿ, ³chiū-sī lí chhin-bák khoàⁿ-kìⁿ ê toā chhi-giām, kap sîn-jiah, kap hiah ê toā kî-sū. ⁴Chóng-sī kàu kin-á-jît Iâ-hô-hoa iáu bô hō· lí oē hiáu-ngō· ê sim, oē khoàⁿ-kìⁿ ê bák-chiu, oē thiaⁿ-kìⁿ ê hī-khang. ⁵Goá chhoā lín tī khòng-iá sî-cháp nî, lín seng-khu ê saⁿ bô phoà, kha--nih ê oē iā bô phoà; ⁶lín bô chiáh piáⁿ, iā bô lim chheng-chiú, kâu-chiú; che sī beh hō· lín chai Goá chiū-sī Iâ-hô-hoa lín ê Siōng-tè. ⁷Lín kàu chit só·-chāi, Hi-sit-pún ông Se-hông, Pa-san ông Gók, chhut-lâi kap lán kau-chiàn; ⁸lán chiū kong-kek in, chú in ê toē, hō· Liú-piān ê chi-phài, Ka-tek ê chi-phài, kap Má-ná-se poàⁿ chi-phài choè-giáp; ⁹só·-í lín tiòh chip-siú lâi kiáⁿ chit ê iok ê oē, thang hō· lín tī it-chhè só· kiáⁿ ê sū heng-thong.

¹⁰Kin-á-jît lín cheng-lâng, lín ê siú-léng, lín ê chi-phài, lín ê tiúⁿ-ló, lín ê koaⁿ-tiúⁿ, Í-sek-liát ê ta-po·-teng, lín ê kiáⁿ-jî, lín ê bó·, kap lí iaⁿ-lâi ê chhut-goā lâng, tùi lín ê phoà-chhâ-ê kàu lín ê chhiūⁿ-chui-ê, lóng khiā tī Iâ-hô-hoa lín ê Siōng-tè ê bîn-cheng; ¹²hō· lí jíp tī Iâ-hô-hoa lí Siōng-tè ê iok, iā jíp tī Iâ-hô-hoa lí Siōng-tè kin-á-jît kap lí só· chiū-choā ê; ¹³hō· I chiàu I só· bat tùi lí kóng-ê, koh chiàu I tùi lí ê liát-chó· A-pek-lâh-hán, Í-sat, Ngá-kok só· chiū-choā-ê, kin-á-jît siat-líp lí choè I ê peh-siⁿ, I choè lí ê Siōng-tè. ¹⁴Goá m̄-nā kap lín líp chit ê iok, kap chit ê chiū-choā, ¹⁵iā sī kap hiah-ê kin-á-jît kap lán tâng-khiā tī Iâ-hô-hoa lán Siōng-tè ê bîn-cheng-ê, í-kíp kin-á-jît bô kap lán tâng tī-teh ê lâng líp ê; ¹⁶in-ūi lán ũ cháiⁿ-iūⁿ tiàm tī Ai-kíp toē, iā lán ũ cháiⁿ-

iūⁿ keng-kè lín só· tùi-hia kè ê liát-kok, che sī lín só· chai ê; ¹⁷lín iā khoàⁿ-kìⁿ in tiong-kan thang iàm-òⁿ ê mih, kap in hiah ê chhâ, chiòh, kim, gûn ê ngó·-siōng;) ¹⁸kiáⁿ-liáu lín tiong-kan, ta-po· lâng, á-sī cha-bó· lâng, hék-sī ka-chók, hék-sī chi-phài, in ê sim kin-á-jît poē-biū Iâ-hô-hoa lán ê Siōng-tè, khi hók-sāi hiah ê kok ê siōng-tè; koh kiáⁿ-liáu lín tiong-kan ũ pháiⁿ-kun siⁿ-chhut tók-chháu kap in-tîn; ¹⁹i thiaⁿ-kìⁿ chit-ê chiū-chó· ê oē, sim-lāi iū-goân ka-kī an-ùi, kóng, Goá sui-jîân kiáⁿ tãi-chì, sim ngī, chiong ta-ê, tâm-ê lóng húi-biát, goá iáu-kú oē pêng-an; ²⁰Iâ-hô-hoa bô beh sià-bián i, Iâ-hô-hoa ê siū-khi kap tò·-khī, beh sio hit-lâng, chiong chit pún chheh só· kì it-chhè ê chiū-chó·, lóng beh kàu tī i ê seng-khu; Iâ-hô-hoa koh beh tùi thiⁿ-ē chhat-biát i ê miâ; ²¹Iâ-hô-hoa iā beh chiàu chit ê lút-hoat ê chheh só· kì-chài ê iok it-chhè ê chiū-chó·, tùi Í-sek-liát cheng chi-phài ê tiong-kan hun-piat i, hō· i tú-tiòh chai-ê.

²²Chiū āu-tāi, lín hō·-poē ê kiáⁿ-sun, kap hng-hng lâi ê goā-kok lâng, khoàⁿ-kìⁿ hit só·-chāi ê chai-ê, í-kíp Iâ-hô-hoa só· hō· in tú-tiòh ê piⁿ-cheng, koh khoàⁿ-kìⁿ piàn-toē ũ jiū-ng, ũ iām, ũ hé-sio, bô cheng-choh, bô chhut-sán, lian chháu iā bô hoat-siⁿ tī-hia, chhin-chhiūⁿ Só·-to-má, Gô-mô-lâh, Ap-má, Sé-phian ê húi-hoāi, chiū-sī Iâ-hô-hoa toā siū-khi ê sī só· húi-hoāi-ê chit-iūⁿ, ²⁴hiah ê liát-kok in lóng beh kóng, Iâ-hô-hoa siáⁿ-sū tùi chit ê toē án-ni kiáⁿ ah? chit ê siū-khi hiah bêng-liát sī sím-mih ì-sù ah? ²⁵Lâng beh kóng, Sī in-ūi in khi-sak Iâ-hô-hoa in liát-chó· ê Siōng-tè ê iok, sī I chhoā in chhut Ai-kíp toē ê sī só· líp ê; ²⁶in khi thàn pát-ê siōng-tè hók-sāi i, sī in pêng-sò· só· m̄-bat ê siōng-tè, Iâ-hô-hoa bē-bat hun-phài hō· in ê; ²⁷só·-í Iâ-hô-hoa hoat

toā siū-khì tī chit ê toē, chiong chit ê chheh só· kì it-chhè ê chiù-chó·, lóng kàng-lóh tī i; ²⁸Iâ-hô-hoa tī siū-khì-tiong toā siū-khì, thòng-hūn pùih in chhut i ê toē, hiat in tī goā-pang, chhin-chhiūⁿ kin-á-jit chit-iūⁿ. ²⁹Pì-bát ê sū siók tī Iâ-hô-hoa lán Siōng-tè ê; hián-bêng ê sū, sī éng-oán siók tī lán kap lán ê kiáⁿ-sun, beh hō· lán kiáⁿ chit ê lùt-hoat it-chhè ê oē.

30 Chiah ê tãi-chì, chiū-sī goá só· pài-liát tī lí ê bīn-chêng ê chiok-hok kap chiù-chó·, chiong-lâi kàu tī lí, lí tī Iâ-hô-hoa lí Siōng-tè só· koáⁿ lí kàu ê liát-kok-tiong, ²lí ê sim kì-tit i, lí kap lí ê kiáⁿ-sun nā chīn-sim chīn-sèng kui-ng Iâ-hô-hoa lí ê Siōng-tè, thiaⁿ-thàn I ê oē, chiàu goá kin-á-jit it-chhè só· bēng-lēng lí ê; ³chiū Iâ-hô-hoa lí ê Siōng-tè beh hō· lí siū-liáh ê lāng tò-túg-lâi, beh lín-bín lí, beh tò-túg-lâi chū-chíp lí tùi Iâ-hô-hoa lí Siōng-tè só· sì-soáⁿ lí kàu ê liát-kok lâi. ⁴Lí siū koáⁿ-tiók ê, nā ū tī thiⁿ-piⁿ ê, Iâ-hô-hoa lí ê Siōng-tè iā beh tùi hia chū-chíp lí, toà lí tùi hia tò--lâi. ⁵Iâ-hô-hoa lí ê Siōng-tè beh chhoā lí jlp lí ê liát-chó· só· sēng-chiap ê toē, lí iā sēng-chiap i; I iā beh hó khoán-thāi lí, hō· lí ê lāng-giáh ke-thiⁿ pí lí ê liát-chó· khah-choē. ⁶Iâ-hô-hoa lí ê Siōng-tè beh tī lí ê sim, kap lí ê hō·-è ê sim, kiáⁿ kat-lé, hō· lí chīn-sim chīn-sèng thiàⁿ Iâ-hô-hoa lí ê Siōng-tè, hō· lí thang tit-tiòh oáh. ⁷Iâ-hô-hoa lí ê Siōng-tè beh chiong che it-chhè ê chiù-chó· hē tī lí ê tùi-ték, kap oàn-hūn lí khún-pek lí ê lāng ê sin-chiūⁿ; ⁸lí beh tò-túg thiaⁿ-thàn Iâ-hô-hoa ê oē, kiáⁿ I it-chhè ê kài-bēng, chiū-sī goá kin-á-jit só· bēng-lēng lí ê. ⁹ ¹⁰Lí nā thiaⁿ-thàn Iâ-hô-hoa lí Siōng-tè ê oē, chip-siú chit ê lùt-hoat só· kì ê kài-bēng lùt-lē, koh chīn-sim chīn-sèng kui-ng Iâ-hô-hoa lí ê Siōng-tè, Iâ-hô-hoa lí ê Siōng-tè beh hō· lí ê chhiú só·

choè it-chhè ê sū, kap lí ê seng-khu só·-siⁿ-ê, cheng-siⁿ só·-chhut-ê, thó·-toē só·-chhut-ê, chhiong-chiok ū chhun; in-ūi Iâ-hô-hoa beh koh hoaⁿ-hí lí, sù-hok lí, chhin-chhiūⁿ chēng hoaⁿ-hí lí ê liát-chó· chit-iūⁿ.

¹¹In-ūi goá kin-á-jit só· bēng-lēng lí ê kài-bēng, m̄-sī lí só· choē-boē-kàu-ê, iā bô tī hng-hng. ¹²M̄-sī tī thiⁿ--nih, tì-kàu lí kóng, Chī-chui ūi goán chiūⁿ-thiⁿ, toà-lâi goán chia, hō· goán thiaⁿ lâi kiáⁿ i ah? ¹³Iā m̄-sī tī hái-goā, tì-kàu lí kóng, Chī-chui ūi goán kè-hái toà-lâi goán chia, hō· goán thiaⁿ lâi kiáⁿ i ah? ¹⁴Chit ê oē kap lí chin kūn, chiū-sī tī lí ê chhui tī lí ê sim, hō· lí thang lâi kiáⁿ i.

¹⁵Khoàⁿ ah, goá kin-á-jit ū ēng oáh kap hok-khì, sí kap chai-ē, pài-liát tī lí ê bīn-chêng; ¹⁶chiū-sī goá kin-á-jit bēng-lēng lí thiàⁿ Iâ-hô-hoa lí ê Siōng-tè, kiáⁿ I ê tō-lō·, siú I ê kài-bēng, lùt-lē, hoat-tō·, hō· lí thang oáh-teh, ke-thiⁿ lāng-giáh, Iâ-hô-hoa lí Siōng-tè chiū beh tī lí só· beh jlp-khì sēng-chiap ê toē sù-hok lí. ¹⁷Siat-sú lí ê sim poē-biū m̄ thiaⁿ-thàn, koh siū iú-hék, khì kèng-pài pát ê siōng-tè hók-sāi i; ¹⁸goá kin-á-jit chiū bēng-bēng ká lín kóng, lín tek-khak beh biát-bô; tī lí kè Iok-tàn jlp-khì sēng-chiap ê toē, lí ê jlt-chí boē-oē kú-tng. ¹⁹Goá kin-á-jit kiò thiⁿ kiò toē tùi lín choè kan-chèng, goá ēng siⁿ sí, chiok-hok chiù-chó·, pài-liát tī lí ê bīn-chêng; só·-í lí tiòh kég oáh-miā, hō· lí kap lí ê hō·-è lóng oē oáh-teh; ²⁰lâi thiàⁿ Iâ-hô-hoa lí ê Siōng-tè, thiaⁿ I ê oē, kiát-liân tī I; in-ūi I sī lí ê oáh-miā, lí ê jlt-chí kú-tng iā chāi tī I; hō· lí thang khiā-khí tī Iâ-hô-hoa tùi lí ê liát-chó· A-pek-láh-hán, Í-sat, Ngá-kok, chiù-choā só· beh siúⁿ-sù in ê toē.

31 Mô-se ēng chiah ê oē khì ká Í-sek-liát chēng-lāng kóng. Tùi in kóng, Goá kin-á-

jít chít-pah jī-cháp hê, boē koh chiàu-siông chhut-jíp; Iâ-hô-hoa iā bat tùi goá kóng, Lí boē-oē kè chít ê Iok-tàn. ³Iâ-hô-hoa lí ê Siông-tè beh chhoā lí kè-khì, beh biát-bô chiah ê kok tī lí ê bīn-chêng, lí beh sêng-chiap in. Iok-su-a beh chhoā lí kè-khì, chhin-chhiūⁿ Iâ-hô-hoa só· bat kóng-ê. ⁴Iâ-hô-hoa beh khoán-thāi in, chhin-chhiūⁿ chêng-jít khoán-thāi I só· biát A-mô-lī lāng nng ê ông, Se-hông kap Gók, í-kip in ê toē chít-iūⁿ. ⁵Iâ-hô-hoa beh ēng in kau tī lín ê bīn-chêng; lín tiòh chiàu goá só· hoan-hù lín it-chhè ê bēng-lēng khoán-thāi in. ⁶Lín tiòh íong-kám chòng-tátⁿ, bôh-tit kia, iā bôh-tit lún in; in-ūi Iâ-hô-hoa lí ê Siông-tè kap lí khì, I bô lī-khui lí, iā bô pàng-sak lí. ⁷Mô-se kiò Iok-su-a lāi, tī Í-sek-liát chêng-lāng ê bīn-chêng tùi i kóng, Lí tiòh íong-kám chòng-tátⁿ, in-ūi lí beh kap chít ê peh-siⁿ khì, jíp Iâ-hô-hoa tùi in liát-chó· chiù-choā beh hō· in ê toē, lí iā beh hō· in tit-tiòh i choè-giáp. ⁸Iâ-hô-hoa beh kiāⁿ tī lí ê bīn-chêng; I beh kap lí tī-teh, I bô lī-khui lí, iā bô pàng-sak lí; bôh-tit kiaⁿ, iā bôh-tit lún.

⁹Mô-se siá chít ê lút-hoat, kau-hō· kng Iâ-hô-hoa iok-kūi ê chè-si, Lī-bī ê kiáⁿ-sun, kap Í-sek-liát ê chêng tiúⁿ-ló. ¹⁰Mô-se bēng-lēng in kóng, Múi chhit-nī ê lō-bé, chiū-sī tī thâu-pàng ê nī tiāⁿ-tiòh ê kī, tah-liâu-choeh ê sí, ¹¹Í-sek-liát chêng-lāng lāi-kàu Iâ-hô-hoa lí Siông-tè ê bīn-chêng, tī I só· keng ê só· chāi, hit-sī lí tiòh tī Í-sek-liát chêng-lāng ê bīn-chêng thak chít ê lút-hoat hō· in thiaⁿ. ¹²Lí tiòh chū-chíp peh-siⁿ ta-po·, cha-bó·, gín-ná, í-kip lí siāⁿ-mng-lāi ê chhut-goā lāng, hō· in thiaⁿ, hō· in háp-síp, thang keng-ùi Iâ-hô-hoa lín ê Siông-tè, chip-siú lāi kiāⁿ chít ê lút-hoat it-chhè ê oē; ¹³iā hō· in m̄-chai-iaⁿ ê kiáⁿ-jī tit-tiòh thiaⁿ-kìⁿ; chiū tī lín kè Iok-

tàn só· sêng-chiap ê toē, chiàu lín tiàm tī-hia it-chhè ê jít thang hák-síp keng-ùi Iâ-hô-hoa lín ê Siông-tè.

¹⁴Iâ-hô-hoa tùi Mô-se kóng, Khoàⁿ ah, lí sí ê kī kūn lah; lí tiàu Iok-su-a lāi, saⁿ-kap khiā tī hoē-bō-tiong; goá beh ēng chít-jīm bēng-lēng i, Mô-se chiū kap Iok-su-a khì saⁿ-kap khiā tī hoē-bō-tiong. ¹⁵Iâ-hô-hoa tī hoē-bō-lāi, hūn-thiāu tiong, hián-hián; hūn-thiāu theng tī hoē-bō-mng ê téng-bīn. ¹⁶Iâ-hô-hoa koh tùi Mô-se kóng, Khoàⁿ ah, lí beh kap lí liát-chó· saⁿ-kap khùn; chít ê peh-siⁿ beh kī-lāi, kiāⁿ siā-īm lāi thàn i só· beh khì tiàm hit só·-chāi goā-bīn ê siông-tè, lī-khui Goá, poē Goá kap i só· líp ê iok. ¹⁷Hit-sī Goá beh tùi in hoat-chhut siū-khì; Goá iā beh lī-khui in, ng-bīn m̄-khoàⁿ in; in beh siū thun-biát, tú-tiòh choē-choē chai-ē hoān-lān; hit-jít in beh kóng, Lán tú-tiòh chai-ē hoān-lān, kiám-m̄-sī in-ūi lán ê Siông-tè bô tī lán ê tiong-kan mah? ¹⁸Hit-jít in-ūi in phian-ng pát ê siông-tè só· kiāⁿ it-chhè ê pháiⁿ, só·-í Goá koat-toàn ng Goá ê bīn. ¹⁹Taⁿ lín ka-kī tiòh siá chít ê koa, ēng hit-ê kà-sī Í-sek-liát ê kiáⁿ-sun, hō· in ê chhui liām, hō· chít ê koa kà Goá choē kan-cheng tī Í-sek-liát ê kiáⁿ-sun. ²⁰In-ūi Goá chhoā in jíp Goá tùi in ê liát-chó· só· chiù-choā hit ê lâu lín kap bít ê toē; in tit-tiòh chiah koh pá-chiok, sin-thé pui, chiū beh phian-ng pát ê siông-tè hók-sāi in, khoàⁿ-khin Goá, poē Goá ê iok. ²¹Kàu in tú-tiòh choē-choē chai-ē hoān-lān ê sí, chít ê koa beh tī in ê bīn-chêng choē kiàn-cheng lāi kan-cheng in; in-ūi in ê kiáⁿ-sun ê chhui beh liām, bô boē-kì-tit; in-ūi hián-kim Goá iáu-bē chhoā in kàu Goá só· chiù-choā ê toē, in só· chūn ê liām-thâu, Goá í-keng chai. ²²Tng hit-jít Mô-se chiū siá chít ê koa, chiong i lāi kà-

sī Í-sek-liát ê kiáⁿ-sun. ²³Iâ-hô-hoa hoan-hù Lùn ê kiáⁿ Iok-su-a kóng, Lí tiòh íong-kám chòng-táⁿ, in-ūi lí beh chhoā Í-sek-liát lāng jlp Goá só· chiù-choā hō· in ê toē; Goá beh kap lí saⁿ-kap tī-teh.

²⁴Mô·se ēng chit ê lút-hoat ê oē siá tī chheh--nih, it-chīn siá bēng-pék; ²⁵Mô·se chiū hoan-hù kng Iâ-hô-hoa iok-kūi ê Lī-bī lāng, kóng, ²⁶Chiong chit ê lút-hoat ê chheh hē tī Iâ-hô-hoa lín Siōng-tè ê iok-kūi piⁿ, thang tī-hia choē lí ê kan-chèng. ²⁷In-ūi goá chai lí sī poē-gék--ê, sī ām-kún ngī--ê; khoàⁿ ah, Goá kin-á-jlt iáu oáh kap lín tī-teh, lín siōng-chhiáⁿ poē-gék Iâ-hô-hoa, hô-hòng goá sí liáu-āu ah? ²⁸Tiòh chū-chíp lín chiaⁿ ê chi-phài ê tiúⁿ-ló kap koaⁿ-tiúⁿ lóng lāi, goá beh kóng chiaⁿ ê oē hō· in thiaⁿ, iā beh kiò-thiⁿ kiò-toē hō· in choē kan-chèng. ²⁹In-ūi goá chai goá sí liáu-āu, lín beh choân-jian pāi-hoāi, oai-chhoāh goá só· bēng-lēng lín kiāⁿ ê tō-lō; jlt-āu lín beh tú-tiòh chai-ē, in-ūi lín beh kiāⁿ Iâ-hô-hoa só· khoàⁿ-choē pháiⁿ ê sū, ēng lín ê chhiú só· choē jiá I ê siū-khi.

³⁰Mô·se chiong chit ê koa ê oē, thau kàu bé kóng hō· Í-sek-liát choân-hoē thiaⁿ.

32 Chiaⁿ ê thiⁿ ah, tiòh àⁿ hī-khang, goá beh kóng-oē; Goān toē iā tiòh thiaⁿ goá ê chhiú só· kóng ê.

²Goá ê kà-sī beh chhin-chhiūⁿ hō· kàng-lòh, Goá ê oē chhin-chhiūⁿ lō·-chui teh tih; Chhin-chhiūⁿ mng-mng ê hō· lòh tī iù-iù ê chháu, Chhin-chhiūⁿ toā-hō· lòh tī chhài-soe.

³In-ūi goá beh soan-thoan Iâ-hô-hoa ê miā; Lín tiòh chun lán ê Siōng-tè choē toā.

⁴Choē Chiòh-poāⁿ-ê, I só·-choē-ê sī oân-choân, I ê lō· lóng sī kong-pēng; Sī chin-sit ê Siōng-tè, lóng bô put-gī; I sī kong-gī, koh cheng-tit.

⁵Chit ê koai-phiah oan-khiau ê sè-tāi ka-kī pāi-hoāi; M-sī I ê kiáⁿ, sī in ê pē-pēng.

⁶Gū-gōng bū-ti ê peh-siⁿ ah, Lín án-ni pò-tap Iâ-hô-hoa mah? I kiám-m-sī lí ê lâu-pē, boē-lí-ê mah? I ū chhòng-chō lí, kiàn-lip lí.

⁷Tiòh kì-tit kó·-chá ê jlt, Siàu-liām lèk-tāi ê nī; Mng lí ê lâu-pē, i beh chí-sī lí, Mng lí ê lâu-toā, in beh ká lí kóng.

⁸Chì-koāiⁿ-ê pun-giap hō· liát-pang. Pun-khui sè-kan lāng ê sí, Chiū tiāⁿ-tiòh peh-siⁿ ê kài-hān, Chiàu Í-sek-liát lāng ê siàu-giáh.

⁹Iâ-hô-hoa ê hūn-giáh sī I ê peh-siⁿ; I só· tit-tiòh ê sán-giap sī Ngá-kok.

¹⁰I tú-tiòh i tī pha-hng ê toē, Tī hong-hoē iá-siù háu ê khòng-iá, I ūi-séh i, khoàⁿ-kò· i, Pó-hō· i chhin-chhiūⁿ bák-chiu-jin.

¹¹Koh chhin-chhiūⁿ eng-chiáu lā i ê siū, Tī eng-á ê téng-bīn iát i ê sit, Thí-khui sit-kó· lāi sin i, Chài i tī i ê sit-kó·.

¹²Chí-ū Iâ-hô-hoa chhoā i, Bô pát ê siōng-tè kap i tī-teh.

¹³Chiū hō· i khiā tī toē-chiūⁿ koāiⁿ ê só·-chāi, Tit-tiòh chiaⁿ chhân--nih ê thó·-sán; Koh hō· i tui chiòh-poāⁿ suh-bit, Tui hé-chiòh suh-iú;

¹⁴Iā chiaⁿ gū-lin-iū, kap iūⁿ-lin, Pui ê iūⁿ-á-kiáⁿ, Pa-san só· chhut ê mi-iūⁿ-káng kap soaⁿ-iūⁿ, Kap siōng-hó ê sió-béh; Iā lim phū-tô-chiap ê chiú.

¹⁵Iā-su-lūn pui chiū á-pà, Lí í-keng pui, koh toā-liáp, bah chin-phauh; I chiū lī-khui chhòng-chō i ê Siōng-tè, Khoàⁿ-khin kiù i ê Chiòh-poāⁿ.

¹⁶In ēng pát ê siōng-tè kek I tò·-khī, Ēng khó·-òⁿ-ê, jiá I ê siū-khi ¹⁷In chè-hiàn siā-kui, m-sī chin ê Siōng-tè, Chiū-sī in pēng-sò· só· m-bat ê siōng-tè, Sī sin--ê, kūn-lāi chiaⁿ ū--ê, Sī lí ê liát-chó· só· bô kiaⁿ-ùi ê.

¹⁸Siⁿ lí ê Chiòh-poân, lí bô siàu-liām I, Siⁿ lí ê Siōng-tè, lí boē-kì-tit I.

¹⁹Iâ-hô-hoa khoàⁿ-kìⁿ, chiū oàn-hūn, In-ūi I ê kiáⁿ cha-bó[·]-kiáⁿ kek I ê iân-kò[·].

²⁰Chiū kóng, Goá beh tùi in ng Goá ê bīn, Khoàⁿ in kiát-kiók cháíⁿ-iūⁿ; In sī koai-phiah ê chók-lūi, Bô sìn-sít ê kiáⁿ-jī.

²¹In ēng hit-ê m̄-sī Siōng-tè ê, kek Goá ê tò[·]-khī, Ēng in ê hu-ké ê m̄h, jiá Goá ê siū-khī; Goá chiū ēng m̄-sī choè peh-siⁿ ê, kek in ê tò[·]-khī; Ēng gū-gōng ê kok-bīn, jiá in ê siū-khī.

²²In-ūi tī Goá ê siū-khī-tiong ū hé lóh--khí-lai, Sio kàu im-kan kék-chhim ê só[·]-chāi, Iā sio toē kap toē ê chhut-sán, Iā khí-hé sio chiaⁿ ê soaⁿ ê toē-ki.

²³Goá beh chek-chū chai-ē tī in ê téng-bīn, Ēng Goá lóng-chóng ê chīⁿ lai siā in.

²⁴In beh in-ūi iau-gō lai siàu-sán, Siū iām-jiát kap tók-chèng thun-biát; Goá beh hō[·] in tú-tiòh iá-siū ê chhui-khí, Kap choa[·] ê tók.

²⁵Goā-bīn ū to-kiām, Lāi-bīn ū kiaⁿ-hiāⁿ, hō[·] lāng sí-bô, Hō[·] siàu-liān ê ta-po[·]-lāng, kap chāi-sek-lú, Chiāh-lin-ê, kap pēh thau-m̄ng ê lāng, lóng biát-bô,

²⁶Goá kóng, Goá beh hō[·] in sì-soàⁿ tī h̄ng-h̄ng, Tī lāng ê tióng-kan tū in ê miā-jī;

²⁷Chóng-sī Goá kiaⁿ tùi-ték kek Goá, Kiaⁿ-liáu in ê tùi-ték gō[·]-hoē, Kiaⁿ-liáu in beh kóng, Sī goán ê chhiú kiáh-koāiⁿ, M̄-sī Iâ-hô-hoa kiáⁿ chiaⁿ ê sū.

²⁸In-ūi in sī boē hiáu-tit siūⁿ ê peh-siⁿ, Tī sim-lāi bô chhang-miā.

²⁹Goān in ū tì-hui, oē bēng-pék chit-ê, Oē siūⁿ in ê kiát-kiók.

³⁰Nā m̄-sī in ê Chiòh-poân boē in, Nā m̄-sī Iâ-hô-hoa chiong in kau hō[·] lāng, Cháiⁿ-iūⁿ tùi-ték chit-ê oē koáⁿ in chit-chheng? N̄ng-ê

oē hō[·] in chit-bān tô-cháu ah?

³¹In ê chiòh-poân bô chhin-chhiūⁿ lán ê Chiòh-poân, Lián lán ê tùi-ték iā án-ni phēng-phoàn.

³²In ê phû-tô-chhiū sī tùi Sô[·]-to-má ê phû-tô-chhiū thoân-ê, Iā tùi Gô-mô[·]-láh ê h̄ng chhut-ê, In ê phû-tô sī tók ê phû-tô, Kui-pha lóng sī khó[·]--ê;

³³In ê chiú sī lēng ê tók, Sī ok-choa[·] chân-hāi ê tók.

³⁴Che kiám-m̄-sī chek-chū tī Goá chia, Hong-bát tī Goá pó[·]-poē ê khò[·]-pāng mah?

³⁵Sin-oan pò[·]-èng chāi-tī Goá, Tī in ê kha táh-tian ê sí; In-ūi in tú-tiòh chai-ē ê jít kūn lah, Sô[·] beh tú-tiòh ê sū oē kín-kín kàu.

³⁶Iâ-hô-hoa khoàⁿ-kìⁿ I ê peh-siⁿ khui-lát í-keng bô--khī, Hiah-ê khu-sok--ê, chū-iū--ê, lóng bô lâu chit-ê, Chiū beh thoē in sin-oan, In-ūi I ê lô[·]-pók lai thè-hoé.

³⁷I beh kóng, In ê siōng-tè, In só[·] oá-khò ê chiòh-poân;

³⁸Chiū-sī chiaⁿ in chè-sū ê iū, Lim in koàn-tiān ê chiú ê, taⁿ tī toh-lóh? Thang hō[·] in khí-lai pang-chān lín, Pó[·]-hō[·] lín.

³⁹Lín taⁿ tiòh khoàⁿ, Goá, Goá chiū-sī I, Goá í-goā bô ū Siōng-tè; Goá hō[·] lāng sí, Goá hō[·] lāng oáh, Goá sún-siong--i, Goá i-tī--i; Bô chit-ê oē tùi Goá ê chhiú kiù-chhut.

⁴⁰Goá kiáh-khí chhiú òng thiⁿ kóng, Goá kí Goá ê éng-oáh lai kóng;

⁴¹Goá nā boā Goá kng-nà-nà ê to, Goá nā chip-hēng sím-phoàn, Chiū beh hēng-hoát Goá ê tùi-ték, Pò[·]-èng oàn-hūn Goá ê lāng.

⁴²Goá beh hō[·] Goá ê chīⁿ lim huìh kàu chui, Goá ê to beh chiaⁿ bah, Chiū-sī siū-thai siū-liáh ê lāng ê huìh, Tùi-ték siú-léng ê thau ê bah.

⁴³Liát-kok ah, lóng tióh kap I ê peh-sìⁿ saⁿ-kap hoaⁿ-hí; In-ūi I beh ūi I ê lô-pók ê huìh sin-oan, Pò-èng I ê tui-ték, Beh siók I ê toē kap I ê peh-sìⁿ ê choē.

⁴⁴Mô-se lái, ēng chit ê koa it-chhè ê oē liām hō· peh-sìⁿ thiaⁿ; Lùn ê kiáⁿ Iok-su-a iā kap i tī-teh. ⁴⁵Mô-se tui Í-sek-liát ê cheng-lâng kóng chiaⁿ ê it-chhè ê oē beng-pék, chiū ká in kóng, ⁴⁶Goá kin-á-jit só· tui lín kan-cheng it-chhè ê oē, lín tióh khng tī sim--nih; iā tióh hoan-hù lín ê kiáⁿ-sun chip-siú lái kiáⁿ chit ê lút-hoat it-chhè ê oē; ⁴⁷in-ūi che tui-tī lín m̄-sī khang-khang ê sū; sī lín ê oáh-miā, iā beh in-ūi chit ê sū lín ê jit-chí tit-tióh kú-tng, tī lín kè Iok-tàn beh jip-khì sêng-chiap ê toē.

⁴⁸Tng jit Iâ-hô-hoa hoan-hù Mô-se kóng, ⁴⁹Lí chiūⁿ-khì A-pa-lím soaⁿ, Nî-pho ê soaⁿ-thâu, kap Iâ-lí-ko tui-bīn ê Mô-ap toē, khoàⁿ Goá siúⁿ-sù Í-sek-liát lêng choē-giáp ê Ka-lâm toē; ⁵⁰lí beh sí tī lí só· chiūⁿ-khì ê soaⁿ, lái tò-chó·, chhin-chhiūⁿ lí ê hiaⁿ A-lún sí tī Hô-jīⁿ soaⁿ, lái tò-chó· chit-iūⁿ; ⁵¹in-ūi lín tī Sim ê khng-iá, Ka-te-su ê Bí-lí-pa ê chúí, tī Í-sek-liát lêng tióng tek-choē Goá, in-ūi tī Í-sek-liát lêng tióng bô chun Goá choē sêng. ⁵²Lí thang tui-bīn khoàⁿ hit ê toē, chóng-sī boē-tit-thang jip-khì kàu Goá só· siúⁿ-sù Í-sek-liát lêng ê toē.

33 Siōng-tè ê lô-pók Mô-se, tī i iáu-bē sí ê tãi-seng, ká Í-sek-liát lêng chiok-hok; só· chiok-hok ê oē kī tī ē-toé. ²I kóng,

Iâ-hô-hoa tui Se-nái lái, Ūi-tióh in tui Se-jīⁿ khí-lái; Tui Pa-lân ê soaⁿ chiò-chhut kng, Tui bān-bān sêng-ê hia lái; Tui I ê chiáⁿ-chhiú ūi-tióh in hoat-chhut liát-hé ê lút-hoat.

³I put-chí thiáⁿ-thàng hiah ê peh-sìⁿ, I hiah ê sêng-ê lóng tī Lí ê chhiú; In chē tī Lí ê kha-ē, Thiaⁿ-siū Lí hiah ê oē.

⁴Mô-se ēng lút-hoat thoân hō· lán, Choē Ngá-kok hoē-chiòng ê sán-giáp.

⁵Peh-sìⁿ ê siú-léng, Í-sek-liát ê cheng chi-phài saⁿ-kap chū-hoē ê sī, I tī Iâ-su-lún choē-ông.

⁶Goān Liū-piān oáh-teh bô sí, Goān i ê lêng-giáp bô chió.

⁷I ká Iū-tāi chiok-hok, án-ni kóng, Kiū Iâ-hô-hoa thiaⁿ Iū-tāi ê siaⁿ, Chhoā i kàu i ê peh-sìⁿ hia; I bat ēng i ê chhiú ūi ka-kī kau-chiàn; Lí beh pang-chān i tí-tng i ê tui-ték.

⁸Lūn Lī-bī kóng, Lí ê Thó·-bêng kap Lí ê O-léng, kap Lí sêng-kiat ê lêng saⁿ-kap tī-teh; Lí tī Má-sat bat chhi i, Tī Bí-lí-pa ê chúí bat kap i saⁿ-chiⁿ.

⁹I lūn-kàu i ê lāu-pē, i ê lāu-bú, chiū kóng, Goá m̄-bat khoàⁿ-kìⁿ i; Iā bô sêng-jīn i ê hiaⁿ-tī; Iā bô sêng-jīn i ê kiáⁿ-jī; In-ūi in kiáⁿ Lí ê oē, Siú Lí ê iok.

¹⁰In beh ēng Lí ê hoat-tō· kà-sī Ngá-kok, Ēng Lí ê lút-hoat kà-sī Í-sek-liát; In beh ēng huiⁿ hē tī Lí ê bīn-cheng, Kap ka-n̄g-chiaⁿ ê sio-chè tī Lí ê toāⁿ-téng.

¹¹Goān Iâ-hô-hoa sù-hok i ê sán-giáp, Chiap-láp i ê chhiú só· choē ê káng; Hiah ê khí-lái kong-kek i kap oàn-hūn i ê lêng, Goān Lí phah-chhi in ê io, hō· in boē koh khí-lái,

¹²Lūn Piān-ngá-bín chiū kóng, Iâ-hô-hoa só· thiáⁿ ê beh kap I an-jiān khiā-khí; Iâ-hô-hoa thong-jit pó-hō· i, I iā beh tiām tī i ê keng-thâu-tióng.

¹³Lūn Iok-sek chiū kóng, Goān i ê toē tit-tióh Iâ-hô-hoa sù-hok, Tit-tióh thiⁿ-téng ê pó-mih, kap lō·-chúí, Í-kíp toē-ē só· khng ê chúí-goân;

¹⁴Tit-tióh jit-thâu só· siⁿ ê pó-mih, Gêh só· chhut ê pó-mih;

¹⁵Tit-tióh kó·-chá ê soaⁿ ê chì-pó, Kap éng

sè-tāi ê soaⁿ-niá ê pó-mih;

¹⁶Tit-tiòh toē ê pó-mih kap kī-tiong só· chhiong-moá--ê, Í-kíp tiàm tī chhì-phè-lāi--ê ê un-hūi; Goān hiah ê lóng kui tī Iok-sek ê thâu-khak, Kui tī hit-ê kap i ê hiaⁿ-tī pun-khui--ê ê thâu-khak-téng.

¹⁷Chhin-chhiūⁿ gū ê thâu-chiūⁿ-siⁿ-ê, êng-kng siók tī i, I ê kak sī iá-gū ê kak; Ēng in lâi tak bān peh-siⁿ kàu tī toē-kèk; Che sī Í-hoat-liân ê bān-bān, Má-ná-se ê chheng-chheng.

¹⁸Lūn Se-pò·lūn chiū kóng, Se-pò·lūn ah, lí chhut-goā thang hoaⁿ-hí; Í-sat-ka ah, tī lí ê pò·pīⁿ-lāi thang khoài-lók.

¹⁹In beh tiâu chia^h ê peh-siⁿ kàu soaⁿ--nih, Tī-hia beh hiàn kong-gī ê chè; In-ūi in beh khi^h-siu hái--nih ê hong-sēng, Kap soaⁿ-nih só·khng ê pó-poè.

²⁰Lūn Ka-tek chiū kóng, Khui-khoah Ka-tek-ê tit-tiòh o-ló; I bih-teh chhin-chhiūⁿ bú ê sai, I thiah-līh chhiú-kut kap thâu-khak.

²¹I ūi ka-kī pī-pān tãi-seng tit-tiòh ê giáp, In-ūi tī-hia ū siat lút-hoat--ê ê hūn-giáh lâu--teh; I kap peh-siⁿ ê siú-léng saⁿ-kap lâi, Kiāⁿ Iâ-hô-hoa ê kong-gī, Kap Í-sek-liát saⁿ-kap kiāⁿ I ê phoàⁿ-toàn.

²²Lūn Tàn chiū kóng, Tàn sī soè chia^h sai, Tùi Pa-san thiàu-chhut.

²³Lūn Ná-hut-tha-lī chiū kóng, Ná-hut-tha-lī ah, tit-tiòh un-hūi chhiong-chiok; Iā tit-tiòh Iâ-hô-hoa ê sù-hok moá-moá ê, Beh tit-tiòh sai--sì kap lâm--sì choè giáp.

²⁴Lūn A-siat chiū kóng, Goān A-siat in-ūi kiáⁿ choē lâi tit-tiòh hok-khì, Tit-tiòh in ê hiaⁿ-tī ê hoaⁿ-hí; Thang ēng i ê kha ùn tī iū--nih.

²⁵Lí ê mng-kong sī thih--ê, tâng--ê; Lí ê jīt-chí cháíⁿ-iūⁿ, lí ê khui-lát iā beh án-ni.

²⁶Iâ-su-lūn ah, bô ū chhin-chhiūⁿ Siōng-tè

ê, I chē-thiⁿ lâi pang-chān lí, Iā chē kiong-chhong, hián-bēng I ê ēng-kng.

²⁷Ēng-oáh ê Siōng-tè choè lí khiā-khí ê só·chāi, Ēng-oán ê chhiú tī lí ê ē-bīn; I tī lí ê bīn-chēng koáⁿ tùi-ték, Koh kóng, Húi-biát i.

²⁸Í-sek-liát an-jiān khiā-khí, Ngá-kok ê hō·-è ka-kī toà tī ngó·kok kap chiú ê toē; I ê thiⁿ iā tih-lòh lō·chúi.

²⁹Í-sek-liát ah, lí ū hok-khì; Chī-chui chhin-chhiūⁿ lí chit-ê hō· Iâ-hô-hoa só· chín-kiù ê peh-siⁿ ah? I sī lí ê tīn-pāi pó-hō· lí, Sī lí ēng-iāu ê to-kiām; Lí ê tùi-ték beh tâu-hāng lí; Lí beh tǎh tī in koāiⁿ ê só·chāi.

34 Mô·se tùi Mô·ap pīⁿ-iūⁿ chiūⁿ Nī-pho soaⁿ, chiūⁿ hit ê kap Iâ-lī-ko saⁿ-tùi ê Pí-su-ka soaⁿ-thâu. Iâ-hô-hoa hō· i khoàⁿ Ki-liát choân-toē tit-kàu Tàn; ²Ná-hut-tha-lī choân-toē, Í-hoat-liân Má-ná-se ê toē, Iū-tāi choân-toē kàu sai-hái; ³Lâm-hng kap kiò-choè chó-chhiū-siāⁿ ê Iâ-lī-ko soaⁿ-kok ê pīⁿ-iūⁿ, kàu Só-jī^m. ⁴Iâ-hô-hoa tùi i kóng, Chit ê toē chiū-sī Goá tùi A-peh-láh-hán, Í-sat, Ngá-kok, chiū-choā kóng, Goá beh siúⁿ-sù lí ê hō·-è ê, taⁿ Goá hō· lí chhin-bák khoàⁿ-kìⁿ; chóng-sī lí boē tit-tiòh kè-khì kàu hia. ⁵Iâ-hô-hoa ê lô·pók Mô·se chiū sí tī-hia, tī Mô·ap ê toē, chiàu Iâ-hô-hoa só· kóng ê. ⁶Iâ-hô-hoa bāi-chòng i tī Mô·ap toē, Pek-pí-jī^m saⁿ-tùi ê soaⁿ-kok; kàu kin-á-jīt bô lāng chai i ê bōng. ⁷Mô·se sí ê sī, chit-pah jī-cháp hē, bák-chiu bô hoe, cheng-lék bô soe-thē. ⁸Í-sek-liát lāng tī Mô·ap pīⁿ-iūⁿ ūi-tiòh Mô·se ai-khàu saⁿ-cháp jīt; ūi-tiòh Mô·se iu-būn ai-khàu ê jīt moá lah.

⁹Lūn ê kiáⁿ Iok-su-a tit-tiòh tì-hūi ê sīn chhiong-moá; in-ūi Mô·se bat hoāⁿ-chhiú tī i ê téng-bīn; Í-sek-liát lāng chiū thiaⁿ-thàn i, chiàu Iâ-hô-hoa só· bēng-lēng Mô·se ê lâi

kiâⁿ. ¹⁰Āu-lâi Í-sek-liát-tiong bô koh heng-
khí sian-ti chhin-chhiūⁿ Mô·-se, i sī Iâ-hô-hoa
bīn tùi bīn só· bat ê; ¹¹chiàu Iâ-hô-hoa chhe
i tī Ai-kíp toē, tùi Hoat-ló kap i lóng-chóng ê
jîn-sîn, í-kíp i ê choân-toē só· kiâⁿ ták-iūⁿ ê
sîn-jiah kî-sū, iā chiàu toā koân-lêng ê chhiú,
toā thang kiaⁿ ê sū, chiū-sī Mô·-se só· kiâⁿ tī
Í-sek-liát chêng-lâng ê bák-chiu-chêng ê.